

नेपाल द्वादश तीर्थ महात्म्य

ॐ नमो रत्न त्रयाय



ॐ नमो बुद्धायः

नेपाल द्वादश तीर्थ महात्म्य

संस्था तथा प्रकाशकः
धर्मराज वज्राचार्य

पिकाकः

धर्मराज बज्राचार्य

गावाहाः, प्यंगःथां

इवाहाः चोक, यल ।

प्रकाशित मिति:

बुद्ध सम्बत् २५३७

नेपाल सम्बत् १११४ बद्धलाथ्व अक्षय त्रित्या

विक्रम सम्बत् २०५१

प्रथम संस्करणः १०००

मूः २८१-

थाकूः

बागमती छापाखाना

गावाहाः, यल ।

फोन ५२१६४७

जिगु धापु खँ छगू

खला छित न्ह्यागुहे ज्या यासानं तबि धर्म कर्म मयायकं
कीपि तरे जुया वने फैमखू । छाय धालसा न्ह्यागुहे धर्म कर्म
यासानं श्री बुद्ध धर्म संघ त्रिरत्न यागु शरणे मवकं कीपि च्वे
भावक प्रत्येक माहायान धर्म याना यंकूसां फल प्राप्त मजू ।

कीसं खनकि ह्वापा ह्वापायापि तथागत पिनिसं अष्टमी
व्रत दना बोधिज्ञान लाना तरेजुया वना च्वन । उक्थे कीसनं
न्यना स्वया तयागु आधारं श्री स्वयम्भू पुराण ग्रन्थ पाखें प्यहाँ
वया च्वंगु थुगु द्वादश तीर्थ यागु महात्म्य पुराणे ग्रन्थे श्री
करुणामयनं सकलयात उद्धार याना बिज्यागु खः वथ्येनतूं कीसं
नं थुगु सफूलि उल्लेख याना तःगु धर्म ज्ञान गुलि दु उलिहे
सीका थुयिका ज्ञान प्राप्त याना काय माल धयागु कीसं मनंतुने
माल । खजा छित ह्वापांस्येहे पुलां पुलांगु पुस्तक सफू प्रकाशे
हयत जिनं आपालं माला माला स्वया लुयिका दयका थुगु पुस्तक
सफू यात याकनंहे पाठक वर्गया न्ह्योने तय फुगु खः । उकीसन
थुगु चिकिचा धंगु सफू प्रकाशित यायत माक्वहे ग्वाहालि याना
अलसिमचासे तःधंगु परिश्रम याना प्रेसे वना समेत प्रुफ स्वया
ग्वाहालि याना बिज्याह्य हितैसि पासा श्री हिरण्यवर्ण महाबिहार
या हाल ज्वम्बहाः यलसं च्वना बिज्याह्य श्री बुद्धरत्न बज्राचार्य
ज्यू खः । उकीं वयक यात जिगु हृदय निस्ये तःधंगु धन्यवाद

(ख)

बिया चवनागु दु । पुनः थुगु पुस्तक सफू प्रकाश यायत माःगु
आर्थिक स्वरूप सहयोग चन्दा प्रदान याना बिज्यापि दीःपि
भाजु मय्जु पित्तन जिगु दुनुगलं निसें धन्यवाद बिया चवनागु
दु । गुगु आर्थिक सहयोग याना बिज्यापि दीःपिनिगु नां थाय्
दां तका थुगु सफूया १७३ पेजे दु ।

अन्ते थुगु सफूति आल गनं गुथासं द्वंगु, मगागु, अपोगु,
अशुद्धगुनं दयफू सफू ब्वना बिज्यापि सज्जन वर्गपिसं शुद्ध रूपं
ब्वनी धयागु तःधंगु आशा याना चवनागु दु ।

१७/१४६

इबाहाः चोक, प्यङ्गथां
यल ।

बिनित

मूँहा तथा प्रकाशक
धर्मराज बज्राचार्य

१०००० झीदो इनाम



मचाया वी
राम व्यञ्जनकार

मचाया माँ
बिष्णु माया
व्यञ्जनकार

मचाया नां
बिकेन व्यञ्जनकार
च्यास त्वा, यल
द्योक्व पुखु नापं

श्वहे वंगु २०५० सालया असार ५ गते खुन्हु लःपु.न.पा.
वडा नं. ६ च्यास त्वाले च्वंहा वषे ४ फुना ५ न्यादें क्योँहा मचा
तना च्वंगु आतकनं मलुगुलि सुनानं लुइका कोय् च्वया तयागु
फोन नं वा छें खबर बिल धासा वइत दाँ १०००० फिदो
तक्क पुरुस्कार बिइगु इनाप याना च्वना ।

सम्पर्क तय्गु थाय्ः--

राज व्यञ्जनकारया पसः
च्यास त्वा, द्योक्व
पुखु नाप

५२५८६८
५२९५०६
५२६३७८

धलः पौ

धलः

| | |
|-------------------------------|-----|
| १. पुण्य तीर्थ | १ |
| २. शान्त तीर्थ | १२ |
| ३. शंकर तीर्थ | ३२ |
| ४. राजतीर्थ | ५० |
| ५. मनोरथ तीर्थ | ७१ |
| ६. निर्मल तीर्थ | ७८ |
| ७. निधान तीर्थ | ८७ |
| ८. ज्ञान तीर्थ | ९७ |
| ९. चिन्तामणि तीर्थ | १०५ |
| १०. प्रमोद तीर्थ | १२६ |
| ११. शुलक्षण तीर्थ | १४६ |
| १२. जयतीर्थ | १६१ |
| १३. स्नान दान विधि | १७० |
| १४. चन्दादातापिनिगु नांया धलः | १७३ |

पुण्य तीर्थ

ॐ नमो रत्न त्रयायः ॥ ॥ आदौ ह्नापां मैत्रिय बोधिसत्त्वं श्री भगवानया थांय् न्ह्यने चोना ल्हानिपां बिन्ति याना । हे प्रभु छल्पोलया कृपांः थ्व नेपाल मण्डले द्वादश तीर्थ उत्पत्ति जुगूः पुण्यफल म्यला लाइगु हानं थुगूः द्वादश तीर्थ सुना २ व्रत याना वन । थुगू तीर्थ तपस्या याना सुसु उद्धार जुलः इमित उकियागु फल छुछुलात । हे गुरु थ्व खँ जूसां जि अत्यन्त हे न्यनेगु इच्छा जुल । हे नाथ, हे गुरु छल्पोलं जिगु उपरे दया कृपातया उगूः सम्पूर्ण खँ आज्ञा दय्का बिज्याहुँ धका । थय्ये मैत्रिय, बोधिसत्त्वं बिन्ति यागु खँ न्यना श्री भगवानं, थय्ये आज्ञा दय्का बिज्यात ।

हे मैत्रिय, धन्य २ छ खः आः छंगु मन एक चित्त याना न्यो । जित जि गुरुं गथे कना तःगुः खँ खः अथे हे नतुं, थौं यागु दिनेसं छन्त जि कने त्यना । श्रुतू छँन्योः । आदोः न्हापां मूलगु बागमति व अमोघ फलदायनी धयागु । थ्व निगूलीं छगु जुया मिले जुया सङ्गम जुया च्वंगु थाय् यात शोधन तीर्थ धका नामं प्रसिद्ध जुया च्वंगु थजागु तीर्थ बास याना च्वंह्य तक्षेक धका नां जुया च्वंह्य नागराजा यागु शरीरस कुष्ठ रोगं कया उगु रोग क्कं बरेजुया वया थगु शरीरे कष्ट जुया वस्येलि । थुह्य नाग राजां मने ल्वीकलकी । अहो आश्चर्य जि मखुगु कर्म यानागुलीं उगू फल थौं थ्व जिगु शरीरे कुष्ठ

रोगं धिल । आः श्व कुष्ठ रोग शान्त याय्त गथे यायेमाल ।
बिना दान धर्म, जप तप मयास्ये थुगु रोग शान्त जुड मखु ।
आः जि छु कर्म याना थुगु रोग शान्त यायेमालि धका मने
लुईका । उगुहे शोधन तीर्थे वने माली धका धया वना । थुह्य तक्षेक
नागराजां अनहे उगु तीर्थस्थले च्वना तपस्या याना च्वंवन ।

हे मैत्रिय बोधिसत्व धका श्री भगवानं आज्ञा दयेका
बिज्यात । श्व खँ न्यना मैत्रिय बोधिसत्वं हाकनं श्री भगवान
याके थथ्ये बिन्ति यात । हे भगवान, हे शास्ता, हे गुरु, थुह्य
तक्षेक नागराज यात छुया निति उगु कुष्ठ रोगं केका पिडा
जुइका च्वने माल धका थथ्ये बिन्ति यास्येलि श्री भगवानं
थथ्ये आज्ञा दयेका बिज्यात ।

हे मैत्रिय, श्व खँ गथे धाःसा आदि ह्वापां नेपाल मण्डले
लखँ जलामय जुया च्वंबले श्री मञ्जुश्री गुरुं उगु दहंया लख
छोना छोय धुंका थुह्य तक्षेक नाम नागराजां जूसां उगु दहने
च्वना च्वंपि अनेक प्रकारया जल जन्तुः डां, ब्यां, सोंजु गोंजु,
काबले इत्यादि सकल जन्तु पित्तनं श्व तक्षेक नागं डाना,
गुलिसितनं थमहे नया, गुलिसितनं अनेक प्रकारं सास्ति याना
थयोथे सना जुल ।

हे मैत्रिय, थुकेयागु प्रभावं नं व नाग यात अथे कुष्ठ रोगं
कयेका महाकष्ट नया च्वने मागु । आः श्व नागं थगु मनं
चायेका उगु कुष्ठ रोग हरण यायेत (मदयेकेत) व शोधन
तीर्थे च्वना तपस्या याना च्वंवन । गयोगु प्रकारं तपस्या यात
धाल धाःसा एक चित्तं श्री त्रिरत्न यागु नां कया स्मरण

याना, नित्य २ हे उगु तीर्थे च्वना बालुका धयागु फियागु नतुं
चैत्य दयेका उगु चैत्ययात अनेक प्रकारं जप तप ध्यान आदि
याना षडक्षरि मन्त्र प्रयोग याना थथ्ये चानहिनं उगु तीर्थे
लखे ह्यथुना स्तोत्र त्रिरत्न यागु भक्तियाना थूगु प्रकारं तपस्या
यात । हे मैत्रिय, अथ्य च्वना तपस्या याना च्वच्चं २ नोछन्हु
दयावस्येलि थुह्य तक्षेक नागया शरीरे च्वंगु कुष्ठ रोग नाश
जुया मदया वना दिव्य शरीर जुया बल । हे मैत्रिय, थथ्ये
तीर्थे सेवा यागु पुण्यया प्रभावं श्व नागराजाया ह्वापा स्वयां
बाँलागु रूप शरीर जुया वगु खना श्व स्वया बडो आनन्द
च्वना तपस्या याना हे च्वन ।

हे मैत्रिय, अनंतीः छन्हुया दिनसं अन च्वच्चं २ थुह्य
तक्षेक नागया जूसां थगु शरीरस न्यंकनहे म्हछम्हें स्वया मन
यात अत्यन्त हर्ष जुइका धालकि । अहो आश्चर्य जि जूसां
कुष्ठरोगं पिडा ज्वीका च्वनाम्हः थुजोम्हेसिनं, थुगु शोधन
तीर्थे वया नोछको यंकहे थुगु तीर्थे स्नान याना श्री त्रिरत्न
यात भजे याना सुवर्ण बालुका यागु चैत्य दयेका षडक्षरि मन्त्र
धारणा याना च्वना च्वनागु थनी २१ नोछन्हु तिनि दुगु बखते
हे जित थुजोगु प्रकारं आनन्द जुया उगु कुष्ठरोग हरण जुया
दिव्य देह ज्वीका बिल । धन्य २ जिगु भाग्ये थथीं जागु
उतमगु तधंगु तीर्थजा गनंहे मखँ । हानंः श्री त्रिरत्न थ्ये
तधंम्हनं जि गनंहे मखँ । धन्य २ ओस्पोल पिनिगु कृपानं थौं
जिगु शरीरे जुया च्वंगु माहा कुष्ठरोग फुकहे शान्त जुया
दिव्यदेह ज्वीका बिल । हे भगवान, आः जिनं थयोगु पूण्य

क्षेत्र तोता गनवने । हानं थश्चिम्ह तधंम्ह त्रिरत्न यागु भक्ति
मयास्ये सुदेवयागु भक्तियावने धया । उगुहे शोधन तीर्थे वासः
याना श्री स्वयम्भू तीर्थराज पिनिगु भक्तियाना च्वना च्वच्चर
आपालं दयावन । अथे व नागं ह्लिस्वक वहे पूण्य तीर्थे स्नान
याना श्री त्रिरत्न यागु भाव ह्लापा स्वयान बरो एक चित्त
याना जप तप स्तोत्र इत्यादि याना, निराहार याना थुजागु
प्रकारं जाज्वल्यमान ज्वीक उपोषठ ब्रत याना च्वन । अजागु
बखते व तक्षक नाग यागु शरीर बाँलाना साक्षात अग्नि देवता
समानहे त्येज प्रकाश जुया च्वना बल । गपतेनं रत्न यागु
मालां तिया १० गुफन्ना धारणा याना उगू शोधन तीर्थ (पूण्य
तीर्थेहे) बास याना आनन्द च्वना च्वन ।

थथ्ये च्वना अनं तीर्थे भक्ति याना अष्टमी ब्रत याना
नित्यथ्ये श्री त्रिरत्न पिनिगु भक्ति याना सिधयकाः पालं
यायेगुनं सिधयका उगू तीर्थे थाहाँ वया थःयोध्य ह्यिता मनस
अत्यन्त हर्षमान याना वहे तीर्थे छगू थासे च्वना बरो आनन्दं
निभाले छक ह्यपाना च्वने धका इच्छा याना च्वना च्वन । थुगू
बखतेस देव संयोग अकस्मात्त हे गरुड छह्य केमँचा यागु रूप
छुया उगू हे तीर्थे व्वया चाह्यु व्ह्य जुया च्वन । उगू बखते
आकसं नसेहे थ्व केमँचां व तक्षक नागयात खंका तसकं छक
नाला बुया छथाय् जुना उगू रूप तोता गरुड यागु रूप धारणा
याना उह्य नागया थास व्वया वया न्ह्योने वना अकस्मात्
नागयात ज्वन । आकसे थत यंकेत सन । थजागु बखते व
गरुडयात तक्षक नागं धालकि । हे गरुडराज, छँ जित ज्वने
मते । छाय् धालसा । जि जूसां तधंम्ह इश्वरयागु सेवास च्वना

च्वनाम्ह । उकें जित छँ तोताहुँ । जित ज्वनेमते । हे गरुडराज,
छँ मेपि नाग तेत ज्वंहुँ । छाय् धाःसा थ्व संसारे गरीब जूसां-
तबि तधंगु बल दु । हे गरुड छँ जित ली फइमखु । आतक
लानी तोतिः जिगु तँः व्वपप्यहां बल धाय् वं छन्त यमपूरि
छवयाबि । हे गरुड धका थथ्ये धाल । नागं अथे धागु न्यना
गरुडया नं अत्यन्त हे क्रोध वन्हे जुया तँ प्याहावेका मिखाहे
गुलि २ च्याक कना थथ्ये धाल । अरे नाग, छँ जित हेपेयानाला
गथे मनुष्ये अन्न खना ग्याःसा, जिनं छ्द खना ग्याई । छला
जिगू नेगु नसाखः । हे नाग, कास्व जिगु बल धका थःगु पपू
थाथा याना संका केन । अथ्ये गरुडं पपू संकूगुलि याना उगू
फसं कया अन पहारे च्वंगु सिमा छमा २ हे ल्ये ल्ये दना गो २
तू बल । गरुडं हानं धाल । अरे नाग छँ स्वः स्व जिगु पराक्रम
जित छँ ह्याय् फइमखु धका गरुडं तक्षक नागयात ज्वन ।
अयोगु बखते नागनं गरुडयात धालकि । आः छन्त जिनं हेगरुड
यमपूरि छोयत्यल धया निम्ह ल्वात । गयोगु प्रकारं ल्वात
धाःसा गरुडं बेगं २ बल पिकया व नागयात सातु साला च्वन ।
अथे सालं नं थुम्ह नाग यात व गरुडं संकेशुधान्त हे मफू ।
गरुडं मने ल्वीकल कि । अहो आश्चर्यं छु जुगू थ्व गजो २
पि बल्लापि नाम तला जि थिलकी अचेत गुया चेहरा मदया
वनी धास्येलि थौं थ्व तक्षक नागयात जि ज्वना थतयँके धका
सना संकेहे मफू । आः गथ्ययायेगु । थनहे तोता थकेला धाःसा
जिथे जाम्ह नामदं कपूतम्ह गरुड राजा सुदई । ज्वने धालसा
थ्वैत जि यंके फंमखु । गथे याना तोतेः भरसक थ्वैत जि ज्वना
च्वे यंकेतसने । च्वे थत मयंकुसें तोतेहे मखु धका सापहे तँ

प्यहंविका ह्याउंक मिखा कना व्यगं नागयात ज्वना फकोहे बल
पिकया तुति निपाहे पर्वते थिकः कया बरो व्येगंहे च्वे यंकेत
साल । अथ्यन व नाग यात संकेसुधान्त मफु । हे मैत्रिय धका
श्री शाक्यमुनि भगवानं आज्ञा दयेका विज्यात ।

थनंलिः हे मैत्रिय व गरुडं थःत सास्ति यागु थया, सहायाय
मफयाः थुहा तक्षेक नागराजाया मने तसकं हे तंपिकया थ गु
न्हचपनं व गरुड यात ह्यह्यं हितुमतु हिना लुतुलुया उगू
तीर्थया दथ्वी लखे छ्वावात । थथ्य यागु स्वया गरुडं थःगु पपुति
व नाग यात दाया वज्र समान प्रहार यात । थथ्ये यागु स्वया
व नागया नं तं प्यहा वया, गरुड यागु तुति निपासं हिना थगु
म्हुतुं वीषया धारा ल्होया । बरोवर श्री त्रिरत्न यागु नां कया,
गथेः रजक धैह्य धुव्यां वस्त्र ल्होते छ्वावायिगु खः अथेहे व
गरुड यात नागं उगूः तीर्थे लखे छ्वावातः । थथ्ये लखे छ्वावाना
विष ल्होया सास्ति यागु स्वया थुम्ह गरुडया नं तं प्याहां वया
व नागयात थगु म्हुतुं मिपिकया ल्होया थगु पपु फुक गंका नाग
यात ज्वना थगु पपुति पर्वते केपुया व्येगं २ नाग यात साला च्वे
यंकेत सनाहे च्वन । थ्व स्वया नागया नं थुहा गरुड यागु पपु
प्याकेया नितिनं थगु म्हुतुं विष ल्होया तच्चतं वर्षा ज्वीका
वावेका फयांफये मफयेक, चाफये वेका बारंबार थगु शरीरं गरुड
यात हिना उगू तीर्थे लखे बुतुबुला छ्वावाना व गरुड यात
प्राणान्तक ज्वीक सास्ति याना तल । थथ्ये थ्व नागं गरुड यात
स्वचा प्यन्हु तक हे लखे थुना तया तल ।

हे मैत्रिय, त्रिरत्न यागु नाम मडुगुलि व गरुडया थगु बल

हीन जुया मदया वन । उगू प्रकारं नागं यायाथ्ये सास्ति नया
उगू लखे कष्ट ज्वीका च्वना च्वनेमाल । हानं गरुडया उगू थासे
बलकायगु (अर्थात्) थिकः कायगु पर्वत नं दक्वहे चूर्ण जुया वने
धुंकलः । उह्य नागं विष ल्होया हगुलि याना अन च्वंगु वृक्षः,
सिमात फुक हे सिना वना गोतुला वया चूर्ण जुल ।

हे मैत्रिय, थयोगु प्रकारं व थासे नाग व गरुड निम्हेसिया
तचोत महा युद्धं लवाना च्वन । अथ्ये ल्वाल्वां २ क्रमैसित उम्ह
गरुडया थगु शक्ति हीन जुया वया च्वन । थुखे नाग या धाःसा
थगु शक्ति पराक्रम बन्हे जुया बल दया थुम्ह नागं व गरुड यात
अनेक प्रकारं यायेजिक्व हे सास्ति याना च्वन । अथे व नागं थःत
यायेजिक्व हे सास्ति याना च्वंगु स्वया गरुडया थगु मनं भापिया
धालकिः अहो आश्चर्य, थौं दः छु जुल । थ्व जिगु प्राण समेत
यागु आशा मन्त । गयोम्ह नागया ल्हाते जि लात । थ्व जिगू
ल्हा, तुति, पपू यागु छुंहे बल वृद्धि मजुल । थौं थ्व नागं अवश्य-
मेव जित मस्याइहे मखुत । हा हा थ्व जिगु प्राण बचे ज्वी
मखुत । आः जित सु इश्वरं रक्षा याई हे परमेश्वर, हे नारायण
छपिगु सेवक यात सास्ति याका तगुः स्वया । हे बंकुण्ठ बासी
नारायण, हे दैव, थौं यागु दिने थ्व नागं जित स्यायिन । हे नाथ
थौं जित रक्षा याना विज्यायमाल धका बारंबार श्री नारायण
यात पुकरे याना च्वन । थुगु बखते नारायणं जूसां थगु अन्तर
ध्यानं बिचार याना सोगु बखतेः थम्ह सेवक जुया च्वंहा गरुड
यात व तक्षेक नागं सास्ति याना तःगु खना थ्व स्वया थुहा
नारायणं जूसां गरुडया उपरे करुणा तया व नाग खना क्रोध

विक्रया तत्कारण हे चतुर्भुज धरेयाना शंख, चक्र, गडा, पद्म ज्वना मेघ गर्जे जूथ्ये शंख पुया सुदर्शन चक्र म्हया व रणभूमिस थ्येक वया गुह्य थगु सेवक जुया च्वंम्ह गरुडया आतुर जुया च्वंगु स्वया गरुडया न्ह्योने वना उह्य नाग यात स्वया साप हे तँपिकया वा कटकटं न्ह्यया मिखा ह्याउंक कना थगु सुदर्शन चक्रं उह्य नाग यात कय्केत तयार यात ।

हे मैत्रिय बोधिसत्व । थयोगु बखते थुह्य तक्षेक नागराजाया थत उह्य विष्णुं सुदर्शन चक्रं कय्के त्यंगु खना मनस त्रास जुया हथाय चा चां: ॐ नमो रत्न त्रयाय: ॥ धका श्री त्रिरत्न यात नां कया प्रार्थना यात । हे प्रभू, हे इश्वर, हे त्रिरत्न: थन जित थों प्राणया संकष्ट जुल । याकन जित रक्षा यांना बिज्याहुं धका षडक्षरि मन्त्र धारण यांना बराबर नमस्कार यांना च्वन । हे मैत्रिय छं न्यो । अजागु बखते सुखावति भुवणे बिज्याना च्वंम्ह सिंह गया बिज्याकह्य लोकेश्वरं जुसां थम्ह सेवक जुया च्वंम्ह तक्षेक नागयात अथ्ये प्राणया संकष्ट जुया च्वंगु खना हथाय चाया सिंह यागु म्हे च्वना उगु सुखावति भुवणं प्रस्थान यांना आकाश-मार्गं तत्कारणहे अनरणभूमि थ्येक बिज्यात । थथ्ये उगू रणभूमि थेनेसातं थगु प्रकारं आज्ञा दयेका बिज्यात ।

हे विष्णु आम नागयात छं छुया त्यनागु । आम नागला जि अति हे प्रेम जुया च्वंम्ह । जिगु भक्ति यांना च्वंम्ह । थुजोम्ह जिगु सेवक यात छं छाय् आमथ्ये प्रहार याये त्यनागु । छु कारण धका थुलि सुखावति भुवनया नाथ जुया बिज्याकम्ह श्री करुणामयं थथ्ये आज्ञा दयेका बिज्यागु न्यना । उम्ह विष्णुं जुसां थथ्ये प्रार्थना यात ।

हे भदन्त, हे गुरु न्यना बिज्याहुं । म्येता कारण मखु, छाय् धा:सा थ्व जिगु सेवा यांना च्वंम्ह गरुड यात थ्व तक्षेक नागं तस्सकं हे कष्ट बिजा त:गु फगत वैगु प्राण जक बाकी ज्वीक सास्ति ज्वीक जिगु सत्य भङ्ग यायेत तयार यांना च्वन । हे भदन्त थुलिया कारणे जि थ्यंत प्रहार याय् त्यनागु ख: । हे नाथ धका थथ्ये व विष्णुं प्रार्थनायांना धागु न्यना: त्रैलोक्यया नाथ जुया बिज्याना च्वंम्ह श्री करुणामयं थथ्ये आज्ञादयेका बिज्यात । हे वंकुण्ठ नाथ, हे विष्णु, व नाग छम्हेसिनं जक गरुड यात छु कारणं जक सास्ति यात ज्वी । हे विष्णु, छं गथ्ये मसिल । मेपिन्त थम्हं शत्रु भाव यास्येलि निश्चयनं थगु जीवयात संकष्ट ज्वी धका मस्यूला । हे नारायण, मेपिनि उपरे करुणा तया शत्रु भाव मयास्ये च्वंम्हेसित सदाकालं हे सुख, आनन्द ज्वीका च्वने दयो । न्ह्याथाय् वंसा, न्ह्याथाय् च्वंसा माया दया दयेका च्वने दयो । हे नारायण, हे हरि । थम्हं शस्त्र ज्वना म्येपिन्त स्याय् धका संम्हेसित न्ह्याथाय् हे वंसां वैत शस्त्र यागु हे भय कायमाली । हे जनार्दन, उकेया कारणे सुख, दु:ख धयागु थगु स्वभावं हे वैगु वैरि धयापिनं थगु कर्तव्यं हे वैगु । हे चक्रपाणि, छं दुष्ट पापी तय्त नाश यांना भक्त जनपिन्त उधार यांना च्वनाम्ह मखुला । हे विष्णु थथिजाम्ह छं भक्त अभक्त छुं हे बिचार मयास्ये, थमयो धका कपिन्त शत्रुयांना, द्वेष भाव तया प्रहार याय् धया प्रहार याय् फैला । हे विष्णु, सो धंगु चिरंजिवी ज्वी धंगु थगु कर्तव्यं ज्वी । छाय् धा:सा देव जूसां मज्यू, दैत्य जूसां मज्यू, नाग जूसां मज्यू, मनुष्य जूसां मज्यू । थ: थगु कर्तव्यं थत प्राप्त ज्वी । हे हरि, थ्व यागु कर्तव्य ज्याय्न्नं थ्व यात छं जिते याये फेमखु ।

श्व हे जिते जुइ त्याई । श्वैत वैरि धयागु शत्रुया भय मद्र ।
 छिमिस्थे श्वैत नाश याये धयां नाश याये फेमखु । हे विष्णु, श्व
 जुल जि आपालं हे प्रिति दुम्ह भक्तजन खः । उक्थे बल पराक्रम
 दैगु जुल । तधं ज्वीगु, चिधं ज्वीगु, सुख, दुःख ज्वीगु, जरा
 व्याधि मृत्यु श्व फुकहे थः थःगु कर्तव्यं प्राप्त ज्वी । मैपिन्त स्वैत
 नं दोष तय मज्यू । हे गरुड छं श्व तक्षेक नाग यात शत्रु भाव
 याना स्वय मत्ये । थौं छिपिनिम्ह हे मिले जुया मित्र भाव ज्वी
 माल धका थथे आज्ञादयकाः गुम्ह धी करुणामयनं जूसां व नाग-
 राजा यात कया थम्हहे ज्वना उम्ह गरुडयागु गःपते ववखाका
 बिल । थजोगु बखते व नारायण आदि गरुड श्री करुणामय खना
 अत्यन्त खुसि जुया अनेक प्रकारं पंचोपचार पूजा याना स्तोत्र
 आदि जप तप याना वस्पोलया चरणकमले भोपुया नमस्कार
 याना च्वन ।

हे मैत्रिय उगु बखते श्री करुणामय नं इमिगु न्ह्योने थुगु
 प्रकारं आज्ञादयेका बिज्यात । हे गरुडराज, हे तक्षेक नागराज
 आः थथे मखुत की फुक हे मिले जुया छगू तधंगु थासे बासयाना
 च्वं वनेनु धका थथे आज्ञादयेका थःगु बाहन जुया च्वम्ह सिंह
 यागु म्हे गरुडयात तया गरुडया म्हे नारायण तया नारायणया
 म्हे श्री लोकनाथ करुणामय बिज्यानाः श्री ३ हरि हरि हरि
 बाहन लोकाश्वर धका नामं प्रसिद्ध ज्वीका उगु थासे अन्तरध्यान
 जुया बिज्यात । उजोगु बखते व सिंहयागु पराक्रमं उगु रणभूमि
 तिन्हुया महाबेगं तिन्हुया आकाशमार्गं बोयावना अत्यन्त शुद्ध
 जुया च्वंगु चारुगिरि धंगु पर्वते दध्वीः ध्येक बिज्याना थुगु नेपाल

रक्षा यायनिमित्तनं थौंया अद्यापितक स्थीरंहे बिज्याना च्वन
 धकाः श्री शाक्यमुनि भगवानं मैत्रिय बोधिसत्त्व यात थथे धका
 कुकुटाराम महाबिहारे बिज्याना च्वंहा उपगुप्त भिक्षुं अशोक
 महाराज आदि आपालं भिक्षुगण पिनिगु न्ह्योने थुगु प्रकारं आज्ञा
 दयका बिज्यात । श्वहे खं यात जूसां कया थुगु स्थाने च्वना
 संक्षिप्त मात्रं सकल श्रोतागण पिनिगु न्ह्योने च्वना कना
 च्वन ॥ ॥ ॐ ॥

इति श्री स्वयम्भू पुराण महात्म्य बागमति अमोघ फलदायनीः
 सगमे पूण्य तीर्थ माहात्म्य कथा प्रथमो अध्याय सम्पूर्णः ॥ ॥



शान्त तीर्थ

ॐ नमो रत्नत्रयायः ॥ ॥ हे मैत्रिय, बोधिसत्त्वः आः हानं शान्त तीर्थं यागु माहात्म्य कनेत्यना ॥ छँ एकचित्त यांना न्योः । बागमति व मारदायनी संगम जुया मिले जुया च्वंगु थाय यात शान्त तीर्थ धका धाइ । हे मैत्रिय धका, श्री शाक्य सिंह भगवानं आज्ञादयका बिज्यात ॥ ॥ थय्ये आज्ञादयका बिज्यागु न्यना मैत्रिय बोधिसत्त्वं हाकनं बिन्ति यात । हे भगवान उगु तीर्थे सेवा यांना सुसु उद्धार जुया वन । हे भगवान धका न्यस्येलिः श्री भगवानं आज्ञादयका बिज्यात ।

हे मैत्रिय, पुरा पूर्वकाले हिमालय धका नां जुया च्वंह्य पर्वतराज छह्य दैचवन । थय्या स्त्री मेनका धयाह्य छह्य दया च्वन । हे मैत्रिय, थुपि निह्य स्त्री पुरुषया अत्यन्त मेलमिलाप जुया बरो आनन्दं सुख भोग यांना च्वन । थय्ये च्वच्चं २ आपालं वर्ष बिने जुया वस्येलि छन्हुया दिनस व मेनकाया गर्भाधान जुल । मासंपुर्णजुया जिला दया वस्येलि व मेनकाया गर्भं बालक छह्य जन्म जुल । गयोह्य बालक जन्म जुल धाःसा साक्षात पूर्ण चन्द्रमा थ्ये स्वीनिता लक्षणं पूर्ण जुया अत्यन्त सुन्दरी ह्यः । थयोह्य पुत्री छह्य जन्म जुगु खना व हिमालयया अत्यन्त खुसि जुया बरो हर्षमानं थःगु कुलायन अनुसारं माको कर्म काण्डयांना भिगु शुभ लग्ने साहित स्वया नामाकर्म यात (नां छुत) थ्व

(१३)

बालक यागु नां पार्वती जल धका थय्ये नां प्रख्यात यांना बरो आनन्दं प्रतिपाल यांना तल ।

हे मैत्रीय, व बालक यागु शरीर हृष्टपुष्ट जुया बाँलाना शुक्ल पक्षया चन्द्रमा बह्ये ज्वी थ्ये ह्नि ह्नि हेबरे जुया वया च्वन थ्व स्वया माँ बौ नं व पार्वतीयात विद्या आरम्भ यांना आख स्येना सम्पूर्ण ज्ञान बुद्धि पुरे ज्वीका वंगु खना थ्व स्वया खुसि जुया नापं थुह्य पार्वती यागु शरीरे बंशजाया परम सुन्दरी जुया वगु खना निह्य स्त्री पुरुषया मनंस सापहे चंचल ज्वीका बरो हर्ष धाल ।

हे प्रिय, हे स्त्री मेनका स्व स्व छि पुत्री पार्वतीया सकल विद्या पारंगत ज्वीका अतिहे जीवन जाया त्रैलोक्ययात हे मोहनी स्वरूप जुयावल । । आः थ्व म्हचाय् पार्वतीयात थन तयमजिल हे स्त्री मेनका, थ्वंत छिसं पुरुष विवाह यांना बियमाल धका निम्ह स्त्री पुरुषया थय्ये मनेल्वीका सल्हायाना आः माको सामग्री तयारया धका अह्येयात । थुलि धया व हिमालयनं गुम्ह कैलाशपति जुया च्वम्ह श्री महादेव यात जूसां निमन्त्रणा याके छोय माल धका मतीतया थःगु आश्रमे च्वना उगु निमन्त्रणापत्र चोया व्वना थःदूतपिन्त थय्ये आज्ञादयकल । हे दूतपि, छिमिसं जूपां थुगु निमन्त्रणापत्र उव्वना गुम्ह कैलाशपति श्री महादेवयात पुरे यांना बियावा धका अह्येयागु ज्यायात व दूत पिस्ये तुरन्तहे स्वीकार यांना कया अनं प्रस्थान जुया कैलाशे थ्येका महादेवयात उगु पत्र बुक्येयात ।

हे मैत्रीय, अनंलो उम्ह महादेवं व पत्र बोना सन्तोष

ज्वीका उगु कैलाशं तोतावना हिमाल पर्वतस थ्यकवन । अथ्ये श्री महादेव थःगु हिमालय थ्यंकवल धाःगु न्यना (अर्थात्) उगु खबर बोगु न्यना तत्कारण दना लंस्ववना नापं हे थगु आश्रमे बिज्याकल । उगु बखते हिमालय नं जूसां थगु आश्रमे च्वना महादेवयात थथ्ये आज्ञादयकल । हे परमेश्वर महादेव, थन छपिन्त नितन्त्रणा यानागु म्येता कारणं मखु । छपिसं सियाहे च्वन ज्वी छाय् धालसा जिम्ह पुत्री पार्वती छम्ह दया च्वंगु दु व छपिन्त योग्य जूथ्ये च्वना जिमिसं थौं कन्यादान बी धका छपिन्त बिन्ति यानागु खः । थुलि हिमालयनं धागु खँ न्यना महादेवं जूसां मुसुंहनं हिला आज्ञा जुल । हे हिमालय जि जूसां शक्ति मदया कैलाशे बिचार याइम्ह मदया च्वंगु ताकालं दत । आः थःपिसं जिगु उपरे दया तथा पार्वती कन्यादान बी धका धाल व पार्वती यात कन्यादान कया आनन्दं कैलाशे बिचा याना च्वने धका आज्ञादयका बिज्यात । महादेवं थथ्ये आज्ञा दयकूगु न्यना हिमालयन तुरन्त हे थःम्ह पुरोहित आदि सकल देवलोक पिन्तनं ब्वके छोट अर्थात् निमन्त्रणा याके छोट । अयोगु बखते बैशाख शुक्ल या अश्विनी तिथि खुन्हु शुभ लग्ने यज्ञादि होमकर्म आदि याना श्री महादेवयात हिमालय, मेनका न्ह्योनेच्वना थःगु ह्लाति पार्वती कन्यादान याना बिल ।

हे मंत्रीय । थथ्ये थगु विधि विधान याना उगु विवाह कर्म सिधय्कालि सकल देवलोक पिनं थःथगु थासे लिहावन । अनंलि थुम्ह महादेव जक उगु विवाह कार्य सिधय्कालि न्यान्हु खुन्हु दसेलि थपिं निह्य स्त्री पुरुषयानं व हिमालय मेनकायाके बेला

कया अनं प्रस्थान जुया थःगु आश्रमे, कैलाश पर्वते बिज्याना नन्दि भृन्दि प्रथम गण थः परिवारपि नापं च्वना थः स्त्री पार्वती नापं तथा ल्या थट्टा याना बरो आनन्दं च्वनाच्वन ।

हे मंत्रीय, थथ्ये च्वच्वं ताकालं बितेजुया वस्येलि थुम्ह पार्वतीया गर्भवति जुयावल । अथ्ये व पार्वतीया गर्भवति जुगु मैना पुरे जुस्येलि छन्हु भिगु दिनसं बालक निम्ह जन्म जुल । थव बालक गुजोपि धालसा अत्यन्त हे सुन्दर जुया बालाना च्वपि जुया च्वन । थव स्वया श्री महादेव पार्वती निम्ह अत्यन्त खुसि जुया यायेमागु छंथि क्रिया जातकर्म याना लिपा शुभ लग्न स्वया नामकर्ण याना नां छुत । ह्लापां गणेश, अन कुमार धका थथ्ये निम्ह बालक यातनं नां छुनां उगु कर्म काण्ड सिधय्कल ।

हे मंत्रीय, अनंलि व बालक निम्ह सितनं पालन पोषन याना ततें २ तधिक जुया थुपि निम्ह, हे ज्ञान गुण शास्त्र मंत्र तन्त्र आदि सिद्ध जुया सम्पूर्ण विद्यां पारंगत जुया वया च्वन । थव स्वया महादेव अति खुसि जुया थः पुत्र निम्ह हे सःता थथ्ये आज्ञा जुल । हे गणेश, हे कुमार, आः छिमिगु पराक्रम छक जि स्वये छिपिं निम्ह हे सुमेध अमुमेध छक चाहिला वा धका इपिं निम्हे सितनं धया छोल । थुलि थः बौयागु आज्ञा न्यना थुपिनिम्ह चाह्यु वन ।

हे मंत्रीय । थथ्ये इपिंनिह्य चाहिला वेधुंका थः बौया थाय् तुं च्वना च्वन । अथ्ये इमिगु पराक्रम स्वया श्री महादेवं इपिं निम्हे सितनं वरदान बिल । छु वरदान बिल धाःसा न्ह्यागु ज्या यासां श्री गणेशयात नीं ह्लापां पूजा बियमाल । थथ्ये याम्हेसित

कार्य सिद्ध जुई । थथ्ये मयाम्हेसित न्ह्यागु ज्यायासां बिग्धन जुई
धका थुलि वरदान बिया गणेश यात मत्यं मण्डले छोया हल ।
हे मैत्रीय कुमार यात जक न्ह्यागुं छुं ज्या यायबले, पूजा सामग्री
दयेकेबले न्ह्योवोहे आगंकया गणेशयात पूजा याये न्ह्योहे मू
लुखाया न्ह्योने पिखालखुस वाके छोयमाल धका थुल वरदान
बिया व कुमार यात पिखालखुस तयके छोट ।

हे मैत्रीय थुलि निम्हेसितनं वरदान बियि धुस्येली छन्हुया
दिने थुम्ह महादेव जूसां एस, गजि, धतुर नया रसनं भ्रमण जुया
चाहिला त्रिशूल पाछाया दिगम्बर जुया नाङ्गा धुंयाक्षेगुलि जैस
हिना थाय थाय पतिक हारंतिया इमशान यागु बिभुति इला:
म्ह्यम्हं भुयिका हचांउक मिखा कना लज्जा सम मदेक प्याखं
लहुया मुशानं मुशानं जुया साक्षात भोला नाथ जुया थथ्ये म्हिता
जुल । थथ्ये सना म्हिता जुगु: थ.ससबौ हिमालयन खना थ:गु
मने आश्चर्य चायका चोन । थथ्ये जुजुं जुजुं निन्हु प्यन्हु दुखुन
व हिमालय जूसां श्री महादेवयात सतके छोट । थथ्ये सताहया
थ:गु न्ह्योने तया व हिमालय जूसां बिन्तियात हे जामाता,
हे जिलाजं महादेव, छपिन्त मेता कारणं सतागु भखु । छुं छगु
खं बिन्ति याय धका सतके हयागु ख: उखुन छल्पोलं निलज्जा
नाङ्गा म्हे वस्त्र छुं मतस्ये एस, गजि, धतुरं कायका त्रिशूल
पाछाया मुशानयागु बिभुनीन इला लाला थय सना इमशानं र
चाहिला प्याखं हुला लजाहे मदेक छाय सना जुयागु । हे महादेव
छपि छह्य तथ्ये परमेश्वर ख: उकेसनं हानं देवान्ति देव धायका
दिश्य सुन्दर याना इश्वर जुया देव दंत्य, मनुष्य पित्त उधार

याना बिज्याय माह्य: छल्पोल धास्येलि । हे जिलाजं भाजु
थथ्ये छल्पोल आमथे जुया बिज्याय ज्यूला । हे महादेव अथे जुया
बिज्याय मत्ये । छपि आमथे जुया बिज्यागुली थौं जित नापं देव-
लोक पिसं हेला याना हल । छं अजाम्हेसितनं पार्वती कन्यादान
बोगुला न्ह्योनेलाको सना ज्वीमाह्य धका अनेक प्रकारं हेला
याना धया हल । हे जामाता छपिके जिगु कोति कोति क्षमा:
आमजोगु बानी छता याना बिज्याय मत्ये । जि पुत्री पार्वतीनाप
चोना आन-दं छपि उगु कैलाशे च्वना बिज्याहुं धका थथ्ये बिन्ति
याना धागु खं न्यना श्री महादेव आज्ञा दयका बिज्यात । हे स्वसुर
पिता हिमालय छपिस जिगुबारे छुंहे चिन्ता याना बिज्यायम्वा
धन्दा न कायम्वा । जि लालाथ्ये जुल धका स्वैतनं छुं यानागु
मदु । हे स्वसुरापिता हिमालय । छपिनि योयोथे छपिजु जि योयोथ्ये
जि ज्वी जिगु निमिते सुनानं धन्दा कायम्वा । आमथे छपिसं छाय
खं लहानागु । देवलोक पिसंजा जित छतिहे खं लहागु मदु । हे
स्वसुर पिता । थौं छपिसं जकहे जित हलुका ज्वीका बिल ।
आमथ्य बांलापि छपि बांलावाहे जू जि बांमलाह्य बांमलाकाहे
ज्वी । थव जिगु चिन्ता सुनानं हे कायम्वा जि स्वया जिहे ज्वी
धका तें स्वयका छिद्र वचनं व हिमालय यात हका: अनं प्रस्थान
जुया थगुहे कैलाशे थासे नातुं हे बिज्यात । अयोगु बखते हिमा-
लयया मनम सापहे आश्चर्य जुया थ: पुत्री पार्वती यात सतके
छोया धाल ॥ ॥ हे पार्वती छं स्वामि महादेव यात छं छक
बांलाक बिन्ति याना न्यो: । न्यना बैत बुकेया जिमिसं धयाला
बुकेहे मजू । हे पार्वती न्ह्यागु जतन यानानं बैत बुकेया । छंहे

धासा जक बुके उवी धका धागु खँ न्यना कँलाशे वना निम्हनापं चवना बिन्ति यात । हे प्रभू इश्वर जि पिता हिमालयं बिन्ति यागु खँ छल्पोल अप्रशन्न जुया बिज्यायमते । छल्पोल देवान्ति देव जुया बिज्याकहास्ये थौं अमल चीजनया उकें लगे ज्वीका लालाथे जुया थव संसार गथे जुई । हे प्रभू थौं जि पितानं बिन्तियाना हगु खँ न्यना बिज्याहुँ । हे प्रभू छपिनि योम्ह प्रेमम्ह स्त्री जिखः धयागु जूसा थुलि जिगु बिन्ति छक न्यना बिज्याहुँ धकाः थथ्ये थः स्त्री पार्वती धागु खँ न्यना महादेवं आज्ञा देका बिज्यात ।

हे प्रिय पार्वती छं न्यो । आसथे जिगु धन्दा छिमित छ यायेत माल । मुना छिमित थव जिगु धन्दा का धाल । हे मूर्ख अज्ञानी, आसथे खँ लहाना चोनेगु जूसा छ जिथाये चोने मते । छाप् धासा छिपि बालापि बांलाकाहे जू । जि अधोरम्ह बाँ-मलाम्ह अधोरनतू ज्वी । एस, गजी, धतुर आदि नया अमल कायेका दिगम्बर जुया मुशानं मुशानं चाहिला ज्वी । अथे जुल धावहे योयोथ्ये जित खँ लहाय देना । हे स्त्री पार्वती छिमिस्ये थःथगु जक धन्दा कयाचौं । हे पार्वती । छं पिता हिमालय यागु खँ न्यना जुयनते । छं जिथाय चोनेगु इच्छा दु धंगु जूसा बांलाक हे थुगु कँलाशे आनन्दं सुख भोग याना चवौं । आसथे स्वामद्गु धन्दा कया ज्वी मते । हे पार्वती धका थथ्य आज्ञा देका बिज्यागु न्यना पार्वती बिन्ति यात । हे प्रभू स्वामि थुलि खँ छल्पोल चित बुके मज्जुम्येलि छल्पोलया यथेहेजू जिमित धन्दा मद्गु बिन्तानं मद्गु । छपिनि स्वया यथेहेजू धया पार्वती जूमां सरासर हे थः पिता हिमालयया थाय् वना बिन्ति यात ।

हे पिता जिनं छपिगु आज्ञार्थे भोलानाथ याके बिन्ति याना नं ऊन हे क्रोध विक्रया बोबिलः वयात जि बोध यायेगु सामर्थ मद्गुः धका धागु खँ न्यना हिमालयनं धाल । ॥ हे पार्वती, आसथे जुस्येलि काः स्वाल । आम भोलानाथया थाय् वने स्वाल, छ अन वना शान्ति ज्वी मखुतः थनहे चवना त्रिरत्न यागु तपोव्रत याना गुप्तवास जुया चवं । हे पुत्री, छं पुरुष भोला-नाथ महादेवया भाः मद्गु । वं छन्त बल जप्तं व्वना यंकी । उक्थे छ गुप्तवास याना तपोव्रत याः धका थः पितानं धागु खँ न्यना तथास्तू । हे पिता धया थुम्ह पार्वतीं अनेक सामान दयेका तयार याना श्री त्रिरत्नया नां लुमंका अनेक दान धर्म याना चवन ।

थथ्ये व्रत याना चवननं व पार्वतीया मनं चित थिर मजुया थःगु मनं ल्वीकलकि आः जि थन चवना मजिल, जि स्वयाँ हे मती मलुगु थासे चवना तपस्या याये धका मने तथा उगु हिमालय पर्वते गुप्तगु थाय् गन दु धका माला स्वोजुल नं गनं हे ल्वीके मफया हाकनं मेमे थाय् तीर्थ पति चाहिला स्वो जुलनं गुप्तगु थाय् गनहे ल्वीके मफया थुम्ह पार्वती क्रम थ्ये नेपाल मण्डलय् थ्येक धया अननं सकभन हे चाहिला माला स्वोगु बखते छथाय् बागमती व मारदायनी सङ्गम जुया चवंगु शान्त तीर्थ धयागु नां जुया चवंगु उगु तीर्थे स्वो बले, अत्यन्त भिगु बांलागु पुण्य क्षेत्र खः धका सीकाः अति हर्षमान याना अहोः धन्य धन्य जिगु भाग्य थौं यागु दिने थजागु पुण्य क्षेत्र स्थल मिने जुल । हानं श्री गुरुदेवरीया वायस्थान जुया चवंगु थन्योगु पुण्य स्थल प्राप्त जुल । आः जि

थुगु हे स्थाने चवना तपस्या यागु जुल धका मने तथा थुह्य
पार्वती उखुनू निस्ये उगु शान्त तीर्थे नित्य स्नान याना शुद्ध
आत्मा याना सुवर्ण बालुका यागु चैत्य दयेका अनेक प्रकारं
पचोपचार पूजा याना छत्र ध्वज आदि छाया सुगन्ध धुप दीप,
फलफूल ताम्बूलादि दोहलपा प्रदक्षिणा याना जप तप ध्यान
आदि यम्हं सथ्ये याना चवन ।

हे मैत्रीय बोधिसत्त्वः थुगु प्रकारं हानं व पार्वतीं लयल्य
पतिक हे निराहार याना, फलाहार याना शुल्काष्टमी कृष्णाष्टमी
श्व निगू पक्षेन हे उपोषठ व्रत याना मननं, वचननं, शरीरनं उह्य
श्री त्रिरत्न यागु नां लुमंका तपोव्रत याना चवन । हाकनं ब्राह्मण
गणपि, चैलक भिक्षु, अतीत अनागत गणपिन्तनं दानधर्म याना हे
चवन । थथ्य याना थुम्ह पार्वतीं बोधिव्रत याना चवन । अथे
उपोषठ व्रत याना चवंगु खना श्री खगानना गुह्येश्वरी देवी
प्रशन्न जुया थः थम्हहे प्रत्यक्ष जुया उगु थासे थ्येक बिज्याना व
पार्वती यात थःगु रूप दर्शन बिया आज्ञा दयेका बिज्यात । हे
पार्वती धन्य धन्य छ खः छंगू भाव भक्ति खना जि सन्तुष्ट ज्वी
धुनः । हे शुभक्ति धका थथ्ये आज्ञा दयेका बिज्यात । श्री गुह्ये-
श्वरी यागु थुलि आज्ञा न्यना जगत्माता श्री गुह्येश्वरी यात
अनेक प्रकारं पूजा याना जप, ध्यान, स्तोत्र आदि याना अष्टाङ्ग
प्रणाम याना वस्पोलयागु चरण कमले भोपुया थुगु प्रकारं बिन्ति
यात । हे माता, हे तारनी, हे जननी थौं जिनं जगतया माता
जुया बिज्याकम्ह छत्पोल यागु दर्शन याय धुन । हे बुद्ध जननी
धन्य धन्य जिगु भाग्य । हे कल्याणी, हे परमेश्वर जित वर्दान

मेता मखु हे माता जित आपालं गोप्य याना सदानं छत्पोलया
चरण कमले वासविया बिज्याय माल धका थुलि पार्वतीं बिन्ति
याना धाःगु खं न्यना जगत्माता श्री गुह्येश्वरी देवी नं थःगु चरण
कमले न अमृतोदक धारा पिक्या गुह्याभिषेक बिया थःगु
आश्रमेसं वासयाका वरो गुप्तं उम्ह पार्वती यात तोपुया तल ।

हे मैत्रीय, अयोगु बखते हिमालय नं जूसां थः पुत्री पार्वती
यात लुमस्ये वया थः परिजन जुया चवंपि यक्षगण पिन्त सःता
धाल । हे यक्षगणपि जिह्य पुत्री पार्वती यागु स्वा मखंगु आपालं
दत थवया पुरुष भोलानाथ महादेव बिश्वास मदुगुया कारणे जि
पार्वतीयात छंछथाय चवना महा गुप्तं तपस्या याना दानधर्म याना
श्री त्रिरत्न यागु भजन याना उपोषठ व्रत चले याना चवं बोधि
ज्ञान मलातल्यहे धका जि बचन बिया छोयागु खः हे यक्ष-
गणपि । आपालं दत वंगु स्वा मखनागु । आः छिमिस्ये थ्व प्यंगु
दिशाप्सं वना छक थुम्ह पार्वतीयात मालाहो धका धाःगु खं न्यना
व यक्षगणपिसं सकभनं दिशापतिकं हे वना पुनः देश ग्राम, पर्वत,
जंगल आदि थान थानान्तर पतिकं वना माला जुल । अथे माला
जुलनं बाछि, लछि दयानं व पार्वती यात लुयकेगु समर्थ
मदया थुपि फुकंहे हिमालयया थाय् लिहां वया बिन्तियात ।

हे पर्यतराज हिमालय छपिगु आज्ञा थ्ये जिभिस्ये सम्पूर्ण दिशा
पतिकं ग्राम, नगर, वन आदि सकभन माला स्वयान गनंहे लुयके
मफू धका धाःगु खं न्यना हिमालयनं धाल । अथेसा हे यक्षजनपि
आः व पार्वतीयात मेथाय् स्वयम्वा अवस्ज थ्वहे पर्वते तधंगु
स्थाने अत्यन्त गुप्तं तपोव्रत याना चवनज्वी । छिमिसं थुगु पर्वते

वना सम्पूर्ण आश्रम चूर्ण ज्वीक तद्यद्याना गन गुप्तवास चवना
चवंगु ख मालाहीं । धाःगु खं न्यना व यक्षगणपि उगू हिमाल
पर्वते थौं वना सम्पूर्ण आश्रमपतिकं संचूर्ण याना जुल । थुगु
प्रकारं हिमालयनं थः पुत्री पार्वतीयात माय्वय छोया तलः हे
मंत्रीय । थन यागु खं थुलिहे जुल ।

अनंलि कैलाशे चवम्ह महादेवं जूसां छन्हुया दिने थःम्ह स्त्री
पार्वतीयात लुमंका धालकि । अहो आश्चर्य जि अत्यन्त मतिनाम्ह
स्त्री यागु ख्वा मखनागु आपालं दत थौं तिनि लुमंस्य वल । ह्वापा
जि एस, गजि, धतुर भाङ्ग यागु रसं कायकाः जुया जि थुम्ह
पार्वती यात विचार याये मफुतः लोहेमना चवन । थौं तिनि
पार्वती लुमंस्येवल । आः गथ्ययाये, थव पार्वती गनवना चवन ज्वी
हाः हा निश्चयनं जि प्रिय पार्वती यागु प्राण लेनी मखुत ज्वी ।
हे पार्वती आः जि छन्त गन मावेगु । जि छथिजाम्ह स्त्री गन-
वना स्वोवनेगु । सुना जित मालाबीः, सुना केनाबीः हे प्रिय पार्वती
छंगु ख्वा मखंगु आपालं दत धका हाला थःगणपि नन्दि भृन्दि
प्रथम गणपिन्त सःता धाल । हे नन्दि भृन्दि परिवार गणपि
छिमिस्ये जिम्ह स्त्री पार्वती यात थौं गनवना चवंगु खः अन गुगू
दिशाय् खः अनवना छिमिसं वत मालाहति (अथात्) मालावा
धका थये आज्ञा जुया धागु न्यना व दूतगणपिसं श्री महारूद्रयात
ब्रिन्ति याना धाल । हे महादेव छल्पोलया सेवक जुया चवंपि
जि प दहेदूनि । थौं छल्पोल आनन्द चवना विज्याहुँ धया बेरा
कया गगछौं सकलेहे पार्वती यात मावने धका वन ।

हे मंत्रीय । थये माला जुलनं गनहे लुयके मफयां निरांश

जुया थुपि सकलेहे ल्याहाँ वया कलाशे थ्येका श्री महादेवया
न्ह्योने चवना थये ब्रिन्ति यात । हे महादेव छल्पोलया आज्ञा
थ्ये जिमिसं दश दिशा सकभनं हे माला वय् धुन हे प्रभू । थुम्ह
पार्वतीयात गनहे लुयेकेगु सामर्थ्यमन्त धका धागु खं न्यना महादेवं
आज्ञा दयेकल ।

हे नन्दी भृन्दी प्रथमगण, हे शीतांग, भूत, प्रेत, पिशाच
छिमिसं ल्वीके मफुसा खाल काः जि नापं वा छिपि सकलेहे
बिना थव पार्वती लुया मवेकं थव जिगु प्राण स्थीर ज्वी मखु आः
छिपि सकल्ये थव पृथिवी भ्रमण याना माला स्वःवने धका सकल
परिवार फुकमुना दिशा दिशा पति देश, ग्राम, पर्वत, जंगल,
स्वर्ग, मध्य, पाताल सम्पूर्ण आश्रम पति हे संचूर्ण ज्वीक तद्यद्याना
माला स्वः जुल । थये माला स्वजुलनं व पार्वती यात ल्वीके
मफया महादेवयानं शक्ति मदया (अर्थात्) सामर्थ्य मदया थःगु
मिखा ख्वबि धाः हायका बिलाप याना धाल । हाः थौं यागु दिने
जि पार्वती यात माला ल्वीके धका सम्पूर्ण दको थासे पृथिवी हे
चाहिला स्वया माले धुन गनहे दुगु मखु । हाः आः जि गनवना
व पार्वतीयागु ख्वा स्वःवनेगू । हाः हे पार्वती थौं छ जिगु माया
त्याग याना एकान्ते गनवना चवना । हे प्रिय सदांयाथ्ये छ जिगु
मुले चववा । हे पार्वती छ बिना थव प्राण स्थीर ज्वी मखुत ।

हे प्रिय छं जित थुलि त्याग यायि धका मताया । हे
सुन्दरी छंगु रूप यौवन, छंगु वचन गुण अनेक रसरंग, सुरत
शृंगार आदि लुमना थव जिगु प्राण संकष्ट जुल । हे शुलक्षणि
थःयागु सुख भोग यात तोता छ एकान्त गन चवना चवना ।

आः जि छु तपस्या यासा छंगू खा स्वयेदयी गुम्ह देवतां छ जित नाप लाकाबी धका थथ्ये अनेक प्रकारं बिलाप याना जुल ।

हे मैत्रीय, थथ्ये जुजूं निला प्यला दया वस्येलि पुनर्वार श्री महादेवं मने ल्वीकलकि आः छु याय जिगु कारणं जि स्त्री पार्वती न बियोग ज्वीका चवने माल । आः जि धन्दा सूता जक कया चवना छुपाये । नुग मछिका बिलाप याना जक छुपाये । जूगु ज्वीहे धुंकल । धका थथ्ये मने ल्वीकाः थः परिवार गणपि सकलें सःता थथ्ये आज्ञा जुल । हे नन्दी भृन्दी प्रथम गणपि, हान हे छिमिसं न्हापा थ्ये तूं छक सकभन हे वना माला स्व हूँ । जिन थुम्ह पार्वती यात ल्वीकेया निति श्री त्रिरत्नयाके शर्णे वना तपोव्रत याये धका मती तथा चवना । हे दूतगणपि काः छिमिस्ये बिस्तार याये म्वाल याकन हे हूँ । अथे माला व पार्वती यात गन खन अन थासे छिमिसं जित ब्वनायंकी धका इमित छोया थः जक उगू बागमती मणिरोहिनी धयागु सङ्गम जुया च्वंगु थासे चवना तपस्या याना चवने धका उगू पुण्य क्षेत्रय् वना महादेवं बरो एक चितं जि स्त्री पार्वती यागु खबर याकनं हे थ्येका प्रशन्न जुया बिज्याय माल धका श्री त्रिरत्न याके थुगु प्रकारं स्मरना याना उगु तीर्थे चवना तपस्या याना चवन ।

हे मैत्रीय ह्लि ह्लि हे उगु तीर्थे स्नान यागु बालुका चैत्य दयेका अनेक प्रकारं छत्र ध्वंज बोय्का पुण्य धुप दीप, नंबछ, फलमूल, दक्षिणा आदि चह्येयाना पंचामृत स्नान याकाः अनेक प्रकार स्तोत्र याना पंचेन्द्रिय जिते याना राग द्वेष मोह माया तोता केबल श्री त्रिरत्न यागु जक हे भक्ति याना स्वंग मिखां

तिसिना षडक्षरि मन्त्रं रुद्राक्ष धारण याना थयोगु प्रकारं तपस्या याना चवन ।

हे मैत्रीय । उखे बारंबार थः परिवार गणपिसं पार्वती यान माय्का हे तयातल । थथ्ये तपस्या याना चवंगु आपाल वर्ष दयावस्येलि छन्हया दिने श्री गुह्येश्वरी देवीं जूसां थुहा महादेवं तपस्या याना च्वंगु स्वया प्रशन्न जुया उगू थासे थ्येक बिज्याना थुहा महादेव यात थःगु रूप दर्शन कयना थुगु प्रकारं आज्ञा दयेका बिज्यात ।

हे महारुद्र, हे शंकर धन्य धन्य छंगु भाग्य छँ तपस्या यागु खना जि सन्तुष्ट जुल । हे महेश्वर, आः छँ छु इच्छा दु उगु वर्दान काः धका धया बिज्यात । थथ्ये आज्ञा जूगु न्यना व महादेव जूसां उगु योगंदना श्री माहामायायात दर्शन याना षोडश उपचारं पूजा याना जप, तप, स्तोत्र आदि याना चरण कमले भोपुया ह्ला जोरे याना प्रदक्षिणा याना थथ्ये बिन्ति यात । हे परमेश्वरी जगत्माता धन्य धन्य जिगु भाग्य आः जि तपोव्रत यानागु शाफल्य जुल । हे तारणी, प्रज्ञापारमिता छपि खना जि कृतार्थ ज्वी धुन । हे जननी, आः जित वर्दान म्येगु मयः छपिनि कृपा द सा जि स्त्री पार्वती नारां तथा बिज्याहुँ । हे भगवती जननी माता धका थुलि महादेवं बिन्ति यागु खँ न्यना थथ्ये आज्ञा दयेका बिज्यात । हे शम्भू महादेव छँ पार्वती नापं चवनेत १२ वर्ष पुरे मजूनल्य छँ थुगु तीर्थे चवना तपस्या याय मानि धका श्री गुह्येश्वरीं आज्ञा दयेका बिज्यागु न्यना तथाम्नू हे परमेश्वर धका हानं बिन्ति यात । हे जननी माता जि १२ वर्ष तक तपस्या

यासा जि स्त्री पार्वती नाप लाइला धका धाःगु न्यना हानं थथ्ये आज्ञा दयेका बिज्यात । हे वृषभ ध्वज महारुद्र छँ एक चित्त याना १२ वर्ष तक तपस्या यात धालसा निश्चयन छन्त पार्वती नाप लाय्दयी । हे रुद्र थुलि मयासा छँ नाप लाय्दमखू धका थुलि आज्ञा दयेका श्री गृह्येश्वरी अन्तरध्यान जुया बिज्यात ।

अनंलि व महादेवं न्हापाथ्येनतूँहे उगु तीर्थे च्वना हे तपस्या याना च्वन । थथ्ये च्वच्च २ प्यदँ खुदँ दयावस्येलि उख्ये पार्वती यात माः वना च्वंप्पि व नन्दि भृन्दि प्रथम गणपिस श्री महादेवया आज्ञा थ्ये सम्पूर्ण थासे मामां ववं २ तीर्थ पतिकं चाहला जुजुं २ क्रमश नेपाल मण्डल्य उत्तर दिशास लाना च्वंगु श्री बागमती व मारदायनी निगू सङ्गम जुया च्वंगु महातीर्थे थ्येकवल व थासे इमिस्ये सकभन हे स्वःजुल । उगु बखते श्री गृह्येश्वरी देवी यानंनस्ये हे महादेवं छोया हपि दून गणपि वगु खना थःहं बरो गुप्तं तथातैह्य पार्वतीयात उला वयना बिज्यात । उगु बखते पार्वतीया अन तीर्थे च्वना स्नान याना बालुका चैत्य दयेका अनेक प्रकारं पंचोपचार पूजायाना बरो एक चित्तं तपस्या याना च्वंगु व नन्दी भृन्दी गणपि सकसिननं आकसनस्ये खंकल । अथे व पार्वती यान खनेसात् नमस्कार याना थुपि गणछि हे तत्कारण श्री महादेवं तपस्या याना च्वंगु थासे थ्येक वना नमस्कार याना बिन्ति यात ।

हे महादेव, हे प्रभू छल्पोलया तपस्या याना च्वंगुया प्रभावं थौं जिमिसं पार्वतीयात त्वीकावे धुन । आः बिस्तार याना बिज्याय मत्ये याकनहे बिज्याहुँ धका बिन्ति यात । अथ्ये बिन्ति

यागु खं न्यना व नन्दि भृन्दि सकल परिवारपि मूक थःनं न्ह्योने च्वना थूगु प्रकारं आज्ञा दयेकल । हे परिवार गणपि छिमिसं व पार्वती यात गन खनागु थ्व खं सत्यनं खःला जित धाः धका थथ्ये आज्ञा जुगु न्यना । हे महादेव थ्व खं मत्य नं खः कुठमखू जिमिस्ये व पार्वती यात शान्त तीर्थ धयागु थासे च्वना तपस्या याना च्वंगु स्वया हनासहे छपिन्त खबर कँवयागु खः । हे महारुद्र आः छपि अत्यन्त दिव्य रूप जुया उह्य पार्वती यात मोह दग्ध जुइक रूप धारण याना बिज्याहुँ धका धागु न्यना व महादेवं तत्कारण हे दिव्य रूप धारण याना जटा मकुटं पुया खगु ह्लाति त्रिशूल पाछाया जःगु ह्लात दमरू थाना नन्दि भृन्दि पिसं बाजँ थाकाः प्रथम गणपिसं ताल बिया स्ये हाय्का थःह्यं जक नांचत पदकया उह्य पार्वती यात नापलाय् धका प्रस्थान जुया वना उगु शान्त तीर्थे थ्येक बिज्यात ।

थनंलि श्री गृह्येश्वरी देवी उगु बाजा थागुया शब्द वयवं काः आः धाःसा महादेव वल धका सीका पार्वतीयात ग्वप्य याना तोपुया तल । अयोगु बखते श्री महादेवं अन तीर्थे थ्येनेवं थः परिवार जुया च्वंप्पि नन्दि भृन्दिपिके न्यन काः छिमिसं धंगु थाय् थ्वहे मखुला काःग्वः पार्वतीगन दु जित वयो धका श्री महादेवं इमिके न्यन । थ्व खं न्यना नन्दि भृन्दि सकसिनं हे उख्ये थुख्ये स्वया माला जुल । अथ्ये माला जुलनं इमिसं गनहे त्वीके मफया महादेवया न्ह्योने वया थथ्ये बिन्ति यात ।

हे महादेव जिमिसं थ्वहे थासे श्री पार्वती देवी बिज्याना व बालुका चैत्य दयेका अनेक प्रकारं पूजा भाव याना च्वंगु थ्वहे

थाय खः । हे प्रभू छपि पन्धार मज्जमा स्वया विज्याहुँ । ख बालुका चेत्य यात श्री पार्वतीन पूजा याना तःगु छाया तःगु खहे छ हानं फलफूल आदि छायातःगुनं खहे खः धका वयना बिल । अथे फुक्कहे वयस्येलि महादेवया मने बिचायाना धाल । अहोः आश्चर्य थो जित छलेयात देव ख संपूर्ण हे पार्वती चढे याना छाया जप तप यागु, याना च्वंगु निश्चयनं खहे थासे खः । अवस्यनं थो जित देबं छले याना वयंगु खः आः जि खहे तीर्थे च्वना पार्वती यात नाप लाना जि सकल परिवार गणपि नापं सहित याना उगू कलाशे बने धका मने ल्वीका श्री महादेवं वरो एकचित्तं श्री त्रिरत्न यात नां कया छपिसं जि पत्नी पार्वती यागु खवा मखंगु ताकालं दत हे परमेश्वर व पार्वती यात याकन नाप लाका प्रशन्न जुया बिज्याहुँ धका देव याके प्रार्थना याना पूनर्वार थुहा महादेवं थुगु हे तीर्थे च्वना ह्लापा थ्येहे तपस्या यात ।

हे मैत्रीय । अथ्ये तपस्या यायां यायां १२ वर्ष पुरे जुस्येलि छन्हुया दिने श्री गुह्येश्वरी देवी जूसां थुहा महादेवं आपाल कष्टं तपस्या याना च्वंगु खना मनस अति हर्ष जुया थूगु प्रकारं आकाशबाणि धया हल । हे महारुद्र छं तपस्या यागु प्रभावं जि खुशी ज्वी धुन आः छंम्ह पार्वती वर्दान बिद्या छोय् धका धाःगु शब्द न्यना खुशी जुया थूगु प्रकारं बिन्ति यात । हे परमेश्वर छल्पोल सुखः, गुहाखः जि मसिल छपिगु रूप दर्शन छक याये दसाज्यू धकाः बिन्ति यागु न्यना श्री गुह्येश्वरी देवी महादेव च्वना च्वंगु थासे विज्याना थःगु रूप दर्शन वयना बिज्यात ।

गयोऽगु प्रकारं दर्शन बिल धाःसा सहस्रभुज द्वोच्छिका ह्ला

धरेयाना सहस्रशिर्ष, द्वोच्छिखो ओं धरेयाना नरशिरमाला ववखाया, हारंतिया पंचमूद्रा धरेयाना अनेक रत्नया मालां ववखाया, कोटी सूर्यया तेज प्रकाश याना जाज्वल्यमान ज्वीक सिंहयागु म्हे विज्याना उहा रुद्र, महादेव यागु न्ह्योने विज्याना थूगु प्रकारं आज्ञा दयेका बिज्यात ।

हे गौरी शंकर, हे महादेव धन्य धन्य छं तपस्या यागुलि जि सन्तोष जुय धुन । हे शशिषेखर छं आम छु इच्छां दुस्कर चर्चा यानागु आम छंगु मनोबांछा जि पूर्ण याना बी । काः छं जिके छु वर्दान कायगु फों धका आज्ञा जुगु न्यना थुहा महादेवं तत्कारण मिखा कना स्वया विज्यागु बखते थःगु न्ह्योने ईश्वर खारा जुया च्वंगु खना हयासं दना बना धोदश उपचार सहित पूजा याना अनेक प्रकारं जप, स्तोत्र, ध्यान आदि याना चरण कमले भोगुया नमस्कार याना बिन्ति याना च्वन ।

हे परमेश्वरी जगत व्यापिनी माता थो जि कल्पना याना च्वनागु छल्पोलं सिया बिज्यागु हे खँ । थुलिया निम्तिजक जि तपस्या याना च्वनागु खः । हे विश्वरूपिनि आः जित याकनं पार्वती प्रशन्न जुया बिज्याहुँ धागु खन्यना श्री गुह्येश्वरी देवीनं जूसां थःगु द्वोच्छिका ह्ला यागु पाःह्लाती पतिकं हे छहा छहा पार्वती श्रृष्टि याना थथ्ये आज्ञा दयेका बिज्यात ।

हे शम्भु नाथ, हे महादेव, काः छंम्ह पार्वती गुम्ह खः काः । हे महेश्वर थःम्ह छम्ह जक ल्ययाकाः मखुम्ह काय भते धका थथ्ये आज्ञा दयेकूगु न्यना थव महादेवं बिचार याना सोबले थुम्ह उम्ह धाय मफया स्वजक स्वया च्वन ।

हे मैत्रीय । पुनर्वार श्री गुह्येश्वरी देवीं हानं आज्ञा जुल ।
हे महादेव काः छम्ह स्त्री पार्वती गुम्ह खः याकनं ल्यया काः
धका थथ्ये आज्ञा जूगु न्यना थुम्ह महादेवं ह्ला क्षिपतिनं बिन्ति
यात । हे माता, हे गुह्येश्वरी, हे जननी छल्पोलया महिमा खं
ह्ला यगु जिके सामर्थं मदु । हे परमेश्वरी जित याकनं पार्वती दया
तया बिज्याहुं । हे माता, हे नंरात्मा, हे जननी थौं जि पत्नी
थुम्ह उम्ह धका धायगु सामर्थं मन्त । हे परमात्मा भगवती देवी
धका थथ्ये बिन्ति यागु खं न्यना श्री गुह्येश्वरी देवी जूसां थःम्हं
धारणा याना तंगु १००० का ह्लानं फुकहे थपु क्वपु याना केवल
छम्ह जक पार्वती याना प्रकाश ज्वीका क्यना थथ्ये आज्ञा
दयेका बिज्यात ।

हे शंकर, हे महादेव काः छम्ह स्त्री पार्वती थ्व खलाः नां
धका वंगु ह्लाते सल्लाना बिस ।

हे मैत्रीय थयगु बखते थुम्ह पार्वती जूसां श्री महारुद्र
यात प्रदक्षिणा याना चरण कमले भोपुया नमस्कार यात । उगु
बखते महारुद्र थथ्ये बिन्ति यात । हे परमेश्वर छल्पोल यागु
कृपानं थौं जि स्त्री पार्वती नाप लाय धुन आः जि सन्तोष जुल ।
जि कैलाश तोता वयागु आपालं दयेधूंकल छल्पोलं जित बिदा
बिया बिज्याहुं । हे परमेश्वर धका थथ्ये बिन्ति याना धागु खं
न्यना श्री जगत माता जुया च्वम्ह श्री गुह्येश्वरी देवीं जूसां
थथ्ये आज्ञा दयेका बिज्यात । हे महारुद्र आः छ जूसां शिवशक्ति
स्वरूप उमा महेश्व धायका थःगु परिवार नन्दि भृन्दि प्रथम
गण, भूत, प्रेत, पिशाच आदि सकल परिवार गण सहित याना

परम आनन्द नं कोत्येश्वर धायका हाकनं ह्लापा तपस्या यानागु
तीर्थ च्वना सकल मनुष्यपिके पूजाभाव कया अष्ट सिद्धि धयागु
कल बिया च्वः । हे महारुद्र, हे पार्वती छिपिनिह्य हे आः गुवलेहे
वियोग ज्वी मखुत । कल्प कल्पान्तर हे तकनं शिवशक्ति स्वरूप
जुया स्थिर ज्वीमा । हे रुद्र महादेव हानं छ सेवा यानागु
बागमती व मणिरोहिणी त्रिवेणी सङ्गम स्थाने लिपा कालान्तरे
शंकर तीर्थ धका नां प्रसिद्ध ज्वी । हे महारुद्र थःगु नां उमा-
महेश्वर जुल धका थथ्ये आज्ञा दयेका बिज्यात । थुगु आज्ञा न्यना
श्री महादेवमा मने अत्यन्त हे हर्ष ज्वीका थुम्ह इश्वर यात
नमस्कार याना थ ह्य स्त्री पार्वतीया न्ह्योने आज्ञा जुल । हे स्त्री,
हे प्रिय पार्वती जि छेगु स्वा मखंगु आपालं दत थौं यागु दिने श्री
जगत माता श्री गुह्येश्वरी देवीया प्रसावं छव जिव नापलाय
दत धका थथ्ये आज्ञा दयेका बिज्यागु न्यना पार्वतीं बिन्ति यात ।
हे प्रभू महारुद्र, हे स्वामी थौं श्री गुह्येश्वरी यावय तपस्या ब्रत
याना च्वनागु पूर्ण मजूनी । हे स्वामी आः किसं थुगु तपस्या
यातनीं पूर्ण याना समाप्त ज्वीके धका अनेक प्रकार यागु पूजा
सामग्री दयेका पार्वती देवीं षोडश उपचारनं श्री गुह्येश्वरी देवी
यात पूजा भाव याना अनेक स्तोत्र आदि याना प्रदक्षिणा याना
नमस्कार याना श्री गुह्येश्वरी देवी यागु अमृतोदक पानयाना
श्री इश्वर याके बिदा कया थः परिवारं सहित याना थःगु
कैलाश पर्वते थ्येक वन धका श्री शाक्य मुनि भगवान मैत्रीय
बोधिसत्त्व आदि सकल सभा लोक गणपिन्त आज्ञा दयेका
बिज्यात । । इति श्री स्वयम्भू पुराणे बागमती मारदायनी
संगमे शान्त तीर्थ श्री महादेव पार्वती उद्धार कोत्येश्वर प्रसिद्ध
नाम द्वितीय अध्याय सम्पूर्ण समाप्त ।

शङ्कर तीर्थ

ॐ नमो रत्न त्रयायः । । श्री त्रिरत्नयात नमस्कार । ।
पुनर्वारि हाकनं श्री शाक्य सिंह भगवानं मैत्रीय बोधिसत्व यागु
रुवा स्वयां थथ्ये आज्ञा दयेका बिज्यात ।

हे मैत्रीय बोधिसत्व छं शान्ततीर्थ यागु माहात्म्य न्यने
धूंकल आः शङ्कर तीर्थयागु माहात्म्य कनेत्यना छं न्यो । हिमालय
पर्वतया स'स्रधाने नेप'ल मण्डलय बागमती, मणिरोहनी व रुद्र-
धारा सङ्गम जुया च्वंगु त्रिवेणी धंगु तीर्थ छंगू दया च्वन । थ्व
तीर्थे छको जक मोल्हुया मात्रन मेगु तंर्थे छिको मोल्हुयागु उति
मजू । हान थुगु शङ्कर तीर्थे च्वना लः जक तोना मात्रनं थःगु
शरीर यागु कायवाक् चित्त शुद्ध जुया सम्पूर्ण रोग व्याधि बिष
आदि नाश जुया शरीर शुद्ध उबीका च्वने दै ।

हे मैत्रीय, थयोगु उत्तम जुया च्वंगु तीर्थया उत्तर दिशाय्
हिमालय पर्वत दयाच्वन, थ्व पर्वते सम्पूर्ण तथागतपिसं
तपोव्रत याना थः थःगु मनोकल्पना पुरेयाना च्वना च्वनी । थ्वहे
पर्वतया दध्वीसं आपाल तःधंगु बगैचा दयाच्वन । थ्व बगैचास
छ्वाखेरहे सिमां चाट्टयका अनेक फलमूल सहित जुया च्वन ।
थाय् थासे पुखुलि चाहीका उगू पुखुलीस पत्यस्वां, उफोस्वां,
चःस्वां अनेक प्रकारं बासना वयाच्वंगु षट्कृत, खगूकृत यागु

(३३)

स्वां होया उके भ्रमरादि पंछिगणपिसं रसकया शोभा दया च्वना
च्वनी । अनेक प्रकार यागु मृतसजिवनि धयागु जरिबोति वासलं
संयुक्त जुया च्वना च्वनी । अनेक प्रकारयापि ँग पंछि वनजन्तु
धयापि सिंह, व्याघ्र, भालु, चितुवा, चला आदि सकसिननं
थः थःगु इच्छार्थे नया, त्वना बरो आनन्द ह्यिता च्वन ।
अध्येतू उगू बगैचास अनेक फलमूल स्वांया काल जुया च्वना
च्वन ।

हे मैत्रीय उगू बगैचाया दध्वी अगाध धयागु तःगागु गाः
छगा दूगु जुया च्वन । उगू व गाःले सुनाहे अथ्य थय्य धका
अगम्य कायमफू । व गाले दंक्हे नाः दया पुरे जुया उगू नाःलं
सिमा बुया वया तःमाजुया वहे सिमाया हः कचा हाया वना
घञ्जां तोपुया ल्यउंस्य च्वना च्वंगु दु । थायथासे ल्हों आदि दया
व ल्होंयागु सिलिन्हचावया च्वंगु दु । हानं व गाले जलौका धंवि
की, पतंग, सुल्फ्या आदि दया अन्धकार जुया च्वना च्वन ।
उजागु थासे च्वे बुया वया च्वंगु बरो तमागु तितू सिमा छमा
दया उकि यागु कचा आपा दया तितूसि फल आपा सया उगू
कचां फय् मफया व गाले धाके जुया तोपुया उगू गाः खनेहे मदया
च्वना च्वंगु दु । पुनर्वारि तून धयागु न्हाय्कं क्वाः धाय् आदि
क्याम्मं तोपुया च्वंगु दु ।

हे मैत्रीय थथिजागु बगैचाया अधिपति जुया च्वंह्यः सुधासा
छह्य बोधिसत्वया अवतार कया च्वंह्य सकल माकया राजा जुया
च्वंह्य धर्म कुवलाक्ष धयाह्य माक छह्यः वहे बगैचाय् च्वना श्री
त्रिरत्नयागु सेवायाना च्वनाच्वन । गजागु प्रकारं सेवायाना चोन

धाःमा ह्नि ह्नि हे तीर्थे स्नान याना उगू बगंचायगु स्वाँ मिसा-
फन खाना हया श्री त्रिरत्न यात चहे याना यःगु कायवाक् चिन
शुद्ध याना ह्नि स्वक मोहया वरो एकचित्तं बोधिब्रत धारण
याना तपस्या याना चीन ।

हे मैत्रीय थुकेयागु पुण्यया प्रभावं व कपिलाक्षे ध्याम्ह
माकया उगू बगंचाय् फलफूल स्वाँ आदि आपान वहे ज्योका
सम्पूर्ण पंछि गणपि फुक्कहे आनन्द मनोहर जुया स्वर्ग इन्द्रयागु
नन्दन बगंचाय् तुल्य ज्योका चीन । छन्हू यागु दिने पाँचानदेश
धंगु पनीति देशयाम्ह ब्राम्हण छम्हेसिया सातेगु छगू बथानहे हया
ऊवया ववं ववं उगू बगंचाय् सिथेथ्येन । अकस्मात उगू बगंचा-
या फालं भालु छम्ह पिहाँ वया व भालुं सायात ज्वनेत्यन ।
थ्व स्वया ग्याना व सात फुक्कहे न्हचपं तित्ती स्वाका
विशब्दं विशब्दं हाला उख्ये थुख्ये मदयेक बिस्युंवन ।

हे मैत्रीय, अथ्ये व सात बिस्युं वंगु खना थ्व स्वया व
ब्राम्हणं थम्हं कोयेहयापि सात मदुगु खना उगू बगंचाय् द्वाहाँवना
न्यंकनहे माला स्वत । थथ्ये माला स्वो जुजुं जुजुं क्रमं सित वना
चोचों चोचों अन उफान धंगु बगंचाय् दुने दखी लावन । उगू
थासे धालसा स्वाँमा फलफूलमा सहित जुया चोंगु अजागु थाय्
खना व ब्राम्हणया आपालं थकाई लगेजुगुलि नेगु तृष्णां जुया
अन हे हाया वया चोंगु फलफूल कया ननं ननं क्रमसित अन
बगंचाय् द्वाहाँवना चीन । थथ्ये व ब्राम्हण सा माले धका माबोम्हः
उगू फलफूल नेगुया लोभे लाना थ्व ब्राम्हणया सा मालेगु लोमन ।
फलफूल नेगु रसे भुले जुया ववं ववं उगू तितू सिमायागु न्हचोने

थ्येक वन । थथ्ये व ब्राम्हणं अन स्वोवने अन्यन्नहे वान्नाक पाके
ज्योका मया चोंगु तितूमिमा खनः । थथ्ये खनेसान व ब्राम्हणं
उगू तितूमि खाना नन । थथ्ये नन ननं उगू रसे भुलेजुया ववं उ
अन आगाध जुया चोंगु दहेया फुमे थ्योका नावन । वयमे उगू
मिमाय् तितूमि तमकहे मया वचाहे पय्मपया लचके जुया
ववछुना वया चीन । थ्व सोया व असनोपिम्ह ब्राम्हणं उगू ववछुना
वया चोंगु कचाखना वहे कचाम ज्वना थार्हा वने धका न्ह्याय
मदु २ व कचा ज्वना उगू तितूमि खाना नन सन । उगू ववने
देव संजोग व ब्राम्हणं ज्वना तगु कचा छगुनी पानेथ्ये तोधुना
वया उगू अगाध जुया चोंगु दहने कुतू वन ।

हे मैत्रीय, थथ्ये कुतू वना उगू दहने दुने मुनुनाले लाना
तुना वना चीन । थयोगु अखने व ब्राम्हणया अथ्ययाय् थथ्ययाय्
मदयेका अमलं काम्हथ्ये ज्योका मिखा स्यल्लहीका अजान्य ज्योका
मूर्छा जुया चीन । पलख जार्येलि चेष्टादया थःगु मन जक
भारा मिका धाल । हाहा थों जित गथ्य जुल गयोगु थासे लात ।
थुजोगु अन्धकारं स्येउस्ये चोंगु धका निपालहातनं पत्ति २ याना
स्वतः । थथ्ये सोवले गनं २ म्यतिना, गनं २ लः दु, गनं २
त्वहं दु, गनं सिमाहः आदि दया चोंगु थजागु थासे सापहे बल
पिकया सिमाहःया द्वे चीना उख्ये थुख्ये सोया धाल । अहो
आश्चर्य, थ्व छुजुगु थन जि छुंहे खने दुगु नं मखु । थ्व छु धंगु थाय्
सपना जक खला सपना धायत जि न्हचो वगुहे मखु धका हाला
च्चे ववे जवं खवं सोया लहातं खिना ताउति सोया चोंबले सिमा
कचाया होतं नौयागु प्रमानं आकाशयागु तुयूजः भतीचा खनेदत ।

उबले व ब्राह्मणया मनं भापिलकि हाहाः श्वजा अगाध दहंया गाले कुतू वंगु खनिः जि असंख्ये लोभिम्ह असंतोषी जुया थजागु गाले दुना चवने माल । आः श्व गालं गुबले जि उत्रे जुया वनेफे आः जित सुनां थकावयी । थौं जिगु छे मां बौः, स्त्री, पुत्र, पुत्री दया चवंगु दु । थुमिगु ख्वा गथ्येयाना स्ववने । हाहा दैब हे भगवान धका थथ्ये हाला चवन । अयोगु बखते वैंत अनगाले चवंपि की पतङ्ग तय्सं वया हुंनू हाला तोपुया हितोना न्याना चवन । मेपि जलौका धंपि सुल्फ्या आदि पिसनं हितोना न्यानाहे चवन थथ्ये न्यागुलि उगू बेदना सहाय मफया श्व ब्राम्हण तस्सक हे अति बिशब्दं २ स्वया आयामा २ आयाबाबा २ धका थथ्ये हाला स्वया हाहा जित आः थुगु थासं थकया रक्षा याना बीम्ह भगवान सुवइथ्ये हे भगवान धका हाला चवचवं २ प्यन्हु च्यान्हु दस्येलि श्व ब्राम्हणया शरीरे प्राण जक बाकी ज्वीक अन चवंपि की तय्सं न्याना न्याका थयोगु प्रकारं दुःख भुक्तमान याना चवन ।

छन्हुया दिने वहे बगैंचायाम्ह, अन बास याना चवंम्ह धर्म-कुवलाक्ष माकनं थःगु नित्याचार सिधेका अन उछान बगैंचाय न्यंकनंहे बिचार याना अनेक प्रकारया स्वां श्वया सिसाफल खाना गुम्ह श्री त्रिरत्न यात पूजाभाव याना चन्हे याना तोत्र प्रदक्षिणा याना थः इच्छा जुथ्ये फलाहार याना बरो एकचित्त हर्षमानं याना उगू बगैंचाय म्हिता जुल । थथ्ये म्हिता न्यंकनं स्वया ववं ववं उगू अगाध दहंया सनीपे थ्ये वन ।

हे मैत्रीय, उगू समय व गाले कुतू वना चवंम्ह ब्राम्हण

छम्ह बरोबर स्वया हाला हया चवंगु शब्द ताया थुम्ह कपिराजां जूसां व हाला हगु, स्वया चवंगु शब्द न्यना तोजक उगू गाले थःगु न्हाय्पं दिका न्यना स्वतः । अथ्ये न्यना थनहे खः धंगु सीका अहो आश्चर्य श्व छु खः न मनुष्यला, भूतला, प्रेतला, पिशाचला सुखः श्व धका वव स्वया थथ्ये धया छोल । अरे छ सुहं आकन छाय चवनागु खः धका थथ्ये न्यंगु शब्द ताया व अगाध गाले चवना चवंम्ह ब्राम्हण चव्य थस्वया बिन्ति याना हल ।

हे परमेश्वर, हे प्रभू जि मेपिमखु, जि छम्ह मनुष्य ब्राम्हण खः, छुयाय तितूसिया लोभंयाना थयोगु अगाध गाले चवना चवने माल । हे परमेश्वर जि थुगु गाले चवना चवनागु तन्हुहे दत हे प्रभू जित श्व गालं थकाया याकनंहे उद्धार याना बिज्याहुं । हे दैब छल्पोल यात नमस्कार धका थथ्ये बिन्ति याना धागु खँ न्यना थुम्ह धर्म कुवलाक्ष माकनं धया छोल । हे मानव आमजोगु थागा मद्दगु गाले कुतूवना चवंम्हेसित जि गथे याना छन्त थकायगु धया छोलः । श्व खँ न्यना हानं बिन्ति याना धाल । हे प्रभू, हे इश्वर छपिसं न्ह्यागु जतन यानासां जित याकनहे छक उद्धार याना बिज्याहुं । धका तसकं हे ज्वरं स्वया बिन्ति याना हःगु उगू खँ न्यना थुम्ह कपिराजा माकया मने अतिहे दया करुणा वना बिचार याना स्वतः । खजाखः बिना आतुर परेजुया च्वह्य यात उद्धार यायगुहे तःधंगु धर्म खः । उलि जक मखु सिना चवंम्हे सित जीवदान बीगु जुल । हानं थयोगु २ परेजुया चवपिन्त उद्धार याय धंगु जुल । श्व तःधंगु धर्म खः धया तगु दु । आः

श्वेत नं तसकंहे आपत उदीका सिताहे चवंग धा सा छुमपाः
उकें श्वेत जि श्व जिगु ज्यूमाहे माया मकासे याकनहे उद्धार याये
थुगु पुण्ये जित तःधंगु धर्म दइ धका मने लवीका थथे धया
छोतः ।

हे ब्राम्हण छपिन्त फःसा जि उत्रे याना बी तर मनुष्य
धैपि विश्वास मदु । अथेया निति छं विश्वास घातक याय मखु
खःला हे मनुष्य थका धया छोतः । श्व लँ न्यना ब्राम्हणं धाल
हे त्रैलोक्य नाथ इश्वर जित उद्धार याना ज्यूमहे सित जि गथे
याना विश्वासघातक यायी । न्यना मात्रनहे अपराधगु लँ थो
पाप कर्मयाना नाप थथिगु दुःख सिया पापे दुबिना चवने माल
धयाँ अन्योगु पाप कर्म मनतया जूमहे छु गति उवी । नरकवास
मलाइला । हे परमेश्वर जिन छपिन्त सत्य सत्य अद्यागु दिश्वार
घातक यायमखु । याकनं जित उद्धार याना बिज्याहुँ धका बिन्ति
याना धागु लँ न्यना पुनवारि कपिराजं धया छोतः । हे मानव
आमथ्ये जुस्येलि छ हथाय चायमते छन्त जि उद्धार याना बी
धका धया थःगु मनं बिचार याना रवल ।

आः श्व गाले दवाँ वनेत छूं सानान मदु छुयासा थिकउदी
धका बिचार याना स्वबले छगू बिचार लुया वल । आः श्वहे
सिमाया कचा जोना तिन्हुया थुख्ये उख्ये, उख्ये थुख्ये याना
सिमाय जुना निक स्वक तिन्हुया स्वबले अन चवगु ल्होते जूवन
अथ्य जुना वंत लकूछिना तिन्हुया थुख्ये चवंगे धका थःगु मनं
बिचा याना तगोगु ल्हो छग पाछाया तिन्हुया उगू सिमाय जुना
व ब्राम्हणयात स्वया मनं मनं धाल । थपागोगु ल्हो छग पाछाया

तिन्हुया स्वयाना थंनथ्येक वेगु धाख्येले श्व मनुष्य छूमहेमिगु गुनि
हे बोज दायि धका आपा दःसा श्वहे ल्हो छगया ब्रतिमखा दायि
धका मने तया अन वगैचायागु फलफूल नेगु जवना व कपिराजां
श्व ब्राम्हण यात दया तया काः जिवे धुन धका उगू गाले बवाहाँ
वना थ महे जवना वनागु फलफूल दिया नकल । थथ्ये व ब्राम्हणं
उगू फलफूल नया नेधूँका उमहे कपिराज धर्म कुवलाक्षयात
नमस्कार याना चवन ।

थुगु बखते श्व कपिराजां व ब्राम्हणयागु कपाले जवना
धाल । हे मानव दँर हथायचाय मते छन्त उद्धार यायत वयाह्य
जि दु । आः छ जिगु महे चवना ववातुक जवना मिखा तिसिना
चवनावा धका थुमहे कृपावन्त जुया चवमहे धर्मकुवलाक्ष कपिराजां
थःगु महे चवंगु दववहे बलपिकया तिन्हुया उगू गाःया चवसं चवंगु
सिमाय जुत । थुगु प्रकारं न्हैकति तिन्हुगु बखते व अगाध दहंया
गालं तरे जुया थाँवया आनन्द पूर्वकंहे व ब्राम्हणयात ववेतया
फलमूलादि तृप्त ज्वीक नकाः वंगु शरीरे हि त्वना न्याना चवंपि
सुल्फ्या आदि लिक्का बाँलाक बिचायात । थुगु बखते व ब्राम्हण
यात धाल कि हे मानव छन्त थकयागुलि जि सापहे बल तुते जुल
परिश्रम जुल उक्ये जि सापहे न्ह्योवल । आः भतिचा देना
चवने छं जित छक बिचायाना स्वयाच्च । थन थुगु वगैचास धूं,
भालु, किसि आदि वनजन्तुया भय दु । छं भतिचा थुलि होस
याना चवं । जि छक छने धका व ब्राम्हण यात धाल । व लँ
न्यना ब्राम्हणं धाल ।

हे प्रभू छपि जिगु महे छना बिज्याहुँ धका थःगु मुले व

कपिराज यात थेन । थुम्ह कपिराजाया मने छुंहे केपियत मतस्ये निसंकाहे व ब्राम्हण यागु मुले गोतुला आनन्दं न्हयोवेका च्वन । न्हयोवेका च्वंगु घौ निघौ प्यघौ जास्येलि व ब्राम्हण थथ्ये मने त्वीकल । हाहा थौं जि छे वना पुत्र पुत्रीपिनिगु ह्या गुबले स्व-
धने दयिथ्ये, छे धालसा आपाहे तापानी थौं जित छे थ्येक सुनां तथा बी । जि थः थःम्हं वने धालसा तसकंहे दुर्लब जुया च्वन-
तिनि बमलानि । जिगु म्हे छुंहेमन्त हि दक्कहे जनीका, सुल्पां न्याना फुयि धूंकल । मेपि कीतेसंनं त्वना मदये धूंकल उक्थे जि न्यासि वनेगु सामर्थ हे मन्त । आः छुयायगु थन वने च्वंगु फल-
फूल जक नया जित छु तागत दं थुलि तक नयमखना गैसिज्वी धूंकल जि थथ्ये निर्बल जुया च्वंम्हस्ये थुगु शरीर बलाका गथ्ये थ्व दुर्गाबिनं तरे याना वनेफै । उक्थे थ्व दुर्गाबिनं तरे ज्वीत थ्वहे माफ यागु ला नय दसा जक जिबलाई धका थथ्ये मने त्वीका
थःके मुले आनन्दं दना च्वंम्ह माकयात तीजक मचायक वंगु छ्यो बेंदिका क्वेतया आः बिस्तार याना च्वने मजिल बखत थिक जुल धका मतितया निबब याना व दूरात्मा चन्दाल मनं जुया च्वंम्ह
लोभं करुणा चित्त मदया च्वंम्ह व ब्राम्हण दूर्लब जूसां नं लोभया बसं तीजक दना दना म्हे थररं खाका खाका लहा जक फेररं खाका तग्वगु ल्हों छग कया हया उगू ल्होंतं म्हुया व कपिराजायागु
छ्योने ताके याना बरो बेगंहे प्रहार याना कय्का बिल । थ्व लोके नेपित्या म्हेसिनं छु जक मयायि ज्याया अनुसारं हरबरे जुगुलि छता दूर्बल जुगुलि, निता बिब्हल जुगुलि, स्वता थुकेयाना
व ब्राम्हण केकूगु ल्हों व माक यात स्यायत मलास्ये न्हयलं

चायकेत जूवन । व बलें अथे ल्होंतं च्वसानं व माकया छ्यो चूर्ण मजू वंगु धर्मया प्रभावं वत छ्योने मलासे आत्मा दुम्हस्ये मि सहितगु बज्रथ्ये तचोगु शब्द वेक मेगु ल्होंते जूवन । उगू ल्हों यागु शब्दं न्हयलंचाया बाथाक दना सुनां केकलथ्ये धका तिन्हया उक्थे थुक्थे स्वबले वहे ब्राम्हण छम्ह सिवाय मेपि सूमखें ।

अयोगु बखते थ्व ब्राम्हण जूसां ह्य थररं खाका, स्वा वचुसे च्वंका, मुयूचोति हायका ग्याका च्वंम्ह थुम्ह ब्राम्हण यात स्वया थुगु प्रकारं न्यका धाल । अरे चण्डाल पापात्मा विश्वासघातकह्य मनुष्य छे जित प्रहार यात । हे पापात्मा धका थुहा धर्मकुबलाक्ष माकनं धागु खें न्यना व ब्राम्हणं ह्या बिन्ति याना धाल । हे ईश्वर, हे प्रभू क्षमा याना बिज्याहुं । मेता कारणं मखु छपिन्त प्रहार यानागु । जि सारि हे दुर्बल जुया छे वनेगु सामर्थ मदया जि याकनं बल्लाकेया निम्ति छपिगु शरीर यागु क्वागु ला हि नःसाजक जि बलाना याकनं छे वने फे धका मतीतया जिन छल्पोल यागु शरीरे प्रहार यानागु खः । हे प्रभू धका थथ्ये बिन्ति याना च्वन । थुलि बिन्ति याना धागु न्यना कपिराज बानर राजां धाल ।

हे दुष्ट, हे पापात्मा धिकार छंगु जन्म छंगु स्वाजकहे स्वे मत्योः थुक् धका फुकलं बिल । हे पापिष्ट छे विश्वास घाटक यागु प्रभावं छे थ्वय.सिकन तच्चगु गाले, नर्क कुतू वने मालि-
तिनि धका थथ्ये धया उगू थारु ल्याहाँ वन ।

हे मंत्रीय, अनंलि थुम्ह कपिराज माकनं मने त्वीकलकिः अहो आश्चर्य थ्व पापात्मा विश्वासघातक ब्राम्हण यात जूसां

जिहें वयागु छे तब सेयेंके छाय घामा अधमियान धर्म जिनें यायेमा श्री विष्णु देवता बिचार यायेयायिनि भका सने मया व काष्टण यागु यायेनं निहो वया कलगाया मागर जुया द्यष्ट माकया राजा हे दुष्ट पापान्मा, हे काष्टण कायु जि छंगु छे थ्येक हे छन्म तथाही जिगु छे छे बका धया मकं जिना व काष्टणयागु छे थ्येक निक छंगु गाये छयाय मोमा थ्ये कपि थ्ये माकया राजा अने निहो वया आनन्द श्री विष्णु यागु भक्ति याना छवम ।

हे मंत्रीय, अनलि व पापान्मा विद्वामघातक काष्टण उगु गायं थ गु छे थ्येक वना सकल जाहान परिवारपि छवना कुशल वानी याना थ्ये दुष्ट मिया वंगु छे, कपिराजा उठार यागु छे उठ कपिराजा यात अवरगथ यानागु छे फुक कना आनन्द छवना छवम । थ्ये छवछे २ निना यना दया थ्येनि व काष्टणया शरीरे अकम्पमान छे पवान २ वंगु जिमं कुठ रोग थिया कमथे घा. जुया उगु घालं छि हि याही वया । कमथे वने जुया कचिना धोनिथे धोनिना नुवाया मयया यन । अथे वयागु शरीरे सर्वाङ्ग छे येना धोनिना दुगंधं नवया जनः कलाः स्वाने नापं हे इयाधन ज्योकि नवया अनन्त्राने छेपि गुनि थगु छे तोता परयागु छे छववन, गुनिमिया उगु शरीर धोनि मवगुनि नेगुहे मन्त्रि मजुया रोग कया वन । गुनिमिया वाकिथया बान्ताजक याना छेपि । थगु किमं उगु त्वाने छवना छेपि सकसिनं हे नवगुनि शरीरे रोग ज्योका सकसियाहे दुष्ट ज्योका छवनाछवम

हे मंत्रीय, अथे व विद्वामघातक पापिया परिवार वयागु लागि अनेक उपचार याना शान्ति रवस्ति याना पूर्व संकल्प आदि

अनेक दान थ्ये मरित याना देव देवता विष्णुं दुहा आत्र याना विल नं छे हे उपचार मने मज । वयागु कर्म पन दुगु दुया निनि वन ऊनऊन हे उगु रोगं यन जुया ह्रीं ह्रीं हे व रोग वने जुया छिमिनमेहे वंगु शरीर व्यादया, मिष्टा निग जक पुनु २ कना छुनु छया जक आयाम २ धका हाला कमिथ्ये छवरा जुया छवम ।

हे मंत्रीय, अथे दुष्ट पापान्मा यान नथंगु कुठ रोगं केका ह्रीं नृनि मदयेका छया आकार मदयेका छानी स्वाम छगु जक बाकी ज्योकि मजा नरके छवना छवम । अथे जुया छवना छंगुनि व दंशे नमकहे दुगंधं फिजे जुया समस्त देवनागर्गापि वन, लोकजर्गापि वन, उगु थामे छवने मकया अष्ट जुया रोगं कया सम्पूर्ण हे थः थगु छे तोता थ्ये वन । हे मंत्रीय छ्ये निष्ट जन थम स्वाया वाजु किजा पिस जक व विद्वाम घातक काष्टणया परिवार पिनिगु न्होने वना थगु प्रकारं यान । हे काष्टणपि आम पापान्मा यान थन नयेमने आम वंगु शरीरयागु दुगंधं याना आपालं लोकपि थुगुन्वा (अर्थान्) थगु थाय तोता थगु छे नापं तोता मेमेगु त्वाने छवने थूकल । हे काष्टणपि थन छिमिमं माया काय स्वान । याकन हे थ्येन न थंगु दूर जंगले वाययेकिः आम पापान्मायान छिमिमं न्हयाकोहे उपाय यामां रक्षा जुई मखु । वं याना थगु पापयाक्ये सकल देवनापि फुकहे कोप जुया विज्याना छंगु दु । हे काष्टणपि छिमिमं राजा याके आज्ञा कया याकनं हे वन दूर जंगले वाकेछो धका छि छिहे यावगु वं न्यना थवया परिवार पिसन व पापिष्ट यात स्वया छवने

मफया नवया घौचाया थिथिहे खं लहाना सकल दाजु किजा पुत्र पौत्रपि सकसिनंहे राजाया थाय जाहेर यावना राजाया आज्ञाथ्ये थुहा पापात्मा विश्वासघातक यातः निह्य स्वह्यसिनं कुबिया उगू थासंयंका महादूर बने सूर्ययागु किरण हे मदुगु थासे अघोर बने दुने वाना तोता लिहां वल ।

हे मंत्रीय धका श्री शाक्य मुनि भगवानं आज्ञा दयेका बिज्यात ।

श्व खं न्यना मंत्रीय बोधिसत्वं हाकनं बिन्ति यात । हे भगवान सर्वज्ञ श्व महारोगी यात बने वाना थकुस्येलि छुजुलले गथे जुलले हे भगवान प्रभू व उखंनुहे सितला अथवा वनजन्तु तेसं नलसा सूं देव देवीपिंगु थासे लाना उद्धार जुलला गथे जुल । हे भगवान जित आज्ञा दयेका बिज्याहुं धका थथ्ये बिन्ति याना च्वन । थुलि बिन्ति यागु न्यना श्री भगवानं थथ्ये आज्ञा दयेका बिज्यात ।

हे मंत्रीय, व कुष्ठ रोग जुहा पापियात छुजुया च्वन धासा उगू वन छगूलिहे व्याप्त ज्वीक आयाम २ धका हाला खवया अति दुःख ज्वीका ग्वारा २ तुला जुया च्वन । अथ्ये हाला खवया जुलनं वैंत अन बने च्वंपि जनावर सिंह, धूं, भालु, रिसि, चला आदि जन्तु तेसं सुनानंहे थ्यू जकहे मवों । ऊन श्व पापात्मा दुथाय बने मच्चंसे मेगु थासे बिस्पू वनीगु । हानं श्व कुष्ठरोगी पापीं गन २ व जनावर च्वना च्वंगुख अन २ हे थःत नकेत ग्वारा २ तुला इमिथाय् न्ह्योने वनी अथे वगु खना व जनावर त फुकहे त्रासं ग्याना बिस्पू २ जुया च्वनी ।

हे मंत्रीय, वथ्येनतूं उगू बने च्वना थः थःगु स्वर पिकया हाला च्वंपि ऊंग पंछि गणपिनं व पापी कुष्ठरोगी वन हे श्वक आया २ धका हाला च्वंगुलि थुपिन फुकहे मेगु थासे खवया च्वं वन । हानं अन बने पुस्करिणी धयागु पुखू दया निर्मल जुया अत्यन्त वास वेक ह्वया च्वंगु पलेस्वाँ, उफोस्वाँ, पारिजास्वाँ, केतकिस्वाँ आदि ह्वया भ्रमरगणपिसं रस कया च्वनीगु अजागु नं फुकहे व कुष्ठरोगी यागु दुर्गन्धं याना श्व स्वाँतनं ऊवाजुया वना विस्वभा जुया वना च्वन ।

हे मंत्रीय, अथ्ये हाला खवया च्वंगु तन्हुमछि हे दया वसेलि छन्हु पांचाल देशयाम्ह राजाया मन्त्री काजी, भार्दार प्रमुखं असंख्ये सैन्य सिपाहि सहित याना सिखार म्हित वगु जुया च्वन । अथ्ये व राजाया सिखार म्हिता ववं २ छन्हुया दिने व कुष्ठरोगी क्राम्हण च्वना च्वंगु थासे बने लावन । उगू बखते व कुष्ठरोगीया शरीर धोगिना अत्यन्त दुर्गन्धं नवया च्वना च्वंगुलि फिजे जुया च्वना च्वंगुलि उगू बनस बनचर आदि सूंहे खने मदया राजां जूसां आज्ञा दयेकल ।

हे मन्त्री गणपि थनजा अकस्मात हे महा अघोरं दुर्गन्ध वल । अति भयानकं हे आयाम २ धका हालानं हया च्वंगु शब्द वया च्वंगु दु । थुगु बनेजा जन्तु धेंपि सूंहे खनेनं मदु अतिहे भयानक जुया च्वना च्वंगु दु । श्व छु हेतूं जुया च्वंगु । हे मन्त्री गणपि काः छिमिसं चाहिला परिक्षा यानासो धका आज्ञा देकू न्यना अन बने वना थाय् थासे चाहिला माला स्वोबले व कुष्ठरोगीया थासे लावन । व स्वया राजायात जाहेर याना कँवल ।

श्व खँ न्यना राजा आदि सकलें वना स्ववं बले उम्ह कुष्ठरोगी गजाम्ह जुया चवन धा सा अत्यन्त भयानकम्ह हचाउँसे, वचुमे च्वंम्ह ल्हा तुति मदुम्ह ल्होथ्ये छम्बारा जुया तुंजक बायां २ दायका मिखा निग जक पुलु २ कना आयाम २ धका हाला च्वंम्ह व पापिष्ट ग्वारा २ तुला दया राजाया थाय् न्ह्योने जित रक्षा याना बिज्याहुँ धका हाला चवन । श्व स्वया राजा आदि सकलें आश्चर्य चाया न्यन ।

हे मन्त्री गणपि श्व सुखः, भुतला, प्रेतला, पिशाचला, राक्षस, मनुष्यला थुपि सुज्वा धका धागु आज्ञा न्यना व पातकि-याके न्यन । हे पापिष्ट छ सुखः गुम्ह खः जिमिगु बिचारं स्वे बलेला छ छम्ह महापातकि मनुष्यथ्ये च्वं खला ? छंगु जात छु ? नां छु ? छे गन ? धका थथ्ये न्यंस्पेलि, श्व खँ न्यना हे महाराज जि पांचाल देशयाम्ह ब्राम्हण खः । जि परिवार स्त्री, पुत्र, पुत्री आदि सकलें जीवित दया च्वंगुहे दनी । जि साफो वया बले व सात फुकहे बिस्पूर्वना जि माला स्वीवना बले सा छम्हहे ल्वीके मफू ववं २ छगु बने छथाय् तितूसिमा दुगु थासे थ्यन । अन उगू तितूसिया लोभं याना उगू अगाध दहने कुतूवना धर्मकुवलाक्ष कपिराजां उद्धार याना बिल । वहे कपिराज यातनतूं जि अपराध याना वया, वंहे नतू जित छेनं तवल । थयोम्हयात जिनं अपराध याना वगुलि, थौं जित थथे कष्ट ज्वीका थयोगु बने च्वना सास्ति नया च्वने माल । हे महाराज धका थथे विन्ति यात । व खँ न्यना राजाया मने अति करुणा वना धाल । हे अपराधि, हे पातकि छं तःधंगु दुष्ट कर्म याना वल । उगू पापं छ थथ्ये

ज्वीका च्वने माल । हथायचाय मते छं एकचित्तं श्री त्रिरत्नया नां लुमंकि जि छन्त उपदेश बी । हे पातकि ब्राम्हण । । थनं उत्तर दिशा पाखे हिमालयया वदसं नेपाल धंगु नगर छगु दु । अन उपछण्डोहपिठ धयागु अजागु पुण्य स्थाने श्री स्वयम्भू ज्योति रूप भगवान थःथे थःम्हहे प्रकाश जुया जाज्वल्यमान बिज्याकम्ह हानं खगानना श्री गुह्येश्वरी आदि देव देवीपिसं बासयाना श्री सम्बया आकारन अति शोभा दया च्वंगु हिमालयया दक्षिण भागे बागमति व मणिरोहिनी त्रिवेणी संगम जुया च्वंगु शङ्कर तीर्थ धका नां प्रख्यात जुया च्वंगु दु ।

उगू तीर्थे शंखापाल धंम्ह नागराज बास याना च्वंगु अजागु तीर्थे वना नीछन्हुयंकं स्नान याना मोल्हुया एकचित्तं श्री त्रिरत्नया नां कया, षडक्षरि मन्त्र जप तप याना देवता पित्त तर्पण बिया पितृयातन तर्पण याना, बालुका यागु चैत्य दयेका थम्हं फुथ्ये पंचोपचार पूजायाना धारणी तोत्र आदि बोना सेवा यात धालसा आम छंगु शरीर दिव्य देह जुया वयी । हे ब्राम्हण छन्त जिनं उपदेश बी धुन (अर्थात्) आमकेयागु वास जि कने धुन । थुलि मयाय्कं छंगु पाप कतेज्वी मखुत ।

हे ब्राम्हण हानं छं श्व मयास्ये मेमेगु धर्म यातःधासाः न्हयागुहे यासां आम छंगु पाप कतेज्वी मखु । उगू शङ्कर तीर्थयागु लखें जक म्हे हाहा याना बिया मात्रनंहे पंचेन्द्रिय जिते जुया शुद्ध देह जुया वइ । उगू लखें मिखा जक पिय मात्रनं त्येज प्रकाश जुया मुदृष्टि ज्वी । हे ब्राम्हण, काः छ फःसा अनहे हुँ, मफुसा श्री त्रिरत्नया नां जक कया मात्रनं छन्त उद्धार ज्वी । हे ब्राम्हण

धका आज्ञा दयेकू न्यना थथ्ये बिन्ति यात ।

हे महाराज धन्य २ छल्पोल, छल्पोलया कृपां अमून्य तूल्य जुया च्वंगु कङ्कुर तीर्थ यागु महात्म न्यने धुन । थुलि जि न्यना मात्रहे जिगु पाप नाश जुल । थौं देवता धाःसां छपि, गुरु धाःसां छपि हे जुल । हे महाराज छपिन्ति जि कोटी २ नमस्कार । छल्पोलपिसं जि पापिष्ट यागु उपरे करुणा कृपातया उगू शङ्कुर तीर्थे छक थ्येकाव्यू धका बिन्ति यागु खंन्यना दयातया करुणा वंका थःम्ह सैन्य सिपाहि सःता धाल । हे सिपाहि छिमिसं थ्व पातकि ब्राम्हणयात कुबिया नेपाल मण्डलय बागमती, मणिरोहिनी संगम जुया च्वंगु शङ्कुर तीर्थया दोभाने यंका तोता थकि धागु आज्ञा न्यना अनहे बने च्वंगु गुंखिप कया हया थुम्ह विश्वास-घातक ब्राम्हण यात उगू गुंखि चिना निम्हे सिनं कुबिया तत्कानं उगू शङ्कुर तीर्थे थ्येके हल ।

अन थ्येका व ब्राम्हणं राजां आज्ञाजू थ्येतूं एकचित्तं ॐ नमो बुद्धाय, ॐ नमो धर्माय, ॐ नमो संघाय धका श्री त्रिरत्न या नां कया तपस्या यांना च्वन । अथ्ये तपस्या यांना च्वच्चं २ नोछन्हु दयावस्येलि व कुष्ठरोगी पापी ब्राम्हणया शरीर चुलि जाया क्रमैसित ल्हाः तुति दयावल ।

हे मैत्रीय, अथ्ये थःगु शरीर चुलि जाया वगु खना मने अति हर्ष जुया थथे धाल । धन्य २ तीर्थ धयागु महापुण्य स्थल खः । जिनं तपस्या यांनागु नोछन्हु तिनिदत जिगु अघोर पाप फुना शरीर चुलिजाया वल, धन्य २ श्री त्रिरत्न देवता नां कया ह्यापा स्वयानं एकचित्त मन तया ह्यी स्वक मोल्हया बालुका

चैत्य दयेका जप, ध्यान, पाथ यांना पचोपचारं पूजा यांना थुगु प्रकारं बिन्ति यांना च्वन । हे परमेश्वर ह्यापा जि अपराध यांनागु पाप याकन फुका । दिव्य देह शरीरयांना याकनं सम्यक्-संबुद्ध पदबि लायफेमा धका कल्पना यांना तपस्या यांना च्वन ।

हे मैत्रीय, थयोगु प्रकारं तपस्या यांना च्वच्चं २ निदं प्यदं दया वस्येलि व ब्राम्हणया कुष्ठरोग धंगु रति शुधान्तहे मन्त अर्थात (मदयेक) सम्पूर्ण पाप नाश जुया दिव्य देह जुया बोधि-ज्ञान लाना शुधात्मा जुया श्री सूर्य थ्ये तेज प्रकाश ज्वीका उगूहे शङ्कुर तीर्थे नतूं हे च्वना तपस्या यांना च्वन ।

हे मैत्रीय, अथे तपस्या यांना च्वगु ताकालं दयावस्येलि छन्हु देव संजोग उगूहे तीर्थेस मृत्यु जुया वन । थथ्ये व ब्राम्हण उगूहे तीर्थे मृत्यु जुया वंगुलि स्वर्गसं कपिल देवपुत्र धायका जन्म कावन ।

हे मैत्रीय, थुलि गुम्ह मनुष्य नं उगू शङ्कुर तीर्थे जुया वंगु थथ्ये धका सीका एकचित्त यांना स्नान, दान, जप, तप, ध्यान, यज्ञ आदि यायि थुजोम्ह मनुष्यपिन्ति जूसां निश्चयन मोक्ष फल लाई धका श्री शाक्य मुनि भगवानं मैत्रीय बोधिसत्त्व आदि आपालं भिक्षुगणपिं सकल सभालोक गणपिगु न्ह्योने थुगु प्रकारं आज्ञा दयेका विज्यात ।

इति श्री स्वयम्भू पुराणे बागमती मणिरोहिनी रुद्रधारा संगमे शङ्कुर तीर्थ महात्म्य तृतायोध्याय ।



राजतीर्थ

ॐ नमो रत्न त्रयायः ॥ ॥ पुनर्वार श्री शाक्य सिंह
भगवान् मैत्रीय बोधिसत्वया स्वा स्वया थुगु प्रकारं आज्ञा दयेका
बिज्यात ।

हे मैत्रीय छं एकचित्त याना न्यं । आहानं राजतीर्थ यागु
महात्म्य कनेत्यना । हिमालयया दक्षिण भागय राजमंजरी धैगु व
बागमती धैगु निगू मिले जुया वया च्वंगु यात राजतीर्थ धका
नां जुया च्वंगु थाय् छगु दु ।

उगू व तीर्थे बास याना च्वंह्य नागराजया नां शुरुष धयाह्य
ख । वैगु वर्ण गथ्ये च्वं धाःसा स्वेतवर्ण जुया फणि पतिकहे
मणि माणिकया तेज प्यहाँ वया अत्यन्त शोभायनानं ज्वीका
थुह्य नागराजां बासयाना च्वना च्वंगु थयोगु तीर्थे गुह्य मनुष्यगण
पिसं नीःछको यंकहे बरो एकचित्तं स्नान याना मोल्हुयी, जप,
तप, ध्यान आदि यायि पितृदेवता पित्त अर्घतनी अजापीं मनुष्य
पित्त निश्चयनं राज्यभिषेक फललाना राजाहे ज्वीदयी ।

हे मैत्रीय, धका थथ्ये आज्ञा दयेका बिज्यागु न्यना हे
भगवान् छत्पोलया दयां थुगु राजतीर्थ यागु खँ न्यने दत । हे
भगवान् थगु तीर्थे सु उद्धार जुया वन । सुना तपस्या याना वन ।
हे सर्वज्ञ जिमि फुकसियां हे थुगू महात्म्य न्यनेगु इच्छा जुया
च्वन । हे प्रभू छत्पोलं जिमिगु उपरे दयातया थ्व खँ सम्पूर्णहे

(५१)

कना बिज्याहुँ धका थथ्ये बिन्ति याना धागु खँ न्यना श्री भगवान्
थुगु प्रकारं आज्ञा दयेका बिज्यात ।

हे मैत्रीय, पांचाल धैगु देशया सन्निधाने वन्धुमती धयागु
नगर छगु दया च्वन । व नगरे बासयाना च्वना च्वंह्य बल
धयाह्य कर्ण सार्थवाह महाजन छह्य दया च्वन । वया स्त्री वर्ण-
लक्ष्मी धैह्य माहाजनी अतिहे प्रतिक्रता धर्म च्वना च्वंह्य । थयोह्य
महाजन यागु छेस असंख्ये धन दौलत यागु दुकुति पुरेजुया च्वना
च्वंह्य । थथ्येह्य महाजनया स्त्री पुरुष निम्हंहे बरो आनन्दं सुख
भोग याना च्वच्वं २ आपालं वष बिते जुया वस्येलि छन्हुया
दिने वर्णलक्ष्मी महाजननीया गर्भधारन जुया वल ।

उगू बखते व सार्थवाह महाजनं थः स्त्री महाजननीया
न्ह्योने थथ्ये धाल । हे स्त्री छँ जिगु खँ छगु न्यो । आः छँ थुगु
छेस बाँलाक भिनकहे बिचार याना च्वने माल । जि जूसां रत्ना-
कर वनिज व्यापारया वनेत्यल धका थथ्ये धाल ।

थुलि थः स्वामीयागु खँ न्यना वर्णलक्ष्मी महाजननीनं
बिन्ति याना धाल । हे प्रभू स्वामी क्षमा याना बिज्याहुँ । छपिसं
थुगु छगुबार उजं दयेका बिज्यायमत्ये न्यना बिज्याहुँ जि जूसां
गर्भधारण जुया च्वंगु दु । थथ्येहे मचा बुल धाःसा छपि मदयेका
च्वने माल धाःसा जित सुना बिचा याना ब्यूव । हे स्वामी धका
थथ्ये थः स्त्री वर्णलक्ष्मी यागु खँ न्यना महाजनं थथ्ये धाल ।

हे स्त्री छँ आमथे धायमते । मचा बूसा छन्त छूँहे अर्क
ज्वीमखु । छँ नेगु त्वनेगु यथेहे नयात्वना मागु खर्च याना च्वं
धन्दा कायम्वा । हे स्त्री आःछुयाय जिगु वृत्तिहे थयोगु मयासे

मगा । थः इष्टमित्र भाइपि पुलांपि तोतेमज्यू उक्ये थुसिहे मवंस्ये मज्यू । छं जिक्कि याय मत्ये । हे स्त्री छन्त सेवा तलह यायिपि माःसा थुलिमछि दास दासिपि दहे दु । छाय धन्दा कयागु जि मदु धका छं नस्यं मनस्ये याना चवने मते धका बुफे याना नोह्य स्वीह्य वमियातेत आपालं मालताल उदंका रत्नाकर व्यापार वने धका थःगु छेनं प्रस्थान जुया पिहां वन ।

हे मैत्रीय , थथ्ये व महाजन प्यहाँ वना लछि निला दया वसेलि क्रमैसित उगू छे च्वंगु धन सम्पति सुना वन (मदयावन) गुलिसिनं हेका यंकल, गुलिसिनं खुया यंकल । हानं गुलिसिके त्याना यंकातगु कायमफया वन । थःगु छे च्वना च्वंपि न वया च्वंपि न सूँहे डांहामवल । दास दासिपिनं बिस्त्रूं वन । इष्टमित्रपिनं संमवल । अथ्य जुया व महाजनया छे दक्क अन्न आदि धन दौलत दक्कहे फुना वन ।

हे मैत्रीय, थ्व स्वया वर्णलक्ष्मी महाजननीया तस्सकहे दुख जुया नेगु त्वनेगु शुधान्तहे मदया आजौ छुयाना जीविका चले याना चवने, सुना जित बिचा याव मचा बुई बले जि छु नयगु गनकया खचं यायगु धका थथ्ये धन्दा कया अतिहे बिलाप याना चवन । थथे बिलाप याना हाला च्वंगु खबर न्यना ह्नापा थःत मज्यू बले उद्धार याना तह्य महाजननी यात भरोसा बिया थथे धावन । हे वर्णलक्ष्मी महाजननी धन्दा कयादीम्वा ह्मिग जित मज्यू बले छिक्किपिस्ये रक्षा याना तगु दु । थ्व गुण जिके दनी । छित जि प्रतिपाल यानाते । जि फुथे बिचार याय धका थुलि भरोसा बिया धागु न्यना हे पासा थौं जित छिसं द्योन न्वं

वागुथ्ये धया दित धन्य २ छिक्किपि धया थःगु मन धिर्ज याना दुथे नया भुक्तमान याना चवन धका श्री भगवानं मैत्रीय बोधि-सत्त्वयात आज्ञा दयेका बिज्यात ।

पुनर्वार थुगु प्रकारं भुक्तमान याना चवचवं २ थ्व महाजननी-या थःगु शरीरे मासं पुरेजुया वसेली छन्हुया दिने बालक छम्ह जन्म जुल । गयोम्ह बालख जन्म जुल धाःसा १८ किच्याता प्रकारं अलक्षणं पूर्ण जुया च्वंम्ह पुत्र कायमचा जुया चवन । व किच्याता अलक्षण छुछु धाःसा एवा हाकुम्हः संतःपुचिमिस सियूम्ह, छचो तःग्वो खर्युजाथ्ये च्वंम्ह, मिखाफुसि तिस्वाः सिंह-या थ्ये न्हचाय पयाफःम्ह, न्हेपं किसियाथ्ये वोम्ह, म्हुतुसि तफलाम्ह, कपा निलंगु व्याम्ह, गःप पत्याहाकम्ह, ब्वोताहाकम्ह, ल्हापतिहाकम्ह, म्हः बागचाम्ह, एवा तःग्वोम्ह, नुगपा छतिम्ह, नेफु ताहाकम्ह, मिखा सियूम्ह, लिङ्ग ताहाकम्ह । थयोम्ह कि च्यातां कुलक्षणं पुरेजुम्ह बालख जन्म जुगुलि वहे लग्ने, वहे बेलास थ्वया बौह्य रत्नाकर व्यापार यावना च्वंम्ह महाजनया नं समुद्र पार याबले अकस्मात दोंगा नाउँ फातापुला थःम्हं ज्वना वयागु माल मता वस्तु धनद्रव्य दक्कहे समुद्रे कुतूवना दुवेजुया वन ।

हे मैत्रीय ॥ अनंलि व महाजनया थःगु बाहु बलं याना ज्यू छगू जक बचे ज्वीका आपालं धनद्रव्य नाश जुल । हानं उख्ये थःगु छे तसकहे अलक्षणह्य मचा जन्म जुया प्यन्हु खूनु दिने अकस्मातं मिदना छे मिनया स्वचा प्यन्हु तकहे उगू मि शान्त याय मफू बल्लं न्यान्हु खुन्हु दुबले तिनि जल खलपि सकसिनं याना उगू अग्नि शान्त याना विल ।

हे मंत्रीय, उगू बखते व महाजननीया अत्यन्तहे बिलाप
याना स्वया मचा छहा ज्वना छेलि छगुलि बासयाना च्वन ।
थु थाय ह्हापा थःत भरोसा ब्यूह महाजननीया प्रेमहा पासां
अथे कष्ट जुगू स्वया ह्हापायागु गुण लुमका उखें थुखें वना फोना
त्याना हया व बर्णलक्ष्मी महाजननीयात नका त्वंका थःम्हं फुथ्ये
बिचायाना तया तल ।

हे मंत्रीय, अनंलि व मचा बूगु फिनिन्हु दया वल जातकर्म
याना नां छुतः । थ्वंगु नां काल पुरुष जुल धका नां छुतः । अर्म
सित व मचा ह्ण्ट पुष्ट जुया तःधिक जुया बलाना नं वल ।
उबले माम्हेसिनं व मचा बोना फोवन । थथे फोना ननं र
जिविका चले याना हना च्वन ।

हे मंत्रीय, थुगु प्रकारं जुजूं र लिपा वयात भिक्षा बिया
हपिति सकसियांहे थःथःगु छें धुकुतिनं अन्न, धन सम्पूर्णहे सुके
जुया फुना वंगुलो आश्चर्य जुया ज्योतिषया थाय केना स्वोबले
छिसं व काल पुरुषयात अन्न आदि भिक्षा बिया छोगुलि थुकि
याना छिमित सुधान्तहे अन्न आदि नाश ज्वीका च्वने मागू धका
धास्योल व खँ न्यना उह्य काल पुरुषयात सुछम्हेसिनंहे अन्न छगः
लःछफुतिहे ब्यूपिमन्त ।

हे मंत्रीय, थथे जुस्येलि व महाजननीया पासा छम्हेसिनं
जक उखें थुखें वना ज्यायाना ज्याला कयाहया व काल पुरुष
यात, बर्णलक्ष्मीयात प्रतिपाल याना तल । अथे याना च्वंगु खना
थुह्य पासाम्हेसितनं हेलायाना गिजेयाना धया अन्न आदिनं ज्या
यायगु सुधान्तहे सुनान भबिल बिया महल । अथे बोबिया धया

हसानंहे इपि सकसितं बोधयाना धया ब्यूपिके कयाहया नकात्वंका
प्रतिपाल याना तल । छन्हु थःप्रेमहा पासां बर्णलक्ष्मीयात धाल ।
हे बर्णलक्ष्मी मय्जु छिकिपिन्त जि नके त्वके प्राय फेमखुत
(कारण छाय धाःसा) आम काल पुरुष यागु निति जित अन्न
ब्यूपि सुधान्तहे स्येनावन । वनाथाय तकहे बोबिया हक्का पितिना
हयिगु । हे बर्णलक्ष्मी मय्जु छित आः जिनं पाले यायगु सामर्थ
मन्त । छिकिपि तंचाया दोमते । छि स्वया यथेया आ. जिवने
धागु खँ न्यना व बर्णलक्ष्मी मिखाँ स्वबि वेका धाल । हे पासा
जि अभागिगुवर्म भिसाः मभिसाः जि थःपुता गन छोयगु । जि
कर्म गथे ज्वीमागुखः अथेहे भोग यायमालि । हे पासा छित छूं
दोष मदू कासं धका बिदा बिया छोटः ।

हे मंत्रीय, अथे प्रेमम्हपासां तोता वंगु खना अपशोच याना
थुम्ह बर्णलक्ष्मी आपालं दुःख कष्ट नया जिविका भोगयाना व
मचा प्रतिपाल याना च्वन । अथे च्वच्चं र थुम्ह काल पुरुष
न्यादें यागु उमेर जुया वल । छन्हु माम्हेसिनं थः पुत्र यात धाल
हे पुत्र आःछ तःधिक जुया वल जाननं दत । हे पुता, फिगु छें
नेगु त्वंनेगु बस्तु छूं मदु उवयें फिगु देशे त्वालेर वना छं अन्न
भति र फोना हतिः धया चायागु मिलाचा छगः बिया तुतां छपुन
ज्वंका थथे धाल । हे पुता, छन्त जाकि द्यू जक आमथले तयाहि
धका धया हानं थ्व तुतां छन्त भय वैबले अर्थात् खिचां उयि
न्यावयि बले ख्याना छोयत धका बियागु हे पुता धया छोट ।
थुलि मायागु खँ न्यना थुम्ह काल पुरुष भिक्षा फोवने धका वन ।
ववंर वनथायतक खिचां उना हैगु वनं वनं बोबिया जक हयिगु

हे अलक्षण भस्मासुर वल २ काः २ ज्वो २ दा २ केकि २ खिचां
न्याकि चेचे धका हाला च्वनी गुलिसिनं पासापि मुना दाई, गुलि
सिनं अपांकेकी, गुलिसिनं घोसानकल, गुलिसिनं मिलाचा लाका
तछ्याना ब्वाँवनो, गुलिसिनं तुतां लाका बाँछोया बियी । थथ्ये
सकलें जानां मचातेस थःत सास्ति यावगु स्वया थःगु अतिहे योगु
मिलाचानं तछ्याना ब्यूगु, तुतां बाँछोया ब्यूगुलि सहाय मफया
भूमिसं ग्वारा तुला स्वया च्वन ।

हे मैत्रीय, थथ्ये स्वया च्वंहा खंसां अन स्वैकेंहे दया माया
धंगु मवो । थ्व काल पुरुष मचा ऊनहे स्वलः अथे स्वगु घीः
प्यघीः न्याघीः जास्येलि माँहा बर्णलक्ष्मीया अकस्मात छें हाछिका
वल । थथे जुस्येलि हाः जि पुत्र भिक्षा फोके छोयाहा आतकं
ल्यां मवनी । थ्व मचा जकं छूं जुलला, स्वयका जक तलला
थः पुत्र लुमंका हया २ सं पिहाँवना माः जुल । बल्लं छथाय्
खंकल । अथे खनेसात सकल मचातेसं बौबिया स्वयका तगु खना
हयासं २ हे ब्वाँ २ वना लहा ज्वना थना मचायागु स्वास्वया
धाल । हे पुता छ छाय स्वया च्वनागु । सुनां छन्त स्वयकल
धया मिखाय स्वबि हुयका न्यन । हे माता थम्हं धाथ्ये जि भिक्षा
फोना वया जिजक खनेवं इमिसं सकलें जाना जित सास्ती याना
स्वयकूगु धका थथे जुगु ख दवव कन । थुलि पुत्रं धागु खं न्यना
माँहा बर्णलक्ष्मी धाल । हाहा हे दैव, हे भगवान जित थुलिमछि
दुःख छाय सकसियां स्वयमेका च्वनेमागु । हे पुत्र थौं छन्त थुलि-
मछि मस्तेसं बिना अपराध मदयेक कष्ट याना सास्ति याका
च्वने माल । हाः हे भगवान थौं जित थुलि दुःख जुल । मेपित्त

सोइतहे थयोगु दुःख मज्जीमा । हे दैव जिपि थ्ये दुखिपि थ्व
संसारे सँहे मदयमा । थौं जि काय्यात सुनां २ स्वाकं दाल,
कुति न्याना सास्तियात थुपि २ फुकहे जि काय्या दाश जुया
च्यो जुया जि काय्या पालि ज्वंवे मालेमा । हे पुता ग्वायम्बा
बाछि शुक्ल पक्ष बाछि कृष्ण पक्ष खः धास्येलि थौं फिपि मजिल
धका सुनान थुलि हचपेयाका च्वने स्वाः । हे पुता वा स्वयमते
धका बुझेयाना अनं ब्वना हल । उख्ये वाणिज्य व्यपार यावम्ह
छं बुबा ता च्वनी मखुत याकनंहे लिहाँवै । हे पुता छं बुबां लुं,
ओ, हेरा, मोति आपालं ज्वना ओयी । उबले छन्त अनेक प्रकार
यागु तिसा दयेका बीः । हे पुत्र स्वयमते २ धका थथ्ये बोध
याना धया च्वन ।

हे मैत्रीय, लिपा छूं वर्ष बिते जुया ओस्येलि थुम्ह बर्ण-
लक्ष्मी निन्हुई छसाः जकहे नयासां छाँलाना नहे मनस्ये दुःख
सिया थुगु प्रकारं कष्ट नया थः पुत्रयात प्रतिपाल याना च्वन ।
थथ्ये व बर्णलक्ष्मीं दुःखसिया च्वंगु खना स्वय् मफया सुनां हे
मसोक गुप्तं वंथाय् वना छम्हेसिनं तीजक समाधान याना धाल ।
हे बर्णलक्ष्मी मय्जु छित उपकार ज्वोगु खं छगु ल्हाय धका वया
छि न्यना दिसं धका धागु खं न्यना बर्णलक्ष्मीं धाल । हे तताजु
मित हित ज्वोगु छुखं थ्ये धया दिसं धाल । व खं न्यना आपो-
छायाम्ह पासां धाल । हे बर्णलक्ष्मी न्यना दिसं, छित आमथे
दुःख जुगु छाय धाःसा छि काय् काल पुरुषया स्वभाबं खः मेतां
मखु छि सुख ज्वो योसा आम कालपुरुष यात तोता छोया ब्यू ।
छि जिथाय् च्वं कासं थ्व मचाया माया कया दीमते । जि धंगु

खँ न्यसा थ्वैत गनं तीर्थे छोयदसा असल ज्वीर्थे च्वं । हे बर्ण-
लक्ष्मी थथ्ये याःसातिनि छि काय्या पाप नाश जुया वनी । छित
नं सुख ज्वी धका थुलिधागु न्यना जवाप विल । छिसं धागु खँ
खजाखः । तर थ्व बालख यात गथेजि तोता छोयगु वं तीर्थ धंगु
हे अनथन धंगु सीमखु छुयागुले भिसा मभिसा न्ह्यागुहे जूसां थः
पुता गन छोयगु जि । धका थुलि धागु न्यना खजा खः छं धागु
हे बर्णलक्ष्मी जिमिगु निम्ति मखू । थःपिन्तहे भिनिगु ख धका
थथ्ये धाल । व खँ न्यना बर्णलक्ष्मी थःगु मन समाधान याना
धाल ।

अहो आश्चर्य थ्व संसारे सकलहे मृत्यु ज्वी मानि । जि
ह्लापा मृत्यु ज्वीला, काय् ह्लापा ज्वीला । निह्यहे मृत्यु ज्वी
मानि । थयोगु अनित्य संसारे कालं तरे यायत श्री परमेश्वर
त्रिरत्न यागु नांकया अनेक तीर्थ सेवा तपोव्रत आदि जप, तप,
ध्यान, दानधर्म इत्यादि यासा तिनि उगू पुण्ये पाप नाश ज्वी ।
पाप मदु स्येलि दुःख दंमखु सुखज्वी सुखयाना धर्म चित्त उत्पति
ज्वी, परउपकार यायगुली मनवनी, बोधिज्ञान धयागु लाना
तथागत पदबि लाना सदानं मृत्यु ज्वी म्वाला बोधिसत्व धायका
च्वने दयी धका मनेतया आश्वैत निश्चयनं माया तयां मजिल
धका मनेतया थ्व पुत्र यात याकनहे तीर्थ सेवा तपोव्रत याके
छोय धका धाल । हे पुत्र छं ह्योगः धर्मयाना मवगु कारणं याना
थथिगु अवस्था नयमाल । हे पुत्र छं ह्योगः धर्मयाना ओगु दुगु
जूसा थौं थयोगु अवस्था ज्वीका च्वने मालिमखु । धर्म यासा
छन्तहे जय ज्वी । थौं यासा कन्हेहे जय ज्वी । हे पुत्र धर्म धयागु

बालखं नस्ये न्यना स्यना यायमा । थौं छ न्यादया उमेर जुया
च्वन उव्ये छं याकनहे तीर्थ वना तपोव्रत याहुँ । अलेतिनि छंगु
पाप नाश जुया पुण्यया शरीर जुया दिव्य देह जुया सुख ज्वी ।
हे पुत्र छ याकनं उत्तरापंथ हिमालयया समीपस च्वंगु तीर्थ वना
तपोव्रत याहुँ धका थथ्ये माम्हं धागु खँ न्यना व काल पुरुषं
धाल । हे माता जि तीर्थ धंगु हे मस्यू गन वनेगु, गथ्ये च्वनेगु
धका धागु न्यना माम्हं धाल । हे पुत्र छं मस्यूसा लें वया च्वं पि
लोकजनपिके न्यना २ हुँ । इमिसं छन्त थनं २ हुँ धका लं वयना
छोयो धका वंत कोलाहिचा छपाः, तुतां छपू बिया थः पुत्रयात
बेला बिया तीर्थ सेवा याके छोल ।

हे मंत्रीय काय् नं तीर्थ सेवा याके छोया थःजक उम्ह पासा
यागु छे च्वंवन । उख्ये काल पुरुषं उत्तरापंथ दिशा स्वया ववं २
दुर भुवने थ्येका थःमानं धया हथ्ये लें न्यन्य २ वना उगू हिमा-
लयया सन्निधाने नेपाल मण्डल्य थ्येका श्री स्वयम्भू भगवानयात
नमस्कार याना अनं श्री गुह्येश्वरी खगानना देवीयात नमस्कार
याना हिमालयया दक्षिण भागे राजमंजरि बागमती सङ्गम जुया
च्वंगु राजतीर्थ धयागु थासे थ्येका उगू तीर्थयात नमस्कार याना
अनहे च्वना उगू तीर्थ नित्य २ हे स्नान याना पुनर्वार म्ये म्येपि
पुरुष पिनिनं स्नानया वगु स्वया बालुका चैत्य दयेका पंचोपचारं
पूजा याना थःम्हं सथ्ये जप, तप, ध्यान, तोत्र याना षडक्षरि
मन्त्र धारन याना उगू तीर्थ तपस्या याना च्वन ।

हे मंत्रीय, थुम्ह काल पुरुषं उगू तीर्थ लखे च्वना छु कल्पना
याना च्वन धाःसा हे तीर्थराज जित दुःख व्यूषि सकलयातनं

जिगु दासि यायफेमा हे भगवान धका थुलि कल्पना याना तपस्या याना चवन । हे मंत्रीय, थनया खँ थुलिहे ।

उख्ये बल सार्थवाह महाजनया वाणिज्य व्यापार यावंम्ह काल पुरुषया बी महाजनया जूसां समुद्रे पारया बले नाउचा फाता पुला थःम्ह ज्वनावको धन सम्पत्ति फुकहे नास जुया फुना हाहाकार म्हया अनेक प्रकारं दुःख कष्ट नया चवन ।

हे मंत्रीय, थुखे तीर्थे सेवा याना चवंम्ह काल पुरुषयागु प्रभावं याना बीम्ह कर्ण सार्थवाह महाजनया मदया वने धुंकुगु धन सम्पत्ति फुकहे भति २ याना थःत फायिदा जुया बल अर्थात् उगू व्यापार याके याना ह्री ह्री हे थःत लाभ जुया ववं २ क्रमस महाजनं सोगु बखते थःगु धन सम्पत्ति मालमामान दया चवंगु खना । पुनर्वार तीर्थे चवना तपस्या याना चवंम्ह काल पुरुषया शरीरे जूसां ह्लापा यागु शरीरथ्ये मखया फुक अङ्ग लक्षणहे ह्री ह्री हे शान्त जुया दिव्य देह जुया वया चवन । थवंगुहे पुण्यन बीम्ह कर्ण सार्थवाह महाजनया ह्लापाथ्ये जस्ता कि तस्ता जुया वया चवन । थुखे माम्ह वर्णलक्ष्मीयानं भति २ याना कथंहना नयगु त्वनेगु दया बल । उखे तीर्थे चवना तपस्या याना चवंम्ह सियानं थःगु शरीर ह्लापा स्वया फिदुगं बालाना वगु खना ह्लापा स्वयानं एकचित्तं तपस्या याना चवन ।

हे मंत्रीय, थय्ये व कालपुरुषं तपस्या याना चवंगु १२ वर्ष दया वनेधुंस्स्येलि उख्ये वाणिज्य व्यापार वना चवंम्ह बीम्ह बलधंम्ह कर्ण सार्थवाह महाजनयानं अनेक प्रकार यागु वस्तु धन दौलत माल ताल इत्यादि असंख्ये भरियातयेत कुवीका उगू थासं थःगु

छे स्वया प्रस्थान याना दया चवन । क्रमसित ववं २ थःगु छेया त्वाले थ्यन । थ्व महाजन थःगु छे वने धका स्वबले उगू छे दक्क हे मैदान जुया चवंगु खना थ्व स्वया थुम्ह महाजन आतां चवना स्वया चवन ।

हे मंत्रीय, पलख जायका थ्व महाजनं थःगु छेया जवं खवं च्वंपिके न्यना स्वत । हे दाजु किजापि थ्व जिगु छे गथे जुया मदान जूगु । हानं जि स्त्री गनवन । जि उलिमछि धन सम्पत्ति तथा थकागुदु व धन द्रव्य फुकं गन वन गथे जुल धका वखे फुकहे न्यना स्वत । थुलि खं न्यना जवाफ बिल । हे साह छिकिपि व्यापार वने धका पिहाँ काया छुं लिपा छि जाहानया गर्भ काल पुरुष छम्ह जन्म जुल । थ्व मचा जन्म जुया प्यन्हु खुनू अकस्मातं थ्व छेस उत्पात जुया सम्पूर्ण नाश जुया फुना वन धका घाल । वखे न्यना महाजनं घाल । हा हे दैव तचोतंहे विपति जुल धका नुगमटिका हे दाजु किजापि जि स्त्री दनिला कि मन्तले, दनिसा छिकिपिसे छक भचा सता बिया दिसं घाल । वखे न्यना जलखल पिस वना महाजननी नाप लाना व महाजनं धया हगु खं कना चित्त बुछे याना चवना हया उगू थासे थ्येका बिल । अनथ्येका थुम्ह वर्णलक्ष्मी जूसां थः स्वामीया चर्णकमले भोपुया थः स्वामी यागु स्वा स्वया बिति यात । हे प्रभू छिकिपिन्त कुशल आनन्द जूमखुला धका न्यना निम्ह स्त्री पुरुषया थि थिः कुशल वार्ता याना चवन । अथे वार्ता याय धुंका वर्णलक्ष्मी थः स्वामीयात थः चवना चवनागु थासे ज्वनायंका थःगु सम्पूर्ण खँ दुःख कना चवन । हानं प्यन्हु च्यान्हु दया वसेलि थुहा बल कर्ण सार्थवाहं थः स्त्री

नां सत्ता याता पेग्ने छे दनेगु सम्पूर्ण सार्दाम दयेका भिगू दिन स्वया छेया जग स्थापन यात । थुलि याता ह्यापाथेहे नतूँ दयेकल । उगू छेस ह्यापा थेहे धन सम्पत्तिनं दयेका आनन्द च्वना च्वन ।

हे मंत्रीय थथ्ये च्वच्वं २ वर्ष दिन बिते जुया वस्येलि व बल कर्ण सार्थवाह महाजनं थः स्त्री बर्णलक्ष्मीयात थथ्ये धाल । हे प्रिय बर्णलक्ष्मी कि पुत्र गन छोयाले छे बिचा याय म्वाला काय् मचा धयाम्ह तःधं छाय धाःसा माँ बी यात हित यायिम्ह उकिसं ज्येष्ठ पुत्र क्रिया याता जलदान, पिण्डदान यायिम्ह अथेया कारणे थुह्य पुत्रयात गन तोते ज्यू । हे स्त्री धका धया सत्ता यात । थ्व खं न्यना बर्णलक्ष्मी धाल । हे प्रभू स्वामी कि पुत्र यात जि उत्तरापथ धंगु हिमालय क्षेत्र उगू सन्निधाने च्वंगु तीर्थ वना तपस्या याहुँ धका छोया बिया धागु न्यना महाजनं धाल । हे स्त्री अथेसा छे छे माको विचा याता च्वं जि माला वे धका धया थथ्ये न्यन । हे स्त्री कि पुत्रया वर्ण गथेच्वंले अनुहार गयोगुले वर्ष गुलिदत । नां छु धका न्यसेलि बर्णलक्ष्मी थः स्वामी यात धाल । हे स्वामी थः पुत्र गथ्ये च्वं ह्य धाःसा हाकुस्ये च्वंगु ख्याम्ह, छ्यो तःग्वम्ह, कपा औछि वलाम्ह, न्ह्यापं कि सियाथ्ये च्वंम्ह, मिखा गुलि २ च्वसे टां वम्ह, न्हाय पयाफम्ह, म्हुतुसि स्वातुसे तबलाम्ह, मिखा फुसि तिरवाम्ह, म्ये हाकुम्ह, वा तपुम्ह, गप पतिहाक बाहा तःधंम्ह, ल्हा पतिहाकम्ह, नुगपाः छःतीम्ह, प्वा तःग्वम्ह, तेफुचा ताहाकम्ह, चिमिस सियूम्ह लिङ्ग ताहाकम्ह थयागु अलक्षणं संयुक्त जुया च्वंम्ह पुत्र जुगुया कारणं वैंत

सकसिननं कालपुरुष धका नां छुना तल । हे प्रभू न्यादें दुबले तीर्थ वास छोयागु थौकने किनिदें ति दत । आःवंगु वर्ष किन्हेदें ति दतज्वी हे प्रभू । धका धागु खं न्यना व महाजनं थः पुत्र यात माः वने धका छेन प्रस्थान याता पिहाँवल ।

हे मंत्रीय, थथ्ये पिहाँ वया माः जुजुं २ वचं २ हिमालयया सन्निधाने नेपाल मण्डय थ्येका श्री ज्योतिरूप स्वयम्भू नमस्कार याता थथ्ये प्रार्थना याता विन्ति यात । हे परमेश्वर जि पुत्रयागु खबर याकन दयेमा धका नमस्कार याता वया नेपाल मण्डलय सकभन माला जुल । हानं तीर्थ, स्वंगाः, पुखु न्यंवनहे चाहिला माःगु बखते वहे राजमंजरि व बागमती मिले जुया च्वंगु राजतीर्थ धंगु थासे थ्यन । अनथ्यका स्वगु बखते वहे महाजनया पुत्रं बरो एकचित्त याता ह्यो स्वक मोल्हुया बालुकायागु काय दयेका पंचो-पचारं पूजा याता जप, तप, ध्यान याता मिखा तिसिना षडक्षरि जप याता च्वंम्हे सित स्वया मने ल्वीका धाल । अहो आश्चर्य थुलिमछि तीर्थ चाहिला मालानं थुलि बाँलाम्ह तपस्वी पुरुष जि मखना । थ्व जकं जि पुत्र खला, थ्वैकेजा जिगु अङ्ग लक्षण भति २ दु । जि स्त्रीनं धाःसा विरूपम्ह अलक्षणम्ह धाल । थ्व पुरुष याकेला श्री सूर्य याकेथ्ये पूर्ण लक्षणं युक्तगु शरीर जुया च्वंगु दु । अङ्ग लक्षण धाःसा जिगु अंश थ्व तपस्वी याके दु । अवश्यहे जि पुत्र थ्वहे ज्वी । जि स्त्रीनं धया हसां मज्यू । धर्म शरीर व पाप शरीर धर्म थ्वैत लक्षण संयुक्त जुया दिव्य देह जुल ज्वी धका मने तया थथ्ये न्यना स्वत ।

हे तप धारि छि कि पि सुथ्ये, थःगु छे गन, छिगु नां छु,

जात छु धका थथ्ये न्यन । हानं थःपिनि मां बौया नां छु, छाया तपोव्रत यातागु थव खं छक जित कना दिसं धागु खं न्यना तपस्वीनं धाल । हे महापुरुष छि सुले । थन छाया कायागु । जि जूसां छम्ह तपस्वी खः । जिगु छें गनले, नां छु, जात छु धका न्यंगु जवाफ न्यना महाजनं धाल । हे तपस्वी न्यना दिसं जिगु छे पांचाल देशया पिने वन्धुमति धंगु नगरे । जिगु नां ख बल धयाम्ह कर्ण सार्थवाह महाजन हानं जि स्त्री वर्णलक्ष्मी धम्ह । हे तपस्वी जि वाणिज्य व्यापार यावना चरना बले जि स्त्रीया पुत्र जन्म जुल थव पुत्र तीर्थ बास यावन धागु न्यना थौं जि व पुत्र माले धका थुगु स्थाने वया चवना धका धागु खं न्यना तीर्थ बासि तपस्वीन धाल ।

हेतात, हे पुरुष आम छिस्यें धागु खं या अनुसारं स्वेबले जि जन्म जुयागु थाय् यागु नां त्वलया नां न जुल । हानं जातनं मिले जुल । निश्चयनं जि छिकिपि माँबौ हे जुल धका तत्कारन दना वया व तपस्वीनं बिन्ति यात । हे महापुरुष जि पिता धम्हहे म्हमस्यू । जित मचांनिस्यें तीर्थबास छोया हयातगु थौं जिगु भाग्यें तीर्थ सेवाया पुण्यें जित तःधंगु माँबौयागु खबर न्यने दत । थौं जि पिता छिहे जुल धका व तपस्वीनं नमस्कार याता चरन कमले भोपुया चवन ।

थुगु बखते व महाजनं धाल । हे पुत्र भाग्यमानी ज्वीमा धन्य २ छ खः अजागु अलक्षण शरीर नाश याता भिगु शरीर ज्वोके धूंकल धन्य २ हे तपस्वी, हे पुत्र आः आम तपोव्रत यायगु गात को थ गु छें याकनहे वनेनू धका धागु खं न्यना तपस्वी पुत्रं

धाल । हे पिता छिसं धागु खं थिक जू तर जि आः थथ्यें वय् मज्जूनी छाया धाःसा थुम्ह तीर्थराज याके प्रार्थना याय मानी, बिदा काय मानी हे पिता अथेया कारणे पलख बिस्तार याता बिज्याहुँ धका धाल ।

हे मैत्राय, अनंलि व तपस्वी नं पंचोपचारं सहित याता तीर्थराज यात पूजा भाव याता प्रार्थना यात । हे भदन्त, हे तीर्थराज छल्पोलया दयानं थौं जि पाप शान्त जुया दिव्य देह जुल । हे परमेश्वर छल्पोलं सदानं जित रक्षा याता बिज्याहुँ । जिगु देशे जि तःधम्ह पुरुष ज्वीका बिज्याय माल धका थुलि वर्दान फोना बिन्ति याता धया चवन । जि बुबां जित छें वयना यंके धका धया दिल थुगु कारण जि छल्पोल याके बिदा फोना चवना । हे परमेश्वर तीर्थराज धका मावव खं लहाना बिदा कया थःगु छें वने धका बीम्हनं काय्म्हनं निम्हंहे अनं प्रस्थान जुया बल । थः बौनं थः पुत्र यात न्हयाने तया थः लीउने चवना थुगु प्रकारं नं क्रमसित थःगु देशेया समीपे थयंक बल धका श्री शाक्यमुनि मैत्रीष बोधिसत्थ यात आज्ञा दयेका बिज्याना चवन ।

अनंलि बौ काय् निम्हं ववं २ थःगु त्वाले थेसेलि उगू त्वाले च्वंपि सकल वया स्वबल, सकसिनं थथे धाल । धन्य २ बीर धयाम्ह महाजन थव खः । थः मदु बले जन्म जुम्ह पुत्रयात म्हसिका ववना हल धका हाला चवन । गुलिसिनं धालकी व महाजनया काय्हे खला मखुला, मखुथ्यें च्वं स्वस्व थवया काय्ला थुलि गन बाँला धका थवला सकल लक्षणं पुरेजुया अति सुन्दर जुया च्वंम्ह धका हाला चवन । गुलिसिनं धालकि हे पासापि

ह्लापा श्व तसकंहे अलक्षण जुया बाँमलाना सकसिन कालपुरुष
धका नां छुना तम्ह उजोम्हेसित माम्हेसिन तोर्थे छोया तपस्या
याके छोगुलि उगू पुण्यनं थौं पाप नाश जुया दिव्य शरीर ज्वीका
वे फुह्य धन्य २ बालखँ निरये थुलि पराक्रम वयने फुह्य बीर खः
धका धया चवन ।

हे मैत्रीय कारण छाय् धाःसा ह्लापा श्व अघोर रूप जुया
चवंबहे त्वा त्वाले चाहिला अन्न फोना सकल मस्तेसं थःत दाय्का
लाय बुयका खिचा तेस लितु लिका हाहुः याका त्वाः २ पतिकंहे
स्वया ज्वीह्य, अपराधी ज्वी धूंकुह्य धका हाला सकसिननं व
महाजनपिन्त मिखाहे लिमकासे स्वया चवन । उजोगु बखते माँहा
बर्णलक्ष्मीया जक जिकाय् वल धयागु खबर न्यने सात बरो हषं
याना हथा चाचां स्ववल । थथ्ये थः पुत्रयागु खवा खने सात
अत्यन्त मनयात उत्साह बन्हे याना तत्कारण बना भिगु लः
कयाहया तुति चायका थःगु छेँ लुखास पूर्ण धःत तथा गुरु
पुरोहितं शुमङ्गल बाक्य व्वंका सगन सिन्दुर स्वाँ आदि तथा सगं
बिया थःगु छेँस दुकाल । थुगु समय बर्णलक्ष्मी थः स्वामीयागु
चरण कमले भोपुया पुत्र काय्यागु नं ख्या स्वया धाल । हे पुत्र
छेँ कुशल जू मखुला । धन्य २ छगु तपस्यां अघोर रूप तोता
दिव्य शरीर धारण याना वल हे पुत्र धका थथ्ये बिचा याना
धाल । श्व खँ न्यना काय्म्हेसिनं लहा जोरेयाना माँया चरण
कमले भोपुया थथ्ये बिन्ति यात । हे माता थौं छल्पोलया कृपां जि
दिव्य शरीर धारणयाना वेदत धका स्वम्हेसियां थिःथिः खँ लहाना
अनेक प्रकारं मंगल याना ह्लापायाथेहे नतूहे इष्ट मित्रादि दास

दासिगणपि दयका आनन्दं चवना चवंन ।

हे मैत्रीय, थथ्ये चवचवं २ न्याला खुला दस्येलि पुनर्वार
श्व महाजन पुत्रं जूसां सम्पूर्ण सामाग्री दयेका उवना विधि थ्ये
स्नान याना उगूहे तीर्थे बना बालुका चैत्य दयेका पंचोपचारं
पूजा याना अर्घ बिया अनेक प्रकारयागु छत्र ध्वज व्वयका पताक
छाया सदांथ्ये जप, तप, ध्यान, स्त्रोत याना प्रार्थना याना बिन्ति
याना चवन । हे परमेश्वरी तीर्थराज जिगु पूजा कया छल्पोल
सन्तुष्ट जुया बिज्यायमाः । जित उगू देशया राज्य अधिपति
यायगु प्रसन्न जुया बिज्याहुँ । हे परमेश्वर धका थथ्ये प्रार्थना
याना सम्पूर्ण पूजा याय सिधेका तीर्थराजयात नमस्कार याना
थःगु छेँ लिहाँ वया आनन्दं चवना चवंन ।

हे मैत्रीय, थथ्ये चवं चवं २ प्यन्हु च्यान्हु दस्येलि उगू देशया
राजा अकम्मातं मृत्यु जुल । थथ्ये मृत्यु जुया क्रम थ्ये मन्त्री,
अमात्य, महाजनपिसं उह्य महाराजयात अग्नि संस्कार दशक्रिया
आदि याना सिधेका सकसिननं मन समाधान याना धाल । हे
अमात्य महाजन गणपि सकल भार्दार गणपि न्यना दिसं । आः
श्व जिगु देशे राजा मदया बने धूंकल, राजा मदयेकं धाःसा श्व
देशया शोभा दैमखु अथेया कारणे आःछुयाय्गु धका थथ्ये सकलें
मुना सल्ला साहुति याना निर्णय ज्वीका राजा मदयेकं जिगु देश
भिनिमखु धका निर्णय याना अनेक प्रकारयागु सामाग्री दयेका
गुरु पुरोहितपिसं विधि विधान थ्ये कर्मकाण्ड याका भिगु बेलास
हस्तिरत्न यात पूजा याना सुवर्णया अमृतघट बिया हस्तिरत्न
यात तोता राजा यायह्य मायके छोट । श्व स्वया अन देशयापि

सकल काजि भार्दारि गणपि सकलें वया राजा उबीगु इच्छा याता फयांफको बाँ बाँलाका रत्न यागु मालाँ कोखया अत्यन्त नस्वा २ वगु अतर आदि चिकन बुया राजा उबीगु इच्छां उह्य किसिया ज.खः नाप जुया च्वन । अयोगु बखते गुह्य तपस्वी महाजनया पुत्र जूसां छथाय् च्वना सुमक च्वना च्वच्चं २ घौं प्यघौ न्याघौ जासेलि दैब सयोगं तपस्या याता वगुया पुण्यं तीर्थ सेवा यागु प्रभावं उह्य हस्तिराज वना व महाजनया पुत्र यात थःह्य कुबिया वगु अमृत घःले च्वगु लःखं म्हे लुना स्वाँ मालं कोखायका प्रदक्षिणा याता थःगु स्वथं बुया वत थःगु म्हेतया च्वना यंका उगू राज गृहे दुत यंका सिहासने बिज्याकल ।

थ्व स्वया अन राजदरवारेयापि मन्त्री, काजि, भार्दारि, अमात्यजन, पुरोहितपिसं विधि विधान थ्ये यज्ञकर्म आदि याता अनेक शुमंगल याता भिगू बेलास राज्याभिषेक बिया सुरुपनाम राजा जुल धका नां प्रख्यात याता सकसिननं नमस्कार याता च्वन । म्ये म्येपि सैन्य सिपाहि गणपिसनं नमस्कारयाका उगू बखते मेमेगु थासे यापिसनं सीका आपालंहे वया अनेक प्रकार नृत्य गीत बाद्य नाना पुष्पमालादि सिन्दूर ताय आख्येन पूजा याता नमस्कार याता च्वन ।

पुनर्बार । उह्य हस्तिरत्न किसियात अनेक प्रकार यागु आभरणं तिका सुवर्ण यागु घंगलि न्ह्याका अनेक प्रकारं श्रृङ्गार याता थुह्य हस्तिरत्न यागु म्हे व सुरुपराजा बिज्याका छत्रंक्वीका नरध्वज, सिंहध्वज, वृषध्वज, गरुडध्वज आदि अष्टमंगल न्ह्यो २ तथा सकल मन्त्री, काजि, भार्दारि, अमात्य, साहू महाजन अन्य

सकल लोकजनपि फुकं ल्यू ल्यू तथा नाच गान याका थुगु प्रकारं देशे जात्रा याता चाहिका उगु राजगृहेनतूं द्वाहाँ बिज्याना आनन्द च्वना बिज्याकल । थुगु प्रकारं तपस्या याता वगु पुण्यनं सुरुप राजा धायका उगु देशे राज्य चलेयाना न्याय निति धर्म प्रजागणपिन्त प्रतिपाल याता बरो आनन्दं राज्यभोग चलेयाना च्वन ।

हे मन्त्रीय, अथे च्वच्चं २ गुलिछौं काल बिते जुया वस्येलि छन्हुया दिने थुह्य राजां जूसां सकल लोकजन प्रजागणपि मूँका इमिगु न्ह्योने थुगु प्रकारं आज्ञा दयेका बिज्यात । हे प्रजालोक गणपि थनवा जिगु खं छकन्यो मेता कारण मखु । छाय धाःसा ह्लापा जि दरिद्र जूबले छिमिसं जित दुःख बिया संगु दुःखला जि लुमं, थ्वं दाल, थ्वं बोबिल, थ्वं जित केकल, थुम्हेसिनं धवसानकल, थुम्हेसिनं जिगू मिलाचा तछ्याना बिल धका जिके फुकहे लुमंनि छिमिके याद दुला । थुगु प्रकारं छिमिसं जित आपाहे दुःख बिया सास्ति यात खला हे प्रजालोकपि थौं जि थथ्ये धाल धका छिपि ग्यायमते । उबले २ थ्ये यथ्य धायमज्यू । यथ्य यामज्यू । आःनं छिमिसं ह्लापाथ्ये यथ्य धाय, यथ्ययाय धका मिचेयाना सनेमते । हे प्रजालोक गणपि छिकिपनि राजा जि जुल खलाः धका धया बोधयात । थुलि सुरुप महाराजं बोधयागु आज्ञा न्यना सकल प्रजालोक पिसं थुगु प्रकार बित्ति यात । हे महाराज जिमित क्षमा याता बिज्याहुँ । हे प्रभू ह्लापा जिमित अपराध यातागु क्षमा याता प्रतिपाल याता बिज्याहुँ धका थथ्ये लोकजनपिसे थागु खं न्यना थुह्य सुरुप महाराजं सकल लोकजन पित्त भरोसा बिया सदानं श्री त्रिरत्न यागु सेवा याका व्रत मध्ये तःधगु

उपोषध व्रतयाका सकल प्रजालोकपिन्त धर्म प्रतिपाल याना
चतुर्दिगस राज्ये खयका पापिष्ट नाश याना साधुजनयात रक्षा
याना थः माँ बौपिं सकलें नं सुखं चवना राज्य चलेयाना चवन ।

हे मैत्रीय धका श्री शाक्य सिंह भगवानं मैत्रीय बोधिसत्व
यात आज्ञा दयेका बिज्यात धका कुकुटाराम महाबिहारे
बिज्याकहा उपगुप्त भिक्षुं अशोक महाराज आदि आपालं भिक्षु-
गणपिं न्ह्योने थुगु प्रकारं आज्ञा दयेका बिज्यात ।

इति श्री स्वयम्भू पुराणे श्री राजतीर्थ महात्म्य काल पुरुष
उद्धार चतुर्थ अध्याय सम्पूर्ण समाप्त ॥ ॥



मनोरथ तीर्थ

ॐ नमो रत्न त्रयायः ॥ ॥ पुनर्वार श्री शाक्य सिंह
भगवानं मैत्रीय बोधिसत्वयागु खा स्वया थुगु प्रकारं आज्ञा
दयेका बिज्यात ।

हे मैत्रीय, आः हानं मनोरथ तीर्थयागु महात्म्य कने त्यना
छं न्यो । हिमालय यागु सन्निधाने केशावती, बिमलावती संगम
जुया चवंगु मनोरथ तीर्थ धयागु छगूदु । थुगु तीर्थे बास याना
चवंगु कुलिक धयागु नागराजां बास याना चवंगु दु । थव नाग-
राजाया वर्ण गयोगु धाःसा छिरिबिरि रंग जुया पंचरंगी सहित
वर्ण जुया ग्यानपुस्ये चवंगु रुप धारण याना फनापतिकं रत्नया
तिसां तिया अत्यन्त जाज्वल्यमानं तेज प्रकाश जुया शोभायमान
जुया चवंगु थयोःभू नागराजा बास याना चवंगु उगु तीर्थयागु
मेला गुबले धाःसा मार्ग शुक्ल पञ्चमी धनु संक्रान्ति शनिश्चर-
बार थुलि योग चूलाइ बले अनया मेला लगेज्वा । थयोःगु
प्रख्यातगु दिने सुनां २ उगु तीर्थे वना स्नान यायो नोछको यंकहे
मोल्हयो जप, तप, ध्यान यायो देवतायात अर्घतनी, दानधर्म यायो
थुजोपि मनुष्य गणपिनि निश्चयनं थः थःगु मनोरथ पूर्ण ज्वीका
चवने दयो । हे मैत्रीय धका श्री भगवानं आज्ञा दयेका बिज्यात ।

थथ्ये आज्ञा जुगु न्यना बिन्ति यान । हे भगवान शास्ता
थुगु तीर्थे स्नान याना सुसु उद्धार जुया वनले हे भगवान छल्पोलं

सकल लोकजनपिन्त मन बोध ज्वीक आज्ञा दयेका विज्याहुँ धका थथ्ये विन्ति यात । थुलि विन्ति यागु खँ यना श्री भगवान आज्ञा दयेका विज्यात ।

हे मंत्रीय पुरा पुर्व काले ह्लापा २ पांचाल देशया राजा छम्ह दया च्वन थ्व राजा गयोम्ह धाःसा बरो पराक्रम सेजवान जुया च्वम्ह थयोम्ह राजाया ह्ली ह्ली हे जूसां सिकार म्हिता अनेक प्रकारयापि मृग, पंछि आदि वन जन्तुपिन्त प्रहार याना स्याना ह्ली ह्ली हे मांस(ला)मदयेकंअन्न आदि भोजनमया । थुगु प्रकारं परया जीव स्याना ह्मिता जुं २ कालान्तरे छन्हुया दिने अकस्मात् रोगं कया कालया वशेलाना तःधंगुहे वेदना कष्ट नया मृत्यु जुल ।

हे मंत्रीय, थ्व राजा आपालं हे वनजन्तु तय्त स्याना वंगुया फलं थ्व राजायात पशुयोनि चला जुया जन्म कावन । छन्हुया दिने तःधिकजुल वन क्रिदा या वने सल । यथ्ये व चला ह्ण्ट पुण्ट जुया वन आदि अनेक पर्वते म्हिता फलमूल नया शितलगु थासे विश्राम याना च्वंबले अकस्मात् वहे वनेनतूँहे लुब्धक नां जुया च्वम्ह व्याधा छम्ह दया बने मृग आदि पशुपट्टि पिन्त थ गु बाणं कय्कू २ प्रहार याना ववं २ व सुन्दरी जुया च्वम्ह चला यात खंका बाणं कय्का छोट । थुगु कय्कुगु बाण व चलायात लाना दिश्युं वना च्वन । नापं २ व लुब्धक व्याधान लिना यंकाहे च्वना च्वन । उगु बखते व चलाया मनं घालकि छ व्याधां जित स्यायीगुहे जुल । थौं छंगु त्हाति छाय सीगु । सीहें मासा हूँ तःधंगु तीर्थे वना सीः धका विश्युं ववं उगु तीर्थे थ्येका

व तीर्थयागु लंख छक त्वना तीर्थराज याके प्रार्थना याना धाल । हे तीर्थराज थ्व व्याधां विनाश कारणे जित प्राणान्तक ज्वीक स्यायत्यन । थ्वथ्येतुं लिपाया जन्मे थ्व व्याधायातनं बाणं प्रहार याना स्याय् फेक प्रशन्न जुया विज्याहुँ हे परमेश्वर थुलि जिगु मनोरथ पूर्ण याना व्यू धका प्रार्थना याना उगु तीर्थे च्वना प्राण तोता मृत्यु जुया वन ।

हे मंत्रीय, व चलाया शरीर उगु तीर्थे चुयिका यंका छुं लिपा व चला उगु हे वने बराहया योनि जन्म कावन ।

हे मंत्रीय उम्ह व्याधानं लिपा मृत्यु जुया उगुहे वने व्याघ्र यागु योनी जन्म जूवन । थथ्ये थुपि निम्हंहे सिना उगु बने जन्म जुया निम्हंहे तःधिक जुया हाकनंहे वहे वनेनतूँ छन्हुया दिने थुपि निम्हंहे नाप लाना निम्हेसिया ववंत २ परस्पर द्वेषभावतया त्वात । अथे तस्सकंहे त्वाल्वां २ थःगु बल दक्वहे पिकया निम्हे सियां तच्चतंहे जुद्ध म्हिता च्वन । अथे म्हितूँ २ स्वन्हु स्वचा दया वनेधूंकल अध्यन त्याः बू सीमदुनी । अथ्य जुया थुपि निम्हे सियां बल हिन जुया थकावि लगे जुया वया च्वन । हानं थुपि निम्हे सियां बल पिकया त्वात गजागु प्रकारं धाःसा (व्याघ्र) धूँ फक्व बन्हेलयात हुँकार शब्दं हाला न्याना स्यायत सनी । (बराह) बन्हेलं फक्व बन्हेल हुँकार शब्दं हाला थःगु त्वाथंदाया, प्रहार याना स्यायत सनिगु । अथे थुपि निम्हेसिया परस्पर त्वाना निम्हेसियां चोत परे ज्वीका कष्ट नया आःथो जिगु प्राण त्याग याना तोते धका उगु वनं पिने वया त्वा बल । त्वाल्वां २

व्याघ्रं बन्हेलयात तच्चतं प्रहारधाना व्युगुलि मरनान्तक जुया मने
त्वोिकल हा हा छंगू ल्हातिजा छायासी सीहेमाःसा गुगु त धंगु तीर्थ
स्थाने वना सी धका उगु मनोरथ तीर्थ थ्येक वल । अन थ्यका
तीर्थराज साछि तथा उगु तीर्थया लंख त्वना मृत्यु जुल ।

हे मैत्रीय, व्याघ्र धुंया नं व बराहं त्वाथं दाया प्रहार
यागुलि कष्ट जुया सहाय मफया तत्कारण हे उगु स्थाने थ्येक
वया वहे तीर्थ लंख छको त्वना मृत्यु जुल । थ्ये निम्हेसिया
थिः थोः त्वाना थुपि निम्हेसियांनहे थः थःगु मनोबांछ्या पूर्ण
ज्वीका प्राण त्याग जाना स्वर्गबास लाना तीर्थिक देवपुत्र धायका
चवने दत ।

हे मैत्रीय, थयोगु प्रकारं थुपि निम्हेसियां तःधंगु पदवि
लागु स्वर्ग स्वर्गया देवराज इन्द्रं इपि निम्हंहे सःता इमिगु
न्ह्योने थथ्ये आज्ञा दयेका बिज्यात । हे तीर्थिक देवपुत्र छिमिस
छु धर्म यांना वयागु पुण्यनं थन स्वर्ग जन्म कादयागु धका न्यन ।
थ्व खं न्यना देवपुत्रपिसनं बिन्ति यात । हे देवेन्द्र पूर्व जन्मे जिपि
निम्हंहे थिः थो हे वैरिभावं शत्रु जुया तच्चतंहे त्वापु जुल ।
अथे त्वापु जुजूं २ छन्हया दिने जिपि निम्हंहे तःधंगु मनोरथ तीर्थ
वया मृत्यु जुया वना । थुकेयागु पुण्येगां प्रभावं जिपि निम्हंहे थन
जन्म कावया धका धल । थ्व खं न्यना देवराज इन्द्रं आज्ञा
दयेका बिज्यात ।

अहोः मर्त्य मण्डलय् नेपाल धयागु स्थाने गयोगु सत्य दुगु
तीर्थ स्थल दु । स्वस्वः आः जि छकनं उगु तीर्थ वना प्रशंसा
यांना स्वेः धका मने तथा थुम्ह देवराज इन्द्र उगु स्वर्ग भुवनं

ववहाँवया मर्त्य मण्डल धंगु नेपाल मण्डलय् च्वंगु मनोरथ तीर्थ धंगु
स्थाने थ्येक वल । अन थ्यने सात देवराज इन्द्र व केशावती,
बिमलावती संगम जुया वया च्वंगु तीर्थ खना उगु तीर्थ च्वना
स्नान यांना जप, तप, ध्यान, पाठ, स्तोत्र पूजा आदि यांना
अत्यन्त वासना वगु पारीजात स्वाँ, अनेक बास वगु फलमूल
आदि छाया च्वहे यांना थुगु प्रकारं पूजा यांना च्वन ।

अयोगु अवसरे नित्य २ हे उगु तीर्थ च्वना स्नान यांना
च्वना च्वंहा स्त्रीजन छहा न दया च्वंगु जुया च्वन । थुहा स्त्री
जनया मनस छु कामना यांना च्वन धालसा स्वर्ग भुवनया देव-
राज इन्द्र पुरुष लाय दयेमा धका कल्पना यांना च्वना च्वंहा
थ्व मिसां छन्हया दिनेस उहा देवराज ईन्द्रयात खंकल ।
थथे खने सात हा हा धन्य २ जिगु भाग्य थ्व तीर्थराजया सत्य
धया थौं जिगु मनोरथ पूर्ण ज्वीनं धका धया थः च्वना च्वनागु
थासं दना वना ईन्द्र यात नाप लाना छूं प्रेम प्रितिया खं ल्हाना
थःके च्वंगु बिद्यां उम्हं ईन्द्रयागु वस्त्रे मोहनी तथा बिल ।

थुगु बखते व देवराज ईन्द्रया व स्त्रीयाके मन वन । वंगु
न्ह्योने वया थुगु प्रकारं धाल । हे केहें मय्जु छंगु छें गन, छंगु
छें छक जित चछि बाश ब्युरे धका धया मुसुहुन हिला कोमल
बचनं हाला च्वन । थुलि ईन्द्रया बचन न्यना थुम्ह मिसांनं
केल्येहें मिखाकना कामबाणं कय्का देवराज ईन्द्रयागु न्ह्योने
धाल । हे महापुरुष जिगु छें थनहे नतूं खः बिज्याहुं नुधका
धया थुम्ह ईन्द्र यात थःगु छें बोना यंका छगु आशने तथा व
मिसां अनेक प्रकार यागु नकेगु सामाग्री हया न्ह्योने तथा भोजन

याकल । व भोजन यास्ये नस्ये देवराज ईन्द्र यात कनहे व मिसा
यागु मोहनी लगे जुया व मिसा नाप कामरसे भुले जुया
चवन ।

अथे चव चवं २ छन्हया दिने ईन्द्रया न्हचलं चाम्हथ्ये
कसंग वना लुमना बल । हा हा धिक्कार जि गुजोगु थासे लात ।
गनं वयागु जुल । हे स्त्री जि जूसां स्वर्गया राजा, देवाताया राजा
ईन्द्र धयाहा, छ जुल मनुष्य, जि जुल देवता । आः गथेयागु थ्व
खँ देवलोकपिस सिल धायवं जित गुलि हेला याना हायकी ।
आःछुयागु, जि थन चवने मजिल, जि स्वर्गे हे वने त्यन धका
धाल । थ्व खँ न्यना व सुन्दरी स्त्रीनं बिन्ति याना धाल । हे प्रभू
महाराज ईन्द्र धन्य २ जिगु भाग्ये छपिथ्येजाम्ह स्वामी पुरुष लाय
धुन । हे प्रभू थौं छपिसं जित उद्धार याना बिज्याहुं धका थुम्ह
सुन्दरी स्त्रीनं ईन्द्रयागु चरण कमले भोपुया बिन्ति याना चवन ।
थथ्ये व सुन्दरी स्त्रीनं बिन्तियाना धागु खँ न्यना वैगु खा स्वा
भरोसा बिया थुगु प्रकारं वैंत वरदान बिया धाल । हे स्त्री छ
धन्दा काय्स्वा । आःयात छ थन थुगुहे तीर्थे चवना श्री त्रिरत्न
यागु भजन याना, पूजा भाव याना चवं लिपा छ ईन्द्रायणी देवी
जुया सिद्ध ज्वी । छंगु नां सकल लोकजनपिसं मनमाजु धकान
प्रख्यात ज्वीतिनी । हे स्त्री धका थथे वरदान बिया थुम्ह देवराज
ईन्द्र थःगु स्थाने स्वर्ग भुवनेस नतू थाहाँ बिज्यात ।

हे मैत्रीय, उखुनु निस्ये ईन्द्रया शक्ति जुया मनमाजु धायका
नामं प्रख्यात ज्वीका (जुया) थौंया अद्य पितकहे स्थीर जुया
चवन ।

हे मैत्रीय, थःजाम्ह मनमाजुयात गुम्ह मनुष्यपिस्ये सेवा
याना पूजाभाव यायी, जप, तप, ध्यान यायी यजो २ पि मनुष्य
पिन्त मनोरथ पूर्ण ज्वीका चवने दयी । हाकनं थुगु केशवती व
बिमलावती सङ्गम जुया चवंगु मनोरथ तीर्थे सेवा यायी स्नान,
दान आदि धर्म यावयी अजो अजोपि मनुष्यगणपिन्त थः थःगु
मनोरथ कल्पना पूर्ण जुया निश्चयनं सिद्धि फल प्राप्त ज्वी धका
श्री शाक्यमुनि भगवानं मैत्रीय बोधिसत्व आदि सकल सभालोक
पिन्त थुगु प्रकारं आज्ञा दयेका बिज्याना चवना चवन ॥ ॥

इति श्री स्वयम्भू पुराणे मनोरथ तीर्थ महात्म्य व्याघ्र
वराह उद्धार स्वर्ग प्राप्ति पञ्चमो अध्याय समाप्त ॥ ॥



निर्मल तीर्थ

ॐ नमो रत्न त्रययाः ॥ ॥ श्री शाक्यमुनि भगवानं
मंत्रीय बोधिसत्व आदि सकल सभालोक विनिगु रवा स्वया
आज्ञा दयेका बिज्यात ।

हे मंत्रीय, छं एकचित्त याना न्यो । गुगु मनोरथ तीर्थयागु
महात्म्य न्यनेहे धुंकल । आः निर्मल तीर्थयागु महात्म्य कनेत्यना ।
थ्व खं गथ्ये धाःसा नेपालया पश्चिम भागे श्रीस्वयम्भू बिज्याना
च्वंगु खोपूच्छ पर्वतया सन्निधाते केशावती व कुशुमावती सङ्गम
जुया च्वंगु निर्मल तीर्थ धयागु तःधंगु तीर्थ छगु दु । उगु तीर्थ
या बासिन्दा नागाधिपति जुया च्वंम्ह नागराजाया ना खः ।
उपलाल धयाम्ह थ्व नाग अत्यन्त हे स्वभायमान ज्वीक फणि-
पतिकहे मणि माणिक यागु तिसां तिया अति तेज प्रकाश याना
च्वंम्ह ह्यासू वर्णम्ह थथिम्ह नागराजां बास याना च्वना च्वंगु
थुजोगु तीर्थ गुम्ह मनुष्य गणपिस्स्ये जूसां थुगु तीर्थे छक जक बाः
२१ नोछकोयंकनं हे स्नान यावनी, दान धर्म आदि याना जप,
तप, ध्यान यायी देवता पित्त अघंतनी, पितृपित्त तर्पण यायी
थयो थयोपि मनुष्य गणपित्त जूसां निश्चयन तःधंगु अष्ट सिद्धि
फल लाना दक्क पाप नाश जुया पुण्यात्मा जुया निर्मल शरीर
ज्वीका च्वने दयी ।

हे मंत्रीय, हानं अनया पर्वकाल मेला गुबले धाःसा पौष

(७६)

शुक्लया षष्ठमी मकर संक्रान्ति आदिन्यवार थुनि योग चूनावं
बने अनया मेला लगे ज्वीगु जुया च्वन । हानं ह्यापा थुगु तार्थ
तपोव्रत याना सुमु उद्धार जुया वन थ्व खं थथे खः छं न्यो ।
ह्यापा पांचाल देशया ह्य अपजश पण्डित छ्ह्य जश दयेका अष्ट
सिद्धि लाना उद्धार जुया वगु दु धका श्री शाक्य सिंह भगवानं
आज्ञा दयेका बिज्यात ।

थथ्ये आज्ञा दयेका बिज्यागु खं न्यना मंत्रीय बोधिसत्त्व
थथे बिन्ति यान । हे भवन्त, हे गुरु, हे शास्ता, हे सर्वज्ञ थुगु
तीर्थे तपस्या याना उद्धार जुया वगु पण्डित यागु नां छुने ।
थुनिया महात्म्य गथे खः हे भगवान धका थथ्ये बिन्ति याना
घागु खं न्यना श्री शाक्य सिंह भगवान मंत्रीय बोधिसत्त्वयागु
स्वा स्वया थुगु प्रकारं आज्ञा दयेका बिज्यात ।

हे मंत्रीय, थ्व खं गथ्ये धाःसा पांचाल देशया छ्ह्य बज्र-
पाद धयाह्य पण्डित छ्ह्य दया च्वंगु दु व पण्डित गजोह्य धाःसा
महा विद्यावान जुया च्वंम्ह बलवानह्य विद्वान गणित तान्त्रिक,
वद्य, चतुषष्टि लिपि विद्या सम्पूर्ण शास्त्रे निपूनम्ह थयो थयोगु
सकल गुण ज्ञान दया न्याय नीति स्यूम्ह लोकजन प्रति करुणा
दुम्ह थःथोम्ह पण्डित छ्ह्य दुगु जुया च्वन ।

हे मंत्रीय, थुजोम्ह पण्डितया व थःगु देशे च्वना न्ह्यागुहे
ज्यायासानं यश लाभ मजू अपजश जकहे वैगु । थुनियाना व पण्डित
या थःत थःम्हंहे बारम्बार निन्दा याना धया च्वन । आःछुयाय
धिवकार थौं जि न्ह्याकोहे सःसां स्यूसानं तबि गुबलेहे यश प्राप्त
मजू सदानंहे अपजश जक वैगु । विद्वान सजनपिनि धाःसा यश

बीगु जकहे तिसा जुया चवन । हानं जि सकल घाननं शान्त्र
विद्या आदि स्येना सयेका विद्या आपालं हे वने धूंकल । थुपि
सुनानंहे जश काये मफु ऊन अपजश जक वधिगु ।

हे मैत्रीय, थुगु प्रकारं व पण्डितं स्येना सयेका कया तपि
सिष्यपिष्ये जकहे स.सू धायका जशकया सकल लोकपिसं धन्यः
पण्डित धायका अनेक प्रकारं मानेयाका जशकया चवनीगु जुया
चवन । व मूलह्यः पण्डितयान धाःसा सुनानंहे जश मध्यु (गथ्ये
धाःसा) थव पण्डितं पुराण आदि कथा कना स्येना विद्या पूर्ण
ज्वीथ्ये चवनकि अनेक मार वया सिष्यपिसं त्वागुथया गनंहे
सिलपाउ कायमखेंः अपमान जक कायमाः । थुगु प्रकार व
पण्डितया गुबलेहे गनंजकहे वंसान सुविष्टा ज्वीक खें न्यना मन-
यान आनन्द ज्वीके मफु ।

हे मैत्रीय, थथ्ये जुजुं २ ताकालं दया वस्येलि थुम्ह वज्र-
पाद अपजश पण्डितया छन्द्या दिनस थः थःम्हहे अत्यन्तं
अपमोच अपमान नया थःगु मनं थाल । हा हा हे भगवान थ
जिगु जन्म धिक्कार । जि थुलिमछि शास्त्र, तन्त्र, मन्त्र, विद्या
आदि स्येना सयेका चनूपष्टि लिपि सम्पूर्ण हे पूर्ण ज्वीका पण्डित
धायका चवना हानं असंख्य अज्ञानि लोकपिन्त ज्ञान बुद्धि न विद्य
धुन, जिके सगु स्यूगु शास्त्र, मन्त्र, तन्त्र, विद्या आदि सकलयातनं
न्यना कनाहे चवना चवनागु दु घास्येलि थौं जित मुद्धम्हे सितंहे
जश गुण विधिगु धैगु नां मका, सकसिनतं अपजश बिबित जक
स्वधिगु । थौं जि स्येना तथा तथापि शिष्य पिसं धाःसा सयेका
सीका कया इमिसं असंख्ये जश गुण लाना वदो तःवपि पण्डित

धायका आपालं सिलपाउ कया माने याका जुया चवन । थौं
जिजा मुयाकेहे ह्याव मदयेका चवना चवने मान । हाहा गुनिजक
विवेक विचार महुपि लोकजनपि धिक्कार २ थयोगु विवेक
विचार महुगु देगे चवना छंहे प्रयोजन महु । थयोगु अविवेक
याधिपनिगु क्वा स्वया चवनेहे मखुनः । हा हा हे देव आः जि
गन वनेगु, मु देवताया भाव भक्ति याना चवनेगु, छु धर्म यावगु,
छु नपम्या यामा जित जश पदनायी । हाः जि था छु पाप यानावगु
फलं थयोगु दुःख भोग याना चवने मान धिक्कार जिगु जन्म ।
आः जि थव देश त्याग याना परदेश वनेगु । थृजागु देगे चवना
जित कथं मलान धका मनेल्कीका नैपिकया उगु देशयान त्याग
याना पिहाँ वन ।

थथ्ये पिहाँ वनं ७ वमथ्ये दूर देगे थ्येक वन । अननं म्य
म्यगु देशान्तर ग्राम ७ नगर २ आदि चाहिला वनं ७ नेगुहे
मदया भिक्षा फो फों २ नया थःगु जिविका चने याना जुजुं ७
छगु काल बिते जुया दम्येलि कर्मनिन वना नेपाल मण्डल थ्येक
वल । थथ्ये व पण्डित नेपाल धयागु थामे थ्यम्येलि आकाशं
नस्येहे श्री स्वयम्भू ज्योतिरुप खन । नमस्कार याना उगुहे थामे
थ्येक वना व पण्डितं ह्लापां श्री स्वयम्भू ज्योतिरुपयात नमस्कार
याना वस्पोल यागु न्ह्योने चवना त्रि प्रदक्षिणा याना पंचोपचार
पूजा याना अनेक जप, तप, ध्यान आदि अष्टाङ्ग प्रणाम
नमस्कार याना अनं प्रस्थान जुया क्वहाँ वया निर्मल तोर्थे थ्येक
वल ।

थुगु तोर्थे थ्येका व पण्डितं विचार यानकि अहो गुजोगु

उत्तम जुया च्वंगु स्थान थ्व । थःयोगु बौद्धया सन्निधाने तीर्थं
संयुक्त जुया गयोगु तीर्थं स्थान धाःसा केशावति, कुसुमावती
संगम जुया च्वंगु थःथिजागु पुण्य क्षेत्रे तोता मेथाय गन वनेगु ।
थयोगु पुण्य क्षेत्र मेथाय दईहे मखु धका थःगु मनं धया निश्चय
याना आः जि थ्वहे थासे तीर्थहे च्वना तपस्या याये । थथ्ये
तपस्या याना तिनी थुगु पाप शान्त याना अष्ट सिद्धि फल लायगु
धका मने तथा थ्व पण्डित जूसां उगु तीर्थे स्नान याना बालुका
चंत्य दयेका उपलाल धयाम्ह नागया मूर्ति न दयेका विधिथ्ये
पूजा याना जप, तप, ध्यान याना त्रिरत्नया सेवा याना प्रदक्षिणा
याना अनहे कर्णद्विपे च्वना धूया छंगुली आशन याना ह्नी ह्नी हे
वंगलसिमाया हःले श्री प्रज्ञापारमितायागु मन्त्र च्वया उगु तीर्थे
चवीके छोया श्री बिद्याधरी देवीयागु मन्त्र प्रयोग याना अनहे
मुशानेपुरश्चरने च्वना थुगु प्रकारं व बज्रपाद पण्डित तपस्या
याना हया च्वन ।

थथ्ये च्वच्चं २ खुदं न्ह्यदं दयावस्थेलि छन्हुयागु बिते
थ्व पण्डित आपाल दुःख कष्ट नया तपस्या याना च्वंगु खना
व स्वया श्री बिद्याधरी देवी सन्तुष्ट जुया व पण्डित तपस्या
याना च्वंगु थासे थ्यंक बिज्यात । गुजोगु प्रकारं बिज्यात धाःसा
आकाशबाणि जुया थुम्ह पण्डितयात आज्ञा दयेका बिज्यात ।

हे मानव धन्य २ छ खः छंगु तपस्या खना जि सन्तोष
ज्वी धुन । हे मानव छं छुइच्छा याना तपस्या याना च्वनागु खः
जित धाः जिनं छंगु इच्छा पूर्ण ज्वीक वर्दान बीः धका थथ्ये
आज्ञा दयेका बिज्यात । थुलि श्री बिद्याधरी देवीया आज्ञा

आकाशबाणि जुगु खं न्यना हथासं दना मिखा कया आकाशे
थस्वया ल्हा बिन्ति याना थुगु प्रकारं धाल । हे परमेश्वर छपि
सुखः, गुम्ह खः देव लाकि, दैत्य लाकि, राक्षस लाकि अथवा
भूतला, प्रेतला, पिशाचला जित छले जकं यानागुला । छपि सु
खः जि मस्यू धका थथे बिन्ति याना धागु खं न्यना श्री बिद्याधरी
देवी थुम्ह पण्डितयात जूसां थःगु रूप दर्शन बिया बिज्यात ।

गुजोगु प्रकारं दर्शन बिल धालसा अत्यन्त जाज्वल्यमान
तेज प्रकाश याना धालपति स्वांथ्ये निर्मल रक्तवर्ण जुया त्रिनेत्र
धयागु स्वंगः मिखा कना जगु ल्हाति बज्र ज्वना, खगु ल्हाति
करोटक ज्वना, जगु तुति यखुइका म्हालापतियागु च्वकां सहश्र
दल पलेस्वांया मूले दिका खगुतुतिया पालि आकाशे छोया, खगु
ल्हाति खगुतुति घेपुना स्वंगः मिखां आकाशे स्वया मुसून न्हिला
धालेयागु प्रमाणं कोलागु दन्त वा बोया जगत संसारयाके करुणा
तया सम्यक्बोधिज्ञान बिबिहा दिव्य चक्षु विशाल नेत्र प्रकाश
याना नरमूण्ड मालां ववखाया सुवर्णयागु तिसां तिया रत्न
माणिकया मालां ववखाया पंचबुद्धया मूर्ति दुगु सुवर्णया जटा-
मकुट पुया अनेक प्रकारं रत्नया हारं तिया कोति सूर्ययागु तेज
प्रकाश याना सिध्नि, व्याघ्रिनि जवय् खवय् तथा जटाधारि
जुया व बज्रपाद पण्डितयात थुगु प्रकारं मूर्ति जुया दर्शन बिया
बिज्यात ।

थुजोगु मूर्ति रूप खनेसात अकस्मात्त्रनं व पण्डितनं जूसां
थुम्ह दिव्य सुन्दरी श्री परमेश्वर बिद्याधरा देवीयागु रूप दर्शन
याना हथासनंदना अनेक प्रकारं जप, तप, ध्यान, स्तोत्र, पाठ,

आदि याना पंचोपचार पूजायाना प्रदक्षिणा आदि याना ल्हानिपी
बिन्ति याना आकाशे थस्वया थुगु प्रकारं प्रार्थना यात । हे
परमेश्वरी, हे माता, हे बिद्याधरी, हे योगिनी, हे बुद्ध जननी,
हे प्रज्ञापारमिता, हे गुह्यमाता, हे जगत माता, हे भगवती,
हे देवी छल्पोलया चरण कमले कोटि २ नमस्कार । हे जगत
ध्यापिनि जि थःथीह्य पापिया उपरे कृपातया छल्पोलं जित
दर्शन बिल । हे माता छपिनिगु चरण कमले कोटि २ नमस्कार
हे महालक्ष्मी धन्य २ जिगु भाग्य छल्पोलथिजाह्य जोगिनीया
दर्शनयाय धुन । थौं जि कृतार्थ जुल । हे उग्रतारा जित वर्दान
मेगुमखु छल्पोलं बिद्या बिज्यायगु जुलसा हे जगतया माता जित
अपजश नाश याना जश प्राप्त याना अष्ट सिद्धि फल लाइगु
वरदान प्रशन्न जुया बिज्याहुं धका थुगु प्रकारं बिन्ति यात ।
थुलि बिन्ति याना धागु खं न्यना श्री बिद्याधरी देवी आज्ञा
दयेका बिज्यात ।

हे बज्रपाद, हे मानव छं यागु तपस्या खना जि सन्तोष
ज्वी धुन । आः छन्त जि अष्ट सिद्धि बरदान बिष धुन । आः छ
अष्टसिद्धि दुह्य जुल । हे बज्रपाद, हे मानव आः जिगु थ्व अंश
थन तथा थवय सकल मनुष्य गणपिन्त उद्धार याना च्वने ।
हे बज्रपाद थ्व जिगु मूर्तियात गुह्य मनुष्यनं छंथ्ये नतूं थ्वहे
तीर्थे २१ नोछन्हु यंक स्नान याना दान याना त्रिरत्न यागु भजन
याना उगु मूर्तियात पंचोपचारं पूजायाना नमस्कारयायी अजोह्य
मनुष्य गणपिन्त जूसां निश्चयनंहे अष्टसिद्धि फल प्राप्त ज्वी ।

हे मानव, आः छ थःगु छं लिहांहुं । छं थ्येका छं थःगु

दास्त्रया गुण ज्ञान प्रकाश याना सम्पूर्ण लोकजनयात गुण ज्ञान
दिष्टा अनेक तन्त्र, मन्त्र, शास्त्र स्यने कने याना श्री त्रिरत्नयागु
भजन याना अष्ट सिद्धि लाना सदाकालनं त्रिरत्न याके मनतया
बोधिव्रत धारण याना च्वं । हे बज्रपाद पण्डित आः छ थन
च्वने स्वाल । थःगु छेंस लिहां हुं धका थुलि आज्ञा दयेका श्री
बिद्याधरी देवी तत्कारणं अन्तरधान जुया सिद्ध जुया बिज्यात ।

हे मैत्रीय, थुगु मूर्ति थौं यागु अद्यापितकहे प्रसिद्ध जुया
च्वंगु दु । अनलि व बज्रपाद पण्डितया श्री बिद्याधरी देवी य गु
कृपां जश पदबि लाना अष्ट सिद्धि न लाना श्री देवी यागु
आज्ञा थ्ये गोपुच्छ पर्वते थाहां वना श्री ज्योति रूप भगवान यात
पंचोपचारं पूजा याना जप, तप, ध्यान, स्तोत्र, पाठ आदि याना
प्रदक्षिणा नमस्कार याना अनलि श्री बिद्याधरी देवीया प्रशादं
तःधंगु जश पदबि समेत लाना अनं प्रस्थान जुया थ गु देवी
ल्याहां वया उगु देशे च्वं पि सकल लोकजनपि शिष्य गणपि पुक
मूंका अनेक प्रकारया पुराण आदि शतकथा ब्याख्या याना कना
सकसितनं चित बुक्के ज्वीका उगु पुराण कंगु न्योपि सकल लोक-
जनपि फुकसिनहे धन्य २ धायका सकसिनं नमस्कार याका
ह्वापायागु खं फुकहे लुमंका सकल लोकपि फुकसिननं व पण्डित
याके क्षमा फोना च्वन ।

हे गुरु धन्य २ छल्पोल खः धका धया ह्वापा थःत जश
मन्युसे हेलायापि थयो २ पि फुकहे वया थुह्य बज्रपाद पण्डित
यागु न्ह्योने च्वना वयागु गुणयात लुमंका सकसिननं कांसेति
सिरपाउ आदि बीगु न्ह्योने तथा हे गुरु धन्य लहा छिपति ज्वरे

याना यःथः पिसे ज्वना वयागु कोसेलि आदि चन्हे याना थुगु प्रकारं बिन्ति याना च्वन ।

हे नाथ, हे गुरु, छल्पोलं जिमिगु उपरे करुणा तथा क्षमा याना बिज्याहुं । थौं छल्पोलयात सकल लोकजनपिसनं पूजायाये योग्य ज्वीका बिज्याना च्वंम्ह हे गुरु छपिन्त सदा सर्वकालहे नमस्कार धका धायका श्री विद्याधरी देवीया प्रसादं थुम्ह वज्रपाद पण्डितनं जुलसां अष्टसिद्धि लाना असंख्ये गुण प्रशंसायाका अनेक लोकजनपिन्त हितयाना आनन्दकाल हुना च्वन धका श्री शाक्यमुनि भगवान् मैत्रीय बोधिसत्त्व आदि सकल सभालोक पिन्तनं थुगु प्रकारं आज्ञा दयेका बिज्यात ।

थ्व खं न्यना सकल सभालोक पिसनं अहोः निर्मल तीर्थ यागु अमृत तूल्य जुया च्वंगु महात्म्य कथा न्यना छिपिनं उगुहे तीर्थे वना सेवा यावने माल धका यः थःगु मनघात बोधयाना च्वन धका श्री शाक्यमुनि भगवान् आज्ञा दयेका बिज्यात ।

इति श्री स्वयम्भू पुराणे निर्मल तीर्थ महात्म्य वज्रपाद पण्डित उद्धार जश प्राप्ति अष्टसिद्धि लाभ षष्ठमो अध्याय समाप्त ॥ ॥



निधान तीर्थ

ॐ नमो रत्न त्रयायः ॥ ॥ अथानन्तरं थनंलि श्री शाक्य मुनि भगवान् मैत्रीय बोधिसत्त्वयात आज्ञा दयेका बिज्यात ।

हे मैत्रीय, निर्मल तीर्थयागु महात्म्य छिमिसं न्यनेहे धूकल आः हाकनं मेगु निधान तीर्थयागु महात्म्य कने न्यना छिमिसं एकचित्तं याना न्यो धका थय्ये आज्ञा दयेका बिज्यात । थय्ये आज्ञा जुया बिज्यागु खं न्यना मैत्रीय बोधिसत्त्व भगवान् याकं बिन्ति यात । हे भगवान्, हे गुरु छल्पोल यागु कृपान निर्मल तीर्थ महात्म्य न्यने धुन । आः हान निधान तीर्थयागु महात्म्य न्यनेगु इच्छा जुल । छल्पोल दया कृपा तथा आज्ञा दयेका बिज्याहुं धका थय्ये बिन्ति यात । थुलि बिन्ति याना धागु खं न्यना श्री भगवान् आज्ञा दयेका बिज्यात ।

हे मैत्रीय, गुगु केशावती व सुवर्णावती संगम जुया च्वंगु तीर्थ यात निधान तीर्थ धका धाई । उगु तीर्थम बासयाना च्वं पि नागराज यागु नां थ्व खः नन्द, उपनन्द धयापि निह्य जोरापि नागराजां बासयाना च्वना च्वंगु ।

हे मैत्रीय थ्व नागराज गजापि घालसा नन्द ५ फन्ना उपनन्द ७ फन्ना धरेयाना फन्ना पतिकं हे माणिकयागु तेज थ्ये नाज्वल्यमानं थिना अत्यन्तहे सुन्दर रुप जुया मित्र भावं निम्हहे प्रेम जुया उगु तीर्थे आनन्द बासयाना च्वन ।

हे मैत्रीय, उगु तीर्थया मेला ज्वीगु गुबले धालसा माघ शुक्ल यागु सप्तमी कुम्भ संक्रान्ति आदित्यवार थुलि संयोग ज्वीबले अनया मेला ज्वी । थजोगु उत्तम जुया च्वंगु तीर्थ धाना सीका उगु पर्वकाल दिने जूसां गुह्य मनुष्यं बिचारं सिधका २१ दिन नीछक यंकहे स्नान यावनी, दानयायी (अथवा) छक जक हे जूसां स्नान याना बालुका यागु चैत्य दयेका पंचोपचारं पूजा याना अर्घ तिना पितृयातनं तर्पण बिद्या जप, ध्यान, पाठ आदि याना सिधय्का अतिथि गणपिन्त दान, धर्म याना बी थुजोपि मनुष्य गणपिन्त जूसां निश्चयनं सकल दारिद्र दुःख नाश जुया धन द्रव्यं पूर्ण जुया सुवर्ण रत्न आदि सम्पत्तिनं पूर्ण जुया महा-भाग्यमनि जुया च्वने दयो ।

हे मैत्रीय हाकनं थुगु तीर्थ सेवा याना सुमु उद्धार जुया वन थव खँन छँ न्यँ । ह्वापा २ पांचाल देशया अधिपति जुया च्वंम्ह पंचचूड धयाम्ह राजा छम्ह दया च्वन । व राजाग रानीपि स्वम्ह दुगु जुया च्वन । थुपि रानीपिनि स्वम्हसियाहे म्हति छम्ह छम्ह काय्पि दया च्वन । सुमु धालसा ह्वापां दिन-चूड धयाम्ह १ रत्नचूड धयाम्ह २ ज्ञानचूड धयाम्ह थुपि स्वम्ह काय्पि दया च्वन । थुपि स्वम्ह मध्ये ज्येठाम्ह दिनचूड धयाम्ह गयोम्ह धालसा सापहे गुण्डाम्ह साकर्भिक जकनया थःयथे फर्मासि याना योथोथ्येहे म्हिता ज्वीमाम्ह । राज्यय् धालसा छुंहे बिचार मयासे थःयथेहे नया त्वना तिया स्वच्छन्द म्हिता ज्वीमाम्ह । थथे जुजुं ताकालं दया वस्येलि थःगु राज्य आदि असंख्ये धनद्रव्य आपालं फुका मदयेका बिल ।

हे मैत्रीय थथ्ये व त धिकम्ह दिनचूड धयाम्ह राजकुमारं आपालंहे धन सम्पत्ति तिसा आदि स्वाहा दाना फुका जूगुलि थव खना मांम्ह लक्षणा रानीया तसकहे अपशोच जुल । हरे थव काय्पा बानी गयोगु खरात्र स्वरव जि न्हेथुपिनि काय्पि गुलिजक सत्पुणि ज्ञानो वसतिमा, स्व २ थव दिनचूड छम्ह जक कुसंगत कुबानि हते यागुगुलि फुक दाजु किजा मां बी कलापिम गुलिखे प्रेमपूर्वकं न्वाना खँ ल्हाना धाल । अहँ वंगु कुसंगत बानी तंकेहे मफु । छन्हु वीम्ह राजां दमन नोति काय्गु बिचार यागु खः तर थव खे रानीया अनुमति मदुगुलीं तोता छोट । क्रमनिव व दिनचूडया ह्लिथहे दारिद्रता व संतापं युक्त जीवन हना च्वने माल । थुगु प्रकारं आपालंहे धन द्रव्य नाशयाना वस्येलि वीम्ह राजां पंचचूडया मने ताप जुया छन्हुया दिने थः पुत्रपि राज-कुमारत स्वम्हहे सःतके छोया थःगु न्हचोने तया थथ्ये आज्ञा दयेया बिज्यात ।

हे पुत्र राजकुमारपि छिमिसं जिगु खँ छता न्यो । छिपि स्वम्हहे दाजु किजापि थः थ हे छखे अलग अलग च्वंहुँ । छिमिगु सम्पूर्ण धन द्रव्य दक्वहे स्वभाग थला अंशबन्दा याना काः धका म्हतीं छभाग २ इना बिद्या थः पुत्र राजकुमार पित्त छखे अलग २ दाना तय्के छोट । अथे व राजकुमारपिस थः बुबां इना व्यूगु सम्पत्ति म्हतीं छभाग २ अंश कया अबुया आज्ञा थ्ये छख्ये च्वना सुख भोग याना च्वन ।

हे मैत्रीय थयोगु अवसरे ज्येठाम्ह दिनचूड राजकुमारया जक जूसां उगु धन सम्पत्ति यागु छुंहे माया मकासे साकर्भिक

जकनया थः पयेहे म्हिता जुल । थुगु प्रकारं नया म्हिता जुजुं २
हिदं हिनिदं विने जुया वस्येलि थः बुबां बियाहः गु अंश, धन
द्रव्य, दक्वहे सम्पूर्ण नाश जुया फुना नेगु त्वनेगु सुधान्तहे मदया
सकल दास दासिपिन्त समेत नके मफया इमिसं समेत तोता
वन ।

हे मैत्रीय थये थः थाय् तया तैपि नोकर चाकर धयापि
सूहे मदयेका थः कला यागु सिबे क्वस समेत मिया जिविका
चले याना नल । थये नन ननं दक्वहे उगु सिबे क्वसनं फुकहे
नजक नयाहे फुकल । थये जुगु स्वया व दिनचूड राजकुमारया
कला रानीया थ गु मन यात सा-हे दिक्क जुया थः स्वामीया
थाय् न्ह्योने वना थये धाल । हे स्वामी राजकुमार थ्ये जुया
जि रानीथ्ये जुया चवना धास्येलि थथ्ये ह्लि ह्लि सिया आहार
नापं चूमलाका थः थाय् चाकरी याका तयापि समेत मदयेका
इमिसं नाप तोतका निर्लज्जा जुया लजगार ज्याः मिखां मखंका
ध्वम्ह । थजोह्य छपि साकभिक जक नया थः थथे स्वछन्दं ह्मिता
ज्वी माह्य छपि धास्येलि आः छपिके छु दनि । छूहे दुगु मखे
धूंकल खाली राजकुमार धका नां छगु जक बाकी दनी । थयोह्य
पुरुषयाके जि चवना चवनां छु प्रयोजन दनी । स्नेह माया प्रिति
जक कया चवना छुयाये । थौं जित रक्षा ज्वी मखुत, नयगु
त्वनेगु, पुनेगु छु मन्त । जि मामं बियाहः गु, बुबां बियाहः गु
सिबे ज्वलं क्वस सुधान्तहे मदये धूंकल । थौं छिगु माया जक
कया चवना छुयाये । जित भलो ज्वी मखुत, छि स्वया छि जु,
जि स्वया जि ज्वी धका तैपिकया थः स्वामीयात तोता थः गु छे

वना मां बौ या न्ह्योने चवना थः स्वामीयात तोता वयागु
सम्पूर्ण खं फुकहे कना मां बौयागुहे थः म्हं फुथ्ये सेवा याना बरो
आनन्द चवना चवन । थनलि दिनचूड राजकुमारया जक थः गु
धन सम्पत्ति दक्वहे नया, त्वना, ह्मिता, फर्मास याना जक फुका
नाश याना थः ह्लि ह्लि सियाहे आहार यायगु नेगु सुधान्तहे
मखंका थः गु मनं भापिया धाल । हाहा आः गथ्ये यायेगु नेगु,
त्वनेगु सुधान्तहे मफुया जि आः छुयायेगु धका मतिलुईका हगु
देशे चवंपि महाजनपि बढो तः तः धंपि धनाद्य जुया चवंपि दु धंगु
मतीत्वीका थुमिकेहे धन त्याना हया नेमालि धका मने तया
थः गु राजदरवारं पिहाँ वया व धनाद्य जुया चवंपि महाजनपिनिगु
छे वना इमिके धन त्याना कया हया हाकनहे ह्मापा थ्ये नतूं
फर्मास याना नया त्वना नतूंहे जुयासन । थथे जुजुं दछि, निदं
दया वस्येलि सकल महाजनपि वया व राजकुमार यात थः म्हं
त्याना कया तः गु धन साहु पुले स्वाह्य धका बिपत्यार याना
सुनानं वैत धन त्याय् ब्यूपि मन्त ।

हे मैत्रीय, अयोगु बखते व दिनचूड राजकुमारया जूमां
थः त धन द्रव्य अन्न आदि गेरा सुधान्तहे सुनानं हे वैत पत्यार
मयात । पूर्व ह्मापायागु पाप यागु फल भोग याना चवन । थुगु
प्रकारं दुःख भुक्तमान याना चवच्चं ताकाल दया वस्येलि छन्हु
थः स्त्री लुमंका मिखां खोबि हायका बिरहयाना धाल । हाः हे
दैव थौंया दिने नकेगु, त्वंकेगु, पूंकेगु, तींकेगु मफुया कारणे थौं
जित कलानं समेत हे वाना तोता थकल (तोता वन) हाः हे दैव
थौं जित हाकनं मां बौपिसनं छे नय्धुनला धका न्वं सुधान्तहे

सुनानंमत्तु । हाः जिगु कर्म धिक्कार छु नेगु छु त्वनेगु सुनानं जित पःपार मन्त । आः सुना जित रक्षा यायी । गुम्ह देवतां रक्षा यायी । गन वना जी, छु कर्म जिन रक्षा ज्वी । हाहा थपायसकं दुःख ज्वीका जि थ्व देशे च्वनाया छु प्रयोजन दनि । थ्व ज्यूया माया कया च्वनां छुयाय धका मनयात दिक्क ज्वीका थःगु देश तोता पिहाँ वन ।

हे मैत्रीय, अथे पिहाँ वना प्यन्हु च्यान्हु दस्यैलि देश, ग्राम, नगर चाहिला भिक्षा फोना नन २ क्रमैसित ववं २ कालान्तरे नेपात्र देशे थ्यंक वया श्री स्वयम्भू भगवान यात नमस्कार याना अनहे श्री स्वयम्भू भगवान बिराजमान जुया च्वंगु उगु पुण्य क्षत्रे थ्येकं वना थुहा दिनचूड राजकुमार ज्योतिरूप श्री स्वयम्भू यात थम्हं फुथ्ये पूजा भावयाना थःसथ्ये जप, तप, ध्यान आदि याना प्रदक्षणादि अष्टाङ्ग प्रणाम याना प्रार्थना याना च्वन । हे परमेश्वर, हे स्वयम्भू, हे भगवान, जि दारिद्र दुःख थौं जिथ्ये जाइ दुःख थ्व पृथिवीले मदु । जि पापि यानागु भक्ति खना छुत्पोल सन्तुष्ट जुया बिज्याहुँ । जिगु दुःख मदयेका जित रक्षा याना बिज्याहुँ । हे परमेश्वर धका प्रार्थना याना उगु पर्वतया पूर्वपतियागु मार्ग ववहाँ वया आपालं नेपित्यागुलि नेगु छुं मदया उख्ये थुख्ये स्वया जुल । थथ्ये स्वगु बखते वं लःछुधा वया च्वंगु धःचा छगू खंकल । हथाय्चाया व राजकुमारं उगु लः वया च्वंगु धःले थ्येका ववहाँ वना लः पना न्या लायत सन । थुगु प्रकारं व धःले न्यालाना ववं २ उगु धः फोचाला मेगु खुसि थ्यन । थथ्ये मेगु निगू होना छगू जुया वया च्वंगु खुसि थ्यस्यैलि अन स्वबले लः आपा दया तःजा जुया च्वंगुलि अन वं न्या लाय

मफु । आपालं नेमास्ति वया परिश्रम जुया ह्लापा लाना तःपि न्यात अथ्येहे कच्चिकं नया छोल । अयोगु बखते अन निधान तीर्थ स्नान याना मोल्हुई धका वया च्वंपि मनूतेसं वं अथ्येहे कच्चिक न्या नगु खना धाल । हे महापुरुष आम न्या छँ छाया कच्चिक नयागु, पाकयायनं स्वाला धका थथ्ये न्यन । थुलि धागु खँ न्यना राजकुमारं धाल । हे लोकजनपि जि सापहे नेपित्यागुलि च्वने मफया सनेगु सुधान्तहे मफुत उक्थे जि व न्यायात पाक मयासेहे नयागु खः । हे लोकजनपि जि धालसा धनसम्पत्ति दक्वहे फुना सापहे कंगाल जुया नेमखना थजागु धःले च्वंपि न्यालाना नेमाल छुयाय धका करुणा चायपुगु स्वरं धाल । थुलि खँ धागु न्यना उगु तीर्थे वया च्वंपि सकल लोकजन पिसं मने करुणा चाया थथे धाल । हे महापुरुष छ जूसां आपालं दुःखिह्य खः छन्त जिपि सकसिननं उद्धार ज्वीगु खँया उपकार यागु खँ कने छँ जूसां न्यो । गथे धालसा हे महापुरुष छँ आम न्या लाना वयागु ध गयोगु जुया च्वन धालसा सुवर्णाबती धयागु खः । आम खुसी व व धःचा नाप लाना छगू जुया वया च्वंगु खुसीयात केशाबती व सुवर्णाबती धयागु नामं प्रसिद्ध जुया निधान तीर्थ धका धया तल । थुगु तीर्थे जिमिसं ह्लि ह्लिहे वया स्नान याना वया च्वना । हे महापुरुष आः छनं थुगुहे तीर्थे सेवा याना च्वं । थुक्कियागु पुण्ये छन्त दुःख नाश जुया फुना धनाद्य ज्वीगु बरदान प्राप्त ज्वी । हे मानव धका धागु खँ न्यना ब दिनचूड राजकुमारं जुलसां उगु निधान तीर्थे स्नान याना (त्रिकाय धंगु) काय, वाक, चित्त शुद्धयाना बरो एकचित्तं श्री त्रिरत्न यागु भक्ति याना थःगु मनं कल्पना याना थुगु प्रकारं धाल । हे परमेश्वर

तीर्थराज जित दरिद्र नाश याना धनाद्य उबीक प्रशन्न जुया बिज्याय माल धका कल्पना याना वहे तीर्थे च्वना तपोव्रत याना च्वना च्वन । थथे च्वच्वं ताकाल दया वस्येलि छन्हुया दिने व दिनचूड राजकुमारं तपस्या याना च्वंगु पुण्यया प्रभावं तीर्थराज खुसि जुया प्रशन्न जुया नन्द उपनन्द नागराजा निम्हहे उगु तीर्थ थाहौं वया तत्कारणं दिनचूड राजकुमारयात दर्शन विद्या आज्ञा दयेकल । हे वत्स, हे भक्त, हे मानव धन्ये २ छ ख छंगु तपस्या खना जिपि सन्तुष्ट उबी धुन । आ: छे इच्छा जुगु वर्दान फों धका थथे आज्ञा दयेकू खँ न्यना दिनचूड राजकुमारं बिति यात । हे परमेश्वर जित वर्दान मेगु मखु । जि सापहे दरिद्र उक्ये थुगु दरिद्र नाशयाना उद्धार याना बिज्याहुँ । हे परमेश्वर, थौं जितो दरिद्र मेपि सँहे मदु याकनं जित उद्धार याना बिज्याहुँ धका धागु खँ न्यना हे मानव तथास्तू धका वर्दान बिया धाल । हे मानव मेगु छगू खँ न्यं थौंयागु रात्री छे छगू ख्यले बासयाना च्वं थुबले बाचाया ताके अन मि छोयिथ्ये छोयि उगु थासे छ: वना चिह्न तथा थकि, सुथे नसंका उगु थासे गा: म्हुया स्व: धनं पूर्ण जुया च्वंगु घ: निग लुया बयि । श्व धन तथा तगु घ: छे कया यंका आनन्दं थ:गु छे च्वना दक्क लोकपि बशे तथा धर्म कर्म याना च्वं धका नागराजानं धागु थुलि आज्ञा न्यना व दिनचूड राजकुमारं उगु चौर, ख्यले वना बास याना स्वया चिह्न तथा नागराजां आज्ञा जूथे गा: म्हुया स्व:गु बखते धनं पूर्णगु घ: खना व घ: कया हया थ:गु थासे तेहल ।

हे मैत्रीय तत्पश्चात् अनंलि उगु धन घ:ले स्वगु बखते नव रत्न हिरामुति सहित जुया च्वन । मेगु छगले जक सुवर्णादि

पूर्ण जुया च्वंगु अजागु धन घ: यात स्वया नमस्कार याना तीर्थराज यात प्रशंसा याना हाहा आ: जि गन वने । जि छेनं पिहाँ वयागु खुदं न्हेदं दत । अथेनं जित जि माँ बौ पिसं बिचार ग्रामवो । जित तोते धुंकल धास्येलि छे वने धालसा गथे वनेगु धका मने भापिया उगु नागराजां ब्यूगु धन फुक हे याचक थयापि फोना नयिपितहे ह्लिह्लिसिया दान बीगु धका मने ल्वीका थुगु प्रकारं दान बिया च्वन ।

हे मैत्रीय, थथे राजकुमार दिनचूड यात माववो वर्दान बी धूँका तीर्थराज अन्तरधान जुया बिज्यात । थथे तीर्थराज अन्तरधान जुया बिज्यागु स्वया आश्चर्य जुया तीर्थराज लुमका मन शान्त याना थ:गु छे मवोंसे उगुहे तार्थे बास याना थ:गु मनोरथ पूर्णयाना याचकपिन्त सुवर्ण रत्नादि दान प्रदान याना आनन्द पूर्वकं च्वना च्वन ।

हे मैत्रीय, थुजोगु प्रकारं व दिनचूड राजकुमारं थ:गु नित्याचारथ्ये उगु तीर्थे सेवा याना श्री त्रिरत्न यागु भक्ति भाव याना यंकू २ आपालं वर्ष बिते जुया वस्येलि छन्हुया दिनस थुह्य दिनचूड राजकुमार व त:धंगु निधान तीर्थेसनतूं मृत्यु जुयावन ।

हे मैत्रीय, थथे व उगु तीर्थे तपस्या याना मृत्यु जुया वंगु पुण्यनं असंख्ये धन संपत्ति अन्न आदि पूर्णगु कूले नन्द उपनन्द नागराजाया बंसे जन्म जूवन । निधान तीर्थे च्वना तपस्या याना वोगु पुण्यया प्रभाव याना पूर्व जन्म यागु खँ लुमके फुह्य जुया धाल । अहो आश्चर्य जि जूसां ह्लापायागु पूर्व जन्मे महादु:खिह्य दारिद्र जुया च्वना । हानं राजबंश जुयां छुंहे आहार समेत

चूमलना नेमफया महाकष्टं दुःखसिया च्वनाह्य उगुहे दुःख मुक्त
ज्वीत निधान तीर्थे च्वना तपस्या याना थौ उगु पुण्यया प्रभावं
जित उद्धार जुया थुजागु स्थान प्राप्त जुल धन्य धन्य व तःधंगु
तीर्थ खः धका थःगु मनं लुमंका थुह्य नाग पुत्र कुमार जुलसां
छन्हुया दिने आपालं लोकपि मूँका अनेक नवरत्नादि सुवर्ण, हेरा,
माणिक सहित याना मेमेगु पंचोपचारं पूजा यायगु सामाग्री छत्र,
ध्वज, पताक सहित याना पुनर्वार हाकनं उगुहे तीर्थे थ्येक वया
ह्लापाथ्येहे विधि पूर्वकं स्नान याना श्री त्रिरत्न यागु पूजाभाव
याना अनेक प्रकारं जप, तप, ध्यान, पाठ, स्तोत्र आदि याना
प्रदक्षिणा याना अर्घ ब्रिया पुष्प धूप, दीप, गन्ध, रस, नैवद्यादि
सहित पंचोपचारं पूजा याना नमस्कार याना थथ्ये सेवा याना
च्वन ।

हे मैत्रीय, थथे तीर्थ सेवा यागु पुण्ये याना ह्लापानं थुह्य
दिनचूड राजकुमार जुया च्वंबले अथेहे तीर्थ सेवायाना दानधर्म
याना वंगुलि पूर्वानुस्मृति दुम्ह जुया तःधंगु नागकूले जन्म जुल ।
आः हानं थ्व नाग पुत्रं पूर्वानुस्मृति दुगुलि थुगुहे तीर्थे च्वना
तपस्या याना दान धर्म याना च्वंगुया प्रभावं याना तःधंगुहे फल
प्राप्त ज्वीका अन्ते स्वर्गे मोक्षफल लाना आनन्दं थुह्य नागपुत्रं
बास यावन धका श्री शाक्य मुनि भवगानं मैत्रीय बोधिसत्त्व
आदि सकल सभालोक पिनिगु न्ह्योने स्वा स्वया थुगु प्रकारं
आज्ञा दयेका बिज्यात ।

इति श्री स्वयम्भू पुराणे निधान तीर्थ महात्म्य कथायां
दिनचूड राजकुमार उद्धार सप्तम अध्याय समाप्तम् ॥ ॥

ज्ञान तीर्थ

ॐ नमो रत्न त्रयाय ॥ श्री शाक्य सिंह भगवानं पुनर्वार
हाकनं मैत्रीय बोधिसत्त्वयात आज्ञादयेका बिज्यात । साःधु हे
मैत्रीय थुगु निधान तीर्थ यागु महात्म्य कथा छं न्यने हे धुंकल ।
आः हानं ज्ञान तीर्थ यागु महात्म्य कथा कन्ये छिमिसं न्यो धका
आज्ञा दयेका बिज्यात ।

अले मैत्रीय बोधिसत्त्वं थथ्ये बिन्तियात । हे शास्ता, हे
भगवान छपिगु मुखद्वारा जिमिसं निधान तीर्थ यागु खँ न्यन्ये
धुन । आः हाकनं ज्ञानतीर्थ यागु खँ न्यन्येगु इच्छा जुया च्वन
छलपोलं कृपा तथा आज्ञा दयेका बिज्याहुँ धका थथ्ये बिन्ति
याना च्वन । थथ्ये बिन्ति याःगु खँ न्यना श्री शाक्यमुनि भगवानं
मैत्रीय आदि सकल सभालोक पिनिगु स्वा स्वया थुगु प्रकारं
ज्ञान तीर्थ यागु महात्म्य आज्ञा दयेका बिज्यात ।

हे मैत्रीय, छं एकचित्त याना न्यो । गथ्ये धाःसा केशावति
व पाप नाशनि मिले जुया संगम जुगु स्थान यात ज्ञान तीर्थ
यागु खः । थुगु तीर्थे बास याना च्वह्य नागाधिपति बालसुकि
धयाह्य नागराज खः व नागराज गुजोह्य धाःसा तुयूह्य अत्यन्त
हृष्ट पुष्ट ह्य अतिहे बाँलाह्य ६ गुगू फना कया महा भयानक
स्वरूप ह्य फना पतिकंहे दिव्यरत्नया तिसां तिया तःगुलि अतिहे
जाज्वल्यमान शोभा दयानं तेज थिना च्वह्य थुजोह्य नाग राजां

बास याना चवंगु थुगु ज्ञान तीर्थे मेला ज्वीगु गुबले धालसा फागुन शुक्लया अष्टमी मीन संक्रान्ति शनिश्चरवार थुलि योग चूलाइबले अनया मेला खः । थयोगु पर्व दिनस सूं गुह्य मनुष्य-पिसं थुगु तीर्थे वना स्नान, दान, जप, तप, ध्यान आदि याना बालुका चंत्य दयेका कायवाक् चित्त शुद्ध याना श्री त्रिरत्न यागु भक्तिभाव याना शास्त्रोक्त प्रमाणं तीर्थ सेवायायी अजा २ म्ह मनुष्यया निश्चयनं अज्ञान नाश जुया बोधिज्ञानया खानि जुया चवने दयी ।

हे मैत्रीय, हानं थुगु तीर्थ सेवा याना सुसु उद्धार जुया वनले धालसा थव खँ थथ्ये खः न्यो । ह्लापा २ उत्तर सिमानाय छगू कर्पूरवति धयागु देशे राज्य याना चवम्ह अज्ञान सिन्धु धयाम्ह राजा छम्ह दया चवंगु दु । व राजा गजोम्ह धालसा महामूर्खम्ह छुंहे ज्ञान बुद्धि मगाम्ह, मदुम्ह, त्यागुनं मस्युम्ह, बुगुनं मस्युम्ह । थयोम्ह राजा जुया थुगु प्रकारं व देशेया राजशासनया अधिकार सम्पूर्ण दक्कहे मूल मन्त्रीया लहाते लल्हाना तयाबिया राज्य चलेयाका तयातल ।

हे मैत्रीय, थथ्ये मन्त्रीं राज्य चले याना चवचवं क्रमसित मन्त्री बर्गया छगू खलबल उत्पन्न जुलकि गथ्य धालसा राज्य याना चवनापि छिपि खः धका थथे मूल मन्त्री याके राज्यया शक्ति लागुलि थःगु स्वार्थ सफल यायगुया लागी क्रमसित इमिसं थः योयोर्थे लालाथेहे मनपरि सनाहल । हानं राजायाके प्रतिनं अवहेला याना रानीयातनं थःगु बसे तया थःम्हं प्रेमिका यापत सना जुल ।

हे मैत्रीय, थथ्ये राज्य याना चवचवं असंख्ये काल बिते जुया वसेलि छन्हुया दिने थथे याय त्यंगु स्वया थुम्ह अज्ञान सिन्धु राजाया कला रानीनं जूसां थः स्वामी यागु न्हचोने क्रोध नं तंपिकया थथ्ये धाल । हे मूर्खम्ह राजा धिक्कार छंगु जन्म ज्ञान धयागु छुंहे मदुम्ह, अति बुधि धयागु नं छुंहे मदुम्ह राजा जुया चवना छुयाये धिक्कार थःगु राज्य सम्पूर्ण थः चाकरी मन्त्री यात राज्य चले याका चवनेमाःम्ह हे मूर्ख राजा छंके जि चवना छु प्रयोजन दनि । छंगु माया कया चवना जित छुं ज्यालगे मजुल धका थुलि धया थः पुरुष यात तोता थःगु छे वना बौ यागु, मांयागु चरण कमले भोपुया थः स्वामी यागु खँ दक्कवों कना मां बौयागु सेवायाना थःगु छे बास याना चवन ।

हे मैत्रीय, थथे जुया च्यान्हु फिनु दया वसेलि थुम्ह अज्ञान सिन्धु राजाया जूसां थः कलानं तोता वंगु स्वया थुम्ह थःगु राज्यनं बांमलागु खँ न्यने माःगुलि थःगु मनस अत्यन्तहे ताप जुया चित्त भ्रष्ट जुया मनं धिर्ज याये सफया थुम्ह राजा जूसां अतिहे बिरहयाना थःगु राजदरवारं पिहाँ वया थःगु देश समेतहे त्याग याना वन । थथे पिहाँ वना ववं २ महादूर भुवने थ्येक वन । अननं म्येम्येगु देश ग्राम पतिकंहे चाहिला भिक्षा कया थःगु जिविका याना वया चवन । थथे ववं २ बल्लं नेपाल मण्डलय् थ्येक वल । अथे नेपाल मण्डलय् थेनेसात ह्लापांहे श्री स्वयम्भू ज्योति रूप भागवान यात दर्शन याना । अन श्री स्वयम्भूयागु क्षेत्रेहे थ्येक वना थःगु शक्तौचाथ्ये वस्पोल यात पंचोपचारं पूजा याना थः सथ्ये जप, तप, ध्यान आदि याना थथ्ये ब्रित्तियाना चवन ।

हे परमेश्वर जिगु पाप नाश याता छत्पोल संतुष्ट जुया जिगु अज्ञान नाश याता दिव्य ज्ञान लाका प्रसन्न जुया बिज्याहुँ हे परमेश्वर धका थथे प्रार्थना याता अष्टाङ्ग प्रणाम याता नमस्कार याता सिधयेका उगु पर्वतं ववहाँ वया केशावति व पाप नाशनी व सङ्गम जुया च्वंगु ज्ञान तीर्थे थ्येक वल । उगु तीर्थे थेनेसात तीर्थे देवता यात नमस्कार याता अनहे तीर्थे बास याता नित्य नित्यहे स्नान याता बालुका चैत्य दयेका पंचोपचारं पूजा याता थःसथे जप, तप, स्तोत्र, ध्यान आदि याता अतिथि गणपिन्त दानधर्म आदि याता बरो एकचित्तं उगु तीर्थे च्वना तपस्या याता च्वन ।

हे मंत्रीय, थथे तपस्या याता च्वच्वं २ दछि दया वसेलि छन्हुया दिने तीर्थराज देवता खुसो जुया प्रतक्षणं आकाशबाणी जुया थथे आज्ञा जुल । हे महापुरुष, छ सुखः, छ छु कामना याता तपस्या याता च्वनागु, धन्यं २ छंगु तपस्या खना जि संतुष्ट ज्वी धुन । हे भक्त वत्सल छं छु ईच्छा याता वरदान काये धका मने तया तैगुखः उगु इच्छां जिके वरदान फों धका थथे आकाशबाणी जुया आज्ञा दयेका बिज्यात ।

थुलि तीर्थराजां आज्ञा जुगु खँ न्यना व अज्ञान सिन्धु राजानं थथे बिन्ति यात । हे परमेश्वर, जिगु पाप नाश याता बोधिज्ञान प्रशन्न जुया बिज्याहुँ धका थुलि वर्दान फोन । थ्व खँ न्यना तीर्थराजां आज्ञा दयेका बिज्यात । हे महापुरुष, अज्ञान सिन्धु राजा छँ पूर्व जन्मे ह्लापा छूँहे दानधर्म याता वगु मदु । हाकनं छं जूसां असंख्ये शास्त्र यात हेला याता, गिजेयाना,

खँकानंवल उगु पापं याता थौं छन्त थयोगु मूर्ख जुया छँ मसीका सकल लोकं हेला याका अपमान याका दुःख कष्ट नया च्वने माल । हे अज्ञान सिन्धुराजा छन्त दैवर्नं थन छोया हल, छ ह्वायचाय मते छं एकचित्त याता थ्वहे तीर्थे नतुं च्वना तपस्या याता श्री त्रिरत्न यागु नाम स्मरण याता सधर्म चले याता च्वं ह्वायचाय मते । उगुहे पुण्येया प्रभावं छंगु अज्ञान नाश जुया बोधिज्ञान प्राप्त ज्वी हानं दशाकुशल पाप नाश जुया, पुण्यात्मा जुया मय्यक्संबुद्धयागु बोधिज्ञान समेत लाभ ज्वी । हे भक्तवत्सल हे अज्ञान सिन्धुराजा थथे धका सीका छं एकचित्तंहे तपस्या याता च्वं तत्कारणं छंगु मनोरथ पूर्ण जुया उगु पुण्ये याता लिपा छ राजा हे जुया जातिस्मर धयागु पूर्व जन्म यागु खँ लुमंम्ह, स्पूम्ह जुया जन्म ज्वी दयो तिनी । आयात छं थुगुहे तीर्थे च्वना जकहे तपस्या याता च्वं । छन्त उद्धार ज्वी धका थथे आज्ञा दयेका तीर्थराज उगु थासं अन्तरधान जुया बिज्यात ।

हे मंत्रीय, अनंलि थुम्ह तीर्थराज यागु आज्ञाथ्ये न्यना तथास्तू हे परमेश्वर धका व अज्ञान सिन्धु राजां ह्लापा स्वयानं द्वरंहे एकचित्त याता उगुहे तीर्थे च्वना नतूँहे ह्लि ह्लि स्नान याता बालुका यागु चैत्य दयेका त्रिकायधयागु काय, वाक्, चित्त शुद्ध याता पंचोपचारं पूजा याता यथाविधिथ्ये जप, तप, पाठ, स्तोत्र, ध्यान आदि याता थुगु प्रकारं तपस्या याता च्वन ।

हे मंत्रीय, थथे च्वच्वं आपालं वर्ष बिते जुया वसेली थ्व राजां तपस्या याता च्वंगुया प्रभावं वयात सम्पूर्ण पाप नाश जुया दिव्यदेह शरीर जुया आपालं ज्ञानी गुणी जुया पुण्यात्मा

जुया दशांकुशल पाप नाश उबीका उगुहे तीर्थे बास याना चवना चवचवं छन्हुया दिने व राजा यात अकस्मात कालयागु बसेलाना उगुहे तीर्थे नतूं मृत्यु जुल । व राजा तपस्या यागु पुण्ययाके याना जूसां हाकनं थःगुहे देशे नतूंहे मन्त्रीया पुत्र धायका जन्म जुवन । गजाम्ह पुत्र धालसा अत्यन्तहे सुन्दर शुलक्षणं संगुक्त जुया बाँलाम्ह थथिम्ह बालक जुया जन्म जुल । क्रमथ्ये व बालक यात जूसां जातकर्म, नामकर्म आदि याना व बालक यात अज्ञानशोधन धका नां छुना तया तल ।

हे मैत्रीय, थथ्ये थ्व बालक खना सकल मन्त्री, काजी, भार्दार थुपि फुकहे अत्यन्त खुसी जुया चवना चवन । क्रम थ्ये व बालक धालसा शुक्ल पक्षया चन्द्रमा थ्ये वन्हे जुया अत्यन्त हृष्ट पुष्ट जुया बाँलाना तःधिक जुया सकल शास्त्र बिद्या सह्य स्पृह्य जुया वया चवन । थ्व स्वया छन्हुया दिने सकल मन्त्री, काजी, भार्दारपि सकलें मुना सल्ला साहुति याना शुभ मूहुते भिगु दिन स्वया व अज्ञानशोधन राजकुमार यात छत्रे वबीका राज्यभिषेक बिद्या राजा स्थापना यात । अथे राजा स्थापना याना उगु राजदरवारे सुख पूर्वकं न्याय नीति धर्म राज्ये भोगयाना प्रजागणपिन्त प्रतिपाल याना तया तल ।

हे मैत्रीय, थथे जुजुं छन्हुया दिने थुम्ह अज्ञानशोधन राजा जूसां थःगु पूर्व जन्म यागु खं सम्पूर्ण लुमंका उगु राजदरवारे चवना चवंपि सम्पूर्णहे मनू तेत सतके छोया इमिगु न्ह्योने थुगु प्रकारं आज्ञा दयेका धाल । हे मन्त्री, काजी, भार्दार, सैन्य, सिपाहि, सकल लोकजनपि छिमिसं थौं जिगु खं छगू न्यौं ।

छु खं धालसा ह्वापा पूर्व जन्मे महामूर्ख जुया अज्ञान सिन्धुराजा जुया चवना चवना म्ह जि उगु अवसरे जूसां जी थुगु राज्येभार इत्यादि सम्पूर्ण हे त्याग याना । हानं थःगु देशयात समेतहे तोता प्याहाँ वना चाहिला जुजुं व वं २ नेपाल मण्डल थ्येका श्री स्वयम्भू भगवानयात नमस्कार याना अनं बया ज्ञान तीर्थे वना अन चवना तपस्या यावया चवना । थुकेयागु पुण्यया प्रभावं याना सम्पूर्ण अज्ञान दको नाश जुया बोधि ज्ञान लाना अन्त्ये थुगु थासेहे अज्ञान शोधन राजा धायका जन्म जुया थुगु राज्य चले याना चवना । हे मन्त्री, काजी, भार्दार, सैन्य सिपाही लोकजनपि धका थथे सम्पूर्ण बोधिज्ञान यागु खं कना ज्ञान तीर्थ धयागु तःधंगुहे तीर्थ खः धका सकसियांहे मने लबीका शास्त्र यागु प्रमाण अनुसारं विधिपूर्वकं सामाग्री दयेका जोरेयाना व सकल लोकजनपि फुकहे मूका उगु ज्ञान तीर्थे वने धका अन राजदरवारं प्रस्थान जुया बल । थथ्य व वं २ उगु ज्ञान तीर्थ स्थाने थ्येका अनेक प्रकारं स्नान याना बालुका चैत्य दयेका छत्र ध्वज पताक बोयका सकसियांहे थः थःगु यथा शक्त प्रमाणं चाथ्ये पंचोपचारया पूजा सामाग्री दयेका पूजा याना जप, तप, ध्यान, पाठ इत्यादि याना प्रदक्षिणा याना नमस्कार याना यज्ञादि होम कर्म समेत याना देवतायात अर्घ्य समेत बिद्या पितृयात तर्पण याना अतिथि गणपिन्त दान धर्मयाना थुगु प्रकारं तीर्थ सेवा याना चवन ।

हे मैत्रीय अथे चवचवं २ आपालं दिन बिते जुया वसेलि उगु तीर्थ सेवा यागु पुण्यया प्रभावं थुह्य अज्ञान शोधन राजा प्रमुखं सकल प्रजालोक गणपि फुकसियांहे अज्ञान नाश जुया

बोधिज्ञानया खानि जुइका ज्ञान स्वरूपगु रत्नलाना महाधनाद्य
जुया अन्त्ये स्वर्ग मोक्ष फल प्राप्त जुया आनन्द बास याना च्वन
धका श्री शाक्यमुनि भगवान जूलसां मैत्रीय आदि सकल सभा-
लोक पित्त खँ श्वका ज्ञान तीर्थयागु महात्म्य कना च्वन । श्व खँ
न्यना अन सभास च्वना च्वं पि फुकसियांहे थःथःगु मनयात बोध
जुवीका आनन्द च्वना च्वन ।

इति श्री स्वयम्भू पुराणे ज्ञान तीर्थ महात्म्ये अज्ञान सिन्धु
राजा बोधिज्ञान प्राप्ति अष्टमोध्याय सम्पूर्णम् । ॥



चिन्तामणि तीर्थ

ॐ नमो रत्न त्रयायः ॥ ॥ थनंलि मैत्रीय बोधिसत्त्वं
श्री शाक्यमुनि भगवान यागु न्ह्योने च्वना थथ्य बित्तियात हे
भगवान छलफल यागु मुखद्वारं कना बिज्यागु ज्ञान तीर्थयागु
महात्म्य जिमिसं न्यने धुन । हे प्रभू आः हानं चिन्तामणि तीर्थ
यागु महात्म्य न्यनेगु इच्छा जुया च्वन । छलपोलं जिमिगु उपरे
करुणा तया आज्ञा दयेका बिज्याहुँ धका थथ्य बित्तियागु खँ
भ्यना श्री भगवानं थथे आज्ञा दयेका बिज्यात ।

हे मैत्रीय, छ प्रभिति सकल सभालोकपित्तं एकचित्त याना
भ्यो । श्व खँ गथे धालसा बागमतो व केशावती सङ्गम जुया
च्वंगु यात चिन्तामणि तीर्थ धका नां प्रख्यात जुया च्वन । उगु
तीर्थया बासिन्दा जुया च्वंम्ह बरुण धयाम्ह नागराजा खः । श्व
नागराजा गयोम्ह धालसा तुयुगु वर्ण जुया अत्यन्त तेज पिकया
बिन्ध्य रत्न मालां कोखाया ६ फला धारणा याना उगु फला पतिकं
हे मणि मानिक यागु तेजं जाज्वल्यमान जुयिका च्वना च्वंम्ह
पजाम्ह नागराजां बास याना च्वंगु उगु तीर्थया मेला पर्वकाल
जुइगु गुबले धालसा चैत्र शुक्ल दशमी मेष संक्रान्ति शुक्रवार
पुलि योग चूलाइ बले अन तीर्थमा मेला जुयिगु खः ।

हे मैत्रीय थथिगु उत्तम जुया च्वंगु तीर्थस गुम्ह मनुष्यपिंस्ये
सीका उगु तीर्थे वना स्नान दान याना श्री त्रिरत्न यागु सेवा

याना जप, तप, ध्यान, पाठ आदि याना भिक्षु अतिथि गण
पिन्तनं दान धर्म आदि याना बियो थयो २ पि मनुष्य पिन्त
निश्चयनं रत्न समानगु बोधिज्ञान लाना सुसन्तान प्राप्ति जुया
कोटि धनं संयुक्तगु चिन्तामणि रत्न लाभ दयि धका श्री भगवानं
थय्ये आज्ञा दयेका बिज्यात ।

थय्ये आज्ञा जूगु खं न्यना मैत्रीय बोधिसत्त्वं हानं बिन्ति
यात । हे भगवान, हे निरञ्जन प्रभू, व चिन्तामणि तीर्थे सेवा
याना सुसु उद्धार जुल, हाकनं उगु चिन्तामणि रत्न प्राप्त
याना काह्यः (अर्थात्) उगु रत्न प्राप्त जूह्य सुखः हे भगवान
देवला, दैत्यला, मनुष्यला सुनां उगु रत्न फल लाना कागु,
थुकेया महात्म्य आज्ञा दयेका बिज्याहुं धका मैत्रीय बोधिसत्त्वं
धाःगु खं न्यना श्री भगवानं थय्य आज्ञा दयेका बिज्यात ।

हे मैत्रीय छिमिसं एकचित याना न्यो । परापूर्वकाले
ह्लापा २ बासब धयागु नगरे बास याना च्वंहा सेन धयाह्य
महाजन छह्य दयाच्चंगु दु थ्व महाजन गजोह्य धालसा आपालं
धन दया धनाद्य धायका गुंगु कोटि धन द्रव्यं परिपूर्ण जुया च्वंहा
हानं अत्यन्त पुण्यात्मा सुमति भोगु मनंजुया च्वंहा बुद्धयागु भक्त
जुया च्वंहा थथिह्य महाजनया पुत्र कोटिकर्ण धयाह्य कायमचा
छह्य दया च्वन । थ्व मचा गजोह्य धालसा अत्यन्त सुन्दर जुया
बालाना हृष्ट पुष्ट जुया च्वंहा थयोम्ह महाजनया पुत्र ह्लि ह्लि
सिया ह्लि ह्लिहे शुल्क पक्षया चन्द्रमा बन्हे ज्वीथ्ये बन्हे जुया
क्रमथ्ये तःधिक जुया फ़िन्यादं फ़िखुदं दया उमेर जुया वस्येलि
बौह्यः सेन धयाह्य महाजनं थः पुत्र कोटिकर्ण यात थःगु कुलधर्म

अनुसारं व्रतवन्ध चौडाछेदन आदि सम्पूर्ण यायेसिधेका विवाह
याना बिल । थय्य विवाह कर्म समेत याना श्री सिधस्येलि छन्ह
निन्ह धाधां दग्नि दया वस्येलि थुह्य कोटिकर्ण महाजन पुत्रं
जूसां मने ल्वीका धालकि अहोः जि थुलिमछि वर्य दया वे धूंकल
यजागु उमेर जुया च्वने धूंकल धासेलि थौं जि अबूं दयेका तःगु
धन सम्पत्ति जक थः यथे खेले याना ह्मिता च्वनागु आपालं दये
धूंकल आः जिनं बौन थ्येहे थःगुहे वृत्ति व्यापार यायगु इच्छा
जुया वल । छाय धाःसा थौं बाज्या बौपिसं जक कमाय याना
तंतःगु धन सम्पत्ति यथ्य ख्यले याना च्वंम्ह पुत्र काय मचायात
नामदं धायि उक्ये याकनंहे जि थःगु पराक्रम पिकया धन द्रव्य
दयेका वनज व्यापार याना वगु उगु धन द्रव्य जकहे थःम्ह दान
धर्म याय दतसा अथवा फतसा अलेजकहे जित मर्द धका धायि ।
थय्ये धका मने ल्वीका थुम्ह कोटिकर्ण महाजन पुत्रं सकल वनिया
पासापि सःता थय्ये धाल ।

हे पासापि जिगु खं छगु न्यो । जि रत्नाकर वनज व्यापार
या वनेगु सापहे इच्छा जुया च्वन । छिपिनं वय् न्ह्याला धका
थय्य न्यना स्वत । थुलि व साहु यागु खं न्यना वनिया पासापिसं
घाल । हे साहु कोटिकर्णजू फ़ासं जिपिनं छिक्पि नापहे वये
धका घाल । थुलि धाःगु खं न्यना व कोटिकर्ण महाजनं जुलसां
थःत माकोहे धन सम्पत्ति हया सकल भरिया तेत ज्वंकेत तयार
याका सकसितनं कुबीका ज्वंका यंकेत थीक याना थः बुबा सेन
महाजनया थाय् वना चरन कमले भोपुया थय्य बिन्ति यात ।
हे बुबा जि रत्नाकर वनज व्यापार या वनेगु इच्छा जुल । हे

बुबा छिक्पिसं जित बेला बिया दिसं धका पुत्र कोटिकर्ण धागु
 खं न्यना बौम्ह सेन महाजनया मने संताप जुया छं लिसः बिय
 मफया पलख सूमक च्वना थथ्य धाल । हे पुत्र छं थौं अकस्मात्
 छु खं लहावयागु थ्व छंगु खं न्यना जितः सापहे मने ताप जुल ।
 थ्व जिगु मने बज्रपातं कगुथ्ये बेदना जुल । हे पुत्र जि थौं दतंफतं
 छहे छम्ह जक काय् मचा धास्येलि थौं छं छु धावयागु छं रत्नाकर
 वनज व्यापार याः बने स्वानी । हे पुत्र छंगु भाग्ये जि आपालं
 धन दौलत कमाय याना तया तैगु दु । हे पुता छं पुस्ताभःरि उगु
 धन द्रव्य छं यथे ख्यले याना म्हिता नया जूसां पवीमखू । हे पुत्र
 आवनस्ये रत्नाकर बने बने मत्ये । स्वासां २ छं दुःख सियमते ।
 हानं उगु रत्नाकर बने अत्यन्तहे कष्ट ज्वीक बनेमा । छाय्
 धाःसा अनवोंपि महाजनत उस्त लिहाँ मओपि यकोहे दु । कारण
 आपालं जनावर धूँ, किसि, भालु, चितुवा, सल आदि जनावरत
 दु । हानं चौर धयागु खँतेगु भयनं दाका तेगु भयनं आपालं वया
 च्वनीगु दु । हे पुता तानो, चिकु, प्यास चाल धका धायमरु
 जंगले बास च्वनेमा अनेक नदि गन्धकी, सागर, समुद्र आदि
 तरेयाना बनेमा थयोरगु भयानकगु थासे बनेत छंगु आम कोमल
 जुया च्वंगु शरीर हानं छ बालकतिनि थयोगु कष्टनया दुःखसिया
 छ रत्नाकर बने बनेमते, स्वाकं आमजोगु ज्यूलि कष्ट बी मते
 जि दयेका तयागु धन दौलत त फुक मेपिसं सुनां काःवयी । थ्व
 फुकहे छंगु यथेहे खःनी थौं छंगु कर्म प्राप्त जुगु तोता स्वाकं दुःख
 सीम्वा । हे पुता धया थथ्ये सेन महाजनं थः पुत्र कोटिकर्ण यात
 आज्ञा दयेकल ।

थुलि थः पिता अबुं धागु खं न्यना कोटिकर्ण थथ्ये बिन्ति
 यात । हे पिता न्यना बिज्याहुँ मेता कारणं मखु छल्पोलया
 पराक्रमं धन सम्पति, अनेक हिरामोति माणिक सुवर्ण आदि
 असंख्ये हे धन द्रव्ये पूर्ण जुया च्वंगु खः । हे बुबा तर आजु,
 अबुया दयेका तःगु सम्पति यकोहे दुगु खः । जि दुःख सीम्वाक
 सुख मोजं च्वना थः यथ्य म्हिता नया ज्वीपिन्त भाग्यमानि धका
 धायिमखु । हे पिता, थःगुहे पुरुसार्थ कमाय याना थः यथ्य ख्यले
 याना दान धर्म याये फतसा जकहे दुःख दारिद्र पिन्त प्रतिपाल
 याना सुख ऐश्वर्य याय फेकुसा जकहे वत धाई पुरुसार्थम्ह काय्
 मचा धकाः । थुलि याना च्वनी म्हेसित हानं कुलया काय्मचानं
 धायि थः आजु अबुया नां तम्हनं धायि, हे पिता जि नं छल्पोलं
 दयेका तःगु धन सम्पतिस थये यानातय फुसा जक स्थिर ज्वी
 अथे याय मफेक ह्लि ह्लि उके च्वंगु जक कोकयां गन स्थिर ज्वी,
 हे बुबा थ्व शरीरे गुलि सुख, गुलि दुःख सुख दुःख यागु छुंहे
 बिबेक मदु सी धयागु जि काल त्योम्ह जूसा छं जक च्वना च्वंसा
 सी अन वोंसा सी । सीहे मत्योनिम्ह जुलसा थन च्वनानं सीमखु
 अन वोंसां सीमखु बिना काल हे मत्यकं सुनं सीमखु । उक्थे जित
 गना बिज्याय मत्ये छपिसं हे पिता । काय्मचायात देश परदेश
 सीकेगु खः इष्ट मित्र सीकेगु खः कमाय यायगु नं खः । उक्थे
 जित बिदा फोने धका वया च्वना । थुलि थः पुत्रयागु खं न्यना
 सेन महाजनं धाल । हे पुत्र कोटिकर्ण सार्थवाह छं धागु खं थिक
 जूः तर स्वाकं दुःख कष्ट सम्म नेमते धयागु खः आः छं आमथ्य
 हे धास्येलि जि छु धाय हे पुत्र । छंगु मनोबान्धा पूर्ण ज्वीमा

छें लाभ दयेमा । लाभ दयेका याकन लिहाँ वय फयमा । श्री
त्रिरत्न देवतानं छन्त रक्षा यायमा धका थथ्ये आशिर्वाद बिया
थः पुत्र यात बिदा बिल ।

हे मैत्रीय अथ्ये थः बुबा याके बिदा कया चरण कमले
भोपुया व कोटिकर्ण हानं थः मांया थाय् वना मांयागुनं चरण
कमले भोपुया बिदा फोना च्वन । हे माता जि रत्नाकर बनज
ब्यापार वनेगु इच्छा जुल छपिसं जित बिदा बिया बिज्याहुँ धका
बिन्ति याना च्वन । थुलि खं न्यना माम्हेसिनं धाल हे पुत्र
कोटिकर्ण हाः हाः थौं छँ छु खँ लहानागु । जिमिगु थव प्राणया
आशा दतनं फतनं छहे छम्ह खः छँ अथ्ये बनज ब्यापार वनेवं
थव जिमिगु प्राण लेनी मखुत हे पुताः अवस्ये छंगुजक सुतकिया
जिपिं ब्यथा जुया मृत्यु जुयो सिना वनी । हे पुत्रः आम खँ छता
ल्हायमते छ अति कोमल तिनिः छँ दुःख सियगु बखत मखुनी ।
छथिजाम्ह काय् मदयेका जिमिगु प्राण गथेयाना स्थिर ज्वीका
च्वने धका धागु खँ न्यना माम्हेसित कोटिकर्ण थथे बिन्ति यात ।
हे माता छपिनिसं आमथ्य धयादी मते । छपिनिगु धर्म जित छुँहे
ज्वी मछुत । निश्चय रत्नाकर बने वनेगु जुल । हे माता जित
छपिसं आशिर्वाद बिया बिदा बिया प्रसन्न जुया बिज्याहुँ धका
थः मांयागु चरण कमले भोपुया थः स्त्री पित्तनं सकल मेमेपित्तनं
बोधि बिया थः पासापिं सकलें मूँका आपालं धन सम्पति माल
मत्ता फुक कया तयार याना उँथयागु गारां सायका असंख्ये
ब्यापार यायिपिं पासापिं सहित याना व कोटिकर्ण सार्थवाह
महाजन रत्नाकर बन ब्यापार वने धका उत्तरापंथ दिशा स्वया
थःगु छेनं तोता प्रस्थान जुया वन ।

हे मैत्रीय, थथ्ये ववं २ फिनु फिनिनु दया वस्येलि अनेक
पर्वत नदि ग्राम पुला ववं ब्रम्ह पुत्र नदिस थ्येन व नदियात स्वया
नमस्कार याना माफियात सःता धया मागु दस्तुर पुला उगु
नाउलि च्वना कोटिकर्ण आदि सलक वनियापिं फुकहे उगु दुँगास
च्वना व ब्रम्हपुत्र नदि तरेयाना वन । अथ्य ववं कथ्ये लहासा
देश छगुलि द्वाहाँ वना थः बुबाया पुलापिं पासापिं इष्ट मित्र
पिनिगु छें वना थि थौं कुशल वार्ता याना बिचार याना अनेक
चिजबीज माल मत्ता मेरवानितया शिष्टाचार याना धाल ।
हे महाजन गणपिं सेन धयाम्ह महाजनया पुत्र कोटिकर्ण धयाम्ह
सार्थवाह जिहे खः जि जूसां छिकिपिनिगु दर्शन यायत वयाम्ह
हे साहु जित छुँ मालताल भतीचा दयातया दोमाल धका
धाल ।

थुलि धागु खँ न्यना व महाजन पिसं धाल । हे कोटिकर्ण
सार्थवाह महाजन फास २ दुने फासं जिमिगु ख्वपि दुने फासं
छिकिपिनि बुबा सेन धयाम्ह महाजनपिं जिमिसं म्हम्यूपिंहे खः
आपालं हे दत थन मझागु कुशल जू मखूला धका धया अत्यन्त
मानेयाना अनेक चीजबीज हया न्ह्योने तया खानपान याका
मुख शुद्धि बिया मेरमानितया आनन्दं लछि निलातक अनहे बास
बिया महाजन पिसं व कोटिकर्ण सार्थवाहं धाःधागु नवरत्न हेरा
मोति, माणिक, सुवर्ण रत्न पात पताम्बर आदि अनेक चीजबीज
माल सामान असंख्ये खरिद याना बिक्री याय्माको बिक्री यात ।
थथ्य थ त माको सम्पूर्ण माल खरीद याना थः पासा पित्त सःता
उगु सम्पूर्ण माल यागु भारी कसेयाना तयार ज्वीका प्यन्हु

न्यान्हु तक अनहे मुकाम याता च्वना मागुतक खँ लहाना सिधयका
छन्हु थुम्ह कोटिकर्ण सार्थवाह महाजन जूसां व सम्पूर्ण मालयागु
भारी गारास थना थः नापं ब्वना हयापि बनियापिन्त जिम्मा
बिया अन च्वं पि साहु महाजन थः इष्टमित्रपिके बिदा कया
नेपाल बने घका अनं प्रस्थान याता प्याहाँ बल । ववं २ क्रम
सित ब्रम्हपुत्र नदिस नतू थ्येका व नदी तरेयाना संपूर्ण मालतया
हयागु गारा उँथ यात सायका उगु सामान दक्वेसं चिन्ह तया
ह्लापा २ छोया हया च्वन । थय्य व दको माल यागु भरीयातेसं
जिम्मा कया चिन्तना याता वया च्वन । ववं २ प्यन्हु च्यान्हु
यागु लैन लिहाँ वे धुस्येलि संयोगवस मरुभूमि थासे लावना छगु
तस्सकहे ग्वोफेवया लंगु तना व्याको पासापि छस्ये लावन । थः
याकचा जक छस्ये लात । थय्य जूगु स्वया मने हथायचाया त्रास
जुया थःम्हं गथा वयाम्ह गथायात ब्राकेयंकेगु विचारं उगु लें
यागु बासना ननुतू बिस्तारं वया च्वंम्ह गथायात दाया सास्ना
यात थय्य सास्ना यागुलि सहयाये मफया व गथा ऊनहे नरभम
जुया लःयागु प्यास ज्वीका थ गुम्ये न्हचतुन्हचया स्ये स्ये फूँ फूँ
वयेका न्यासि बनेगु तपहे दिना बिल । थ्व स्वया आपत ज्वीका
कोटिकर्ण सार्थवाह महाजनया मने दुःख ज्वीका धालकि हाहा
थ्व छु धयागु जूगु स्वस्वः जि नाप वयापि पासापि गन ला वन
जि गन ला वगु यौ पासापि नापं बियोग ज्वीकाजक च्वने माल
धयानं थ्व गथायात समेतहे परिश्रम ज्वीका लःयागु प्यास ज्वीका
समेत सनेहे मफेका च्वने धूंकल जितजा परिजावस धका थय्य
धया व गथा यात तोता थः याकचाहे पासापि लुमंका अनं प्रस्थान

जुया ब्वाँ ब्वाँ वन । अथे ववं ऊन ऊनहे व कोटिकर्ण सार्थवाह
महाजन यात मखु मखुगु लें लाना दक्षिण दिशा पाखे स्वया
बना च्वन ।

हे मैत्रीय, अयोगु बखते व सकल बनिया तेसं थः साहु
कोटिकर्ण सार्थवाह महाजन छस्येलाना सर्वत्र थासे पतिकं खोज
तलास याता माः जुलन लुइकेगु सामर्थ्य मदया संपूर्ण थःम्हं
जिम्मा कया तयागु माल सामान दकोहे ज्वना थुपि बनियात
दक्वहे वना सेन महाजन यात दुके याता बिल । उलि माल
दको बुके याता काये धूँकाः सेन महाजन थः पुत्र कोटिकर्णयागु
खाल मखना थुगु प्रकारं धाल ।

हे बनिया गणपि जिम्ह काय् कोटिकर्ण ग्वले गन वन
छिमिसं छाय नापं ब्वना मयागु, गथेजुल, छु जुल धका थय्य
न्यस्येलि थ्व खं फुक न्यना व बनिया पिसं धाल ।

हे नाथ श्रमाः संपूर्ण माल मत्ता खरिद याय धुस्येलि उगु
देशं प्यहाँ वया ब्रम्हपुत्र नदि तरे याता वया बले महा दुर्गा वन-
पा दथ्वी लात । अनं वया मरुभूमिया थासे लात । अन थ्येका
जिमित न्हापा छोया हल थः लिउने च्वना बल । उबले लाक
तःबंगुहे ग्वोफेवया फुकहे छस्येला थुस्येला मदयेक जुया वन ।
लिपा स्वयांला जिमिसं खँकेहे मफुत । अथेनं जिमिसं व सार्थवाह
यात उह्ये थुस्ये यत्र तत्र हे मदयेक माः जुया । थय्य मालानं
त्वोकेहे मफया नुग मछिनका आछुयायगु सितला, स्वानिला,
गन वन धका हाला स्वया बिन्ति यात ।

अथ्य व बनिया पिसं धागु खं फुक न्यना सेन महाजनया

नुगः मद्यिना हाहाकार ह्यया विलाप याना शोक याना च्वन ।
उख्ये लंतना मखुगु ले वना च्वंम्ह कोटिकर्ण सार्थवाह महाजन-
यानं थः पासापि बनियात लुइके मफया लःयागु प्यास चागु
सहयाय मफया मनस त्रास जुया धाल । हाः हे दैव जि बुवांजक
ह्लापा धागु खः । आः व धागुथ्ये जुल । हाः हे भगवान जि गन
वना लः त्वं वनेगु, गनवना जित रक्षा ज्वी । हे दैव त्रिरत्न देवता
धका धया अननं दक्षिण दिशा स्वया सरासर हे गमन याना
वनाहे च्वन ।

हे मंत्रीय, थय्ये ववं प्यन्हु च्यान्हु वने धुस्येलि थःगु कर्मया
प्रभावं उगु कर्मभूमि जमद्वारे लाःवन । अन आपालं मनुष्यपिसं
थः थःगु कर्मानुसारं याना च्वंगु कर्मया मुक्तमान दर्शन जुल ।
थय्ये कर्मयागु भोग याना च्वपि दर्शन याय धुस्येलि हानं
मेगु नगर छगू खने दया वल । व नगर गयोगु धालसा अत्यन्तहे
भयंकरगु जुया मूलगु धवकास जवें खवें अतिहे भयानकं कृष्णवणं
हाकुस्य च्वंगु मूर्ति जुया च्वंपि थयोपि निम्ह च्वना गदा छगः २
पाछाया उगु धवकास जमदूत धयापि निम्ह पाः च्वना च्वन ।
ध्व स्वया लःयागु प्यास चागुहे चायकानतूं सहयाय मफयका थुम्ह
कोटिकर्ण सार्थवाह महाजनया मने ग्यागु पहलं इमित स्वयाच्वन ।

थुखे थःगु छे पाखे बौम्ह सेन महाजनया थः पुत्र कोटिकर्ण
यमलोक हे वन धयागु भालपा पुत्र व काय्या नामं जन्म पत्रिका
दाहयाना थःगु कुलाचार थ्ये गृह शुद्ध होम याना मागुकर्म कृया
आदि याना वयागु नामं आपालं हे दान धर्म याना वयागु नामं
भोगु क्षेत्रे शुद्धगु यासे बुद्धालय आदि तस्सकंहे बांलाक देवालय

छग दयेका व देवालये थाय यासे सालिक शासन (संस) तामापत्र
सिलापत्रादि ताःचा अनेक सतल पौवा पाति सकतां दयेका प्राण
प्रतिष्ठादि याना थः पुत्र कोटिकर्णयागु नामं दयेका तयागु धका
तासे याना पुत्रया मचावने म्हितोगु न्हचवसा सितार, गितार,
सारङ्गी, धवलक बाजा आदि छु छु खः सकतांहे उगु छगले
संसताना वर्य बन्धन गोष्ठि आदि प्रीति याना पुत्र शोक ज्वीका
च्वना च्वन ।

हे मंत्रीय, उख्ये यमद्वारे वना च्वंम्ह कोटिकर्ण जमदूत आदि
व देशया धवका सम्पूर्ण स्वये धुस्येलि थःगु मनं धालकि अहोः
थुलिमछि दये धूंकल जि लः त्वनेमखंगु थौं तिनि जि तृप्त ज्वीक
लः त्वने दयिका धका मने तया व यमद्वारे पाः च्वना च्वंपि
जमदूत पिके न्यना स्वत हे द्वारपाल पुरुषपि थन यासे लः छक
त्वनेगु दयिला । जित लः छक त्वंकिरे द्वाहाँ वने ज्यूला धका
न्यना स्वत । थय्ये न्यना स्वतनं छुंहे मधा । इपि निम्हेसिनंन
स्वयाजकहे च्वन । ध्व स्वया कोटिकर्ण लः त्वने प्यास चाया
च्वंगुली हानं छक न्यन । थय्ये निक स्वक तक न्यनंन इमिसं
छुंहे मधास्येलि लःया तृष्णा सहयाय मफया ध्व देशे लः अवस्थ
दयो धका छुंहे मधासे मग्यासहे निधंकं हे थुम्ह कोटिकर्ण उगु
धवखाँ द्वाहाँ वना स्वःवन । थय्ये स्वःगु बखते अन स्वः स्वःगु
यास सृंछम्ह लोकपि धकान दुगु मखू ँगपंछि छम्हं धकानं सूं
हाःस ताय दुगु मखू । कीः पतङ्ग तेगुनं छूं शब्द मदु । महा-
भयानक फ़िफ़ा मफ़ां दना उख्ये थुख्ये काचाक जोनाकाइथ्ये ।
हानं न्हेपे जक हुनुनुनं हाला स्वेहे भयानक जुया ग्यानपुस्ये च्वना
च्वन ।

हे मंत्रीय, व नगरया दुने दध्वीसं आयासामकोस धयागु नैयागु छे छखानं दु । उगु छैया दुने हुनुनुनं हाला हःगु शब्दनं साय दया च्वंगु दु । उगु व शब्द न्यना धया छोलकिः हे हे देश-बासी जनपि जित अतिहे तृष्णां पीडित जुया च्वन जित जलदान छक ब्यू धका धया छोट । अथे लः यागु शब्द नां कागु धयाहःगु ताया उगु आयासाया दुने च्वना च्वंपि प्रेतलोकपि पिहांवया थुपि सकल प्रेतपिसं भुतुभुना व कोटिकर्ण यात धाल । हे महापुरुष जिमित ब्यूरे जलदान याकनहे हतिः लः त्वनेगु धका थथ्ये सकल प्रेतपिसं भुतुभुना व कोटिकर्ण यात तोपुया हाला च्वन ।

हे मंत्रीय, व प्रेतत गयोपि धालसा हाकुस्य च्वना सँ धासा फँ फँ कोय्थ्येक वया च्वंपि, प्वा धालसा पर्वत समानं तग्वःपि, ग.प धालसा चिकिपु, कथु प्वा धालसा चिप्वापि, म्हुतु धाःसा मुनुया कें प्वाथ्ये, सः धालसा बिशब्दं महा भयंकर, मिखा धालसा गुलि २ च्यासे द्वाहांव थयोपि भयानकं जुया च्वंपि प्रेत लोकपिसं लः नां कास्ह सुखः जिमितनं लः तोंकि, हे महापुरुष धका थथ्ये हाला च्वंगु स्वया कोटिकर्ण इमित धाल । छु कारणं छिपिं थनला वलले, छिमिसं जित लः तोंके मफुला धयावने जिपिंहे थथ्ये धका धाल । थ्व खँ न्यना प्रेततेसं धाल । हे महापुरुष, जिपिं ह्वापायागु जन्मे मनुष्य धायका च्वना बले थःके दुगु चीज बीज खाली थःहं जक थः परिवारं जक नया त्वना उपभोग याना वया सँ परिवार विस्तया लागि छुंहे दान बिया मवयागुलीं याना थौं थजागु कर्मभोग याय् मा.गु खः । हे महापुरुष, जिमिगु नां खः सुचीमुख धयापीं प्रेत धायका जन्म कया दु.ख भोग याना च्वने मा.गु । हे महापुरुष, छिकपीं थन च्वने

मते, जिपिंथ्ये लः त्वने प्ये चायका दुःख ज्वी । थौं जिपिं आपाल हे वर्ष बिते जुया वने धूंकल थुगु दुःख भोग याना च्वनागु । हे महापुरुष कोटिकर्ण छि याकनहे थनं कुशल पूर्वकंहे लिहां कासँ धका धाःगु खँ न्यना ग्याना हथासंहे उगु यमद्वारा धवखां पिहां वल । थ्व स्वया द्वारपाल पिसं धाल । हे मानव छे दुने वना छु स्वया वया, छे स्वय् धुन मखुला काहुं छ थन च्वने मते धका धया हलः । थुलि धागु खँ न्यना थुह्य कोटिकर्ण ग्याना दक्षिण दिशा स्वया दुहां दन ।

हे मंत्रीय, थथ्ये ववं हानं मेगु छगू थासे थ्येक वन । उगु थासे नैयागु दयेका तःगु छखा छे खन । अथे व छे खनेसात अनला अवस्यहे लः त्वनेगु दयी धका मनेतया उगु छे द्वाहां वना चाकमकलं स्वः जुल ।

हे मंत्रीय, थथ्ये स्वःवले वं अन ऊंगपंछि छह्य जकहे खंके नं मफु स्वंगुहे अगोचर खनेनंमदु । ऊँकामऊं दना व कोटिकर्ण-या त्रास चाया ग्याना अनवने थनवने मसिया छगू फलचाथ्ये दयेका तःगु खना अनवना छथाय केकुना च्वना च्वन । अथे च्वना च्वच्वं क्रमैसित दिन बिते जुया रात्रीया समय जुया वल । रात्रीया छगू प्रहर जास्येलि अकस्मातं स्वर्ग सुवर्णयागु बिमाने प्यह्य अप्सरापि प्यकुने च्वना दध्वी पुरुष छह्य तया उगु बिमान वतहया कोटिकर्ण च्वना च्वंगु फलचा.कोसं न्हचोनेहे दिकेहल । थ्व स्वया व कोटिकर्णया अति अद्भूत आश्चर्य जुया मनं भापिया धाल । अहो आश्चर्य थन छु ज्वीन ज्वी, अवश्य छगू हेतु ज्वीन धका इमित स्वया च्वन ।

हे मैत्रीय, व अप्सरात गयोपि धालसा साक्षात् लक्ष्मी, सरस्वती समान जुया च्वंपि थजापि अप्सरापिसं व कोटिकर्णयागु न्ह्योने च्वना दश्वी उह्य पुरुष यात तथा अनेक मेवामिठान मरिचरि मुखशुद्धि ग्वाः ग्वे आदि फुक तथा भोजन याका उह्य पुरुष यात अनेक प्रकारयागु पात पिताम्बरयागु लासा लाया फुङ्गतया थ्यना वयागु सर्वाङ्ग शरीरे वस्त्र तोतका अनेक सुगन्ध बास वया च्वंगु चिकं आदि बुइका व प्यह्य अप्सरापिसं अति प्रेमभावं तुतितोका थोः थोः परस्पर ख्वा स्वया चुम्बन आदि याका तनुमर्दन याका अनेक प्रकारं प्यह्य अप्सरापि नापं ख्या याना सुखं रसरङ्ग याना शुरतक्रिडा याना आनन्दं ह्यिता च्वन । थथ्ये रसरङ्ग याना च्वच्वं २ रात बिते जुया प्रभातकाल जुया वस्येलि थुपि प्यह्य अप्सरापिसं व पुरुषयात जोना यंका कोटिकर्ण च्वना च्वंगु फलचाय् थामे प्यपूंक चिना थुपि प्यह्य बिमानेसंतू च्वना स्वर्गेतंतू थाहाँ वनी । थ्व खना कोटिकर्ण जूसां व चिना तह्य पुरुषयात स्वया मने त्वीका च्वन । थ्व सुखः, थ्व यात जि ह्यम्यूह्य थ्ये च्व । अहो आश्चर्य थ्वया रात्री धालसा गयोगु सुख, दिने धालसा गयोगु बन्धन याना तल । थ्व छु हेतु धका मने त्वीका च्वन ।

हे मैत्रीय, अयोगु बखते अकस्मातं प्यह्य खिचा महाबेगं ह्वां २ वया व पुरुषयात स्वया ह्वां ह्वां उना च्वन । थ्व खिचात गजोपि धालसा धुं यागु ख्वाथ्ये च्वना च्वंपि, त्रिदन्त धःवा ताःहाकह्य जुया सिंहथ्ये बलदया भयानक मूर्ति जुया च्वंपि थजापि खिचात प्यम्हेसिनं व्वांय वयाकथनहे विचिच्याना वांन्याना तुती पाली च्वंगु ला नल । निम्हेसिनं खम्पाया ला

नल । हानं म्येम्हेसिनं जनकाया ला नल । अथ्ये व खिचातेसं पालंया याना गुलीं भोरि पिकया नपीं, गुलीं लप्पायागु ला नपीं, गुलीं न्यता पांय यागु ला नपीं । थुगु प्रकारं थः थथ्ये खेले याना व पुरुषयागु म्हे च्वंगु ला चः चः फुना व खिचातेसं नया च्वन ।

हे मैत्रीय, अथे व खिचातेसं न्याना ला जक नया क्षन मात्रं बवे जक ज्वीक यातनंहे व पुरुष मसीः मृत्यु मजु । उगु बेदनां सहाय मफया आयामः हील २ धका ख्वा त्त्वों त्त्वों व्वाना सर्वाङ्ग शरीरे फुकहे रक्तधारा हायका बिशब्दं २ ख्वा च्वन । अथे जूसांहे व खिचा प्यम्हेसिनंहे व पुरुष यागु ला नया तृप्त ज्वीका प्यम्हंहे लेले ताया ख्या याना बिस्मं वन । थथ्ये व पुरुषयात बेदना जुया ख्वा च्वंगु, कष्ट जुया, पीडा जुया हाला च्वंगु थ्व सक्तांहे स्वया व खना ग्याना कोटिकर्ण आत्ते जुया च्वना स्वया च्वन ।

हे मैत्रीय, पुनर्बार हाकनं दिन बिते जुया रात्रीया समय जुया वयो । वहे प्यह्य अप्सरापिसं ह्वापार्थे नतूहे ख्वर्गं व्वहाँ वया उगु थासे थ्यंका व पुरुषयात इमिसं खिपचिना सःगु फेना ह्वापार्थे नतूहे बिचार याना मागु वासलं पाका बिल । व वास गयोगु धालसा ह्वायपाका मात्रंहे तुरन्तहे ला बुया ह्वापार्थे नतूहे ह्ण्ट पुण्ट शरीर जुया बाँलाना वंगु । अजागु वासलं पाका अत्यन्त बास वया च्वंगु चिकनं वंगु शरीरे न्यंकनंहे बुयिका थुलि याये धूँका अनेक प्रकारं ह्वापा स्वयानं आपालं रसरङ्ग याका, शुरतकीयादि याना बरो आनन्दं तथा अत्यन्त स्वाद दुगु

रसबुगु इत्यादि सामग्री तथा भोजन याका मुख शुद्धि आदि बिया
आनन्द उगु रात्री हना च्वना च्वनीगु ।

हे मंत्रीय, हानं सुथे उवी व पुरुषयात जोना उगुहे थासे
फलचायागु यामेतूं प्यपूंक चिना थ.पीं स्वर्गेनतूं थाहौं वनीगु ।
अले ह्यापायापीं खिचातनतूं वया वयात सर्वाङ्ग शरीरे न्याना
वयागु माम्स ला नया वनीगु । थुगु प्रकारं वया अस्थिपञ्जर
धयागु ववे जक उवीक आपालं कष्ट नका दाह उवीका आयाम
जि च्वने मजिल, हील, स्यात धका स्वया हाता ह्यह्महें हि
स्वोस्वो वयका थथ्ये सास्ति नया च्वना च्वनीगु थुगु प्रकारं कष्ट
नया स्वया हाता चोंगु खना हाकनं व पुरुषया रात्री जुल धायवं
धालसा स्वर्गयापीं अप्सरा नापहे सुखक्रिडा याना च्वने दुगु स्वया
श्व खना आश्चर्य जुया उगु फलचाय च्वना च्वेहा कोटिकर्ण
सार्थवाहया जुलसां मने खें ह्याना धालकि अहो श्व पुरुषयात
गयोगु जुया च्वंगु स्वो सुखनं याकातल, दुःखनं उवीकातल ।
श्व छु धयागु जुया च्वंगु धका मनेतया म्या न्यां तीजक व
पुरुषयाके न्यन । हे पुरुष छ सूः, छला जि म्हस्यूम्हथ्ये च्वों
छेला तसकेंहे अधोरे पाप याना वोगु दुथ्ये च्वे । छाय धालसा
आमछे कष्ट नया च्वंगु खना जि तसकेंहे आत्ते जुल । रात्री
धालसा गयोगु सुख, दिने धालसा गयोगु दुःख, कष्ट । हे पुरुष,
छें छु याना वयागु पापं थयोगु कष्ट नया च्वने माल धका
कोटिकर्ण यागु थुलि खें धागु न्यना व पुरुष धाल ।

हे भाजु छित जिनां म्हहेस्यूनी क्रिजि छनू परिचिन
व्यक्तिहे खः आपालं दे दुगु मखुनी । जि ह्यापायागु जन्मे बासव

धयागु नगरेसँ नाय्यागु कूले जन्म जूह जि खः । जि कायपि
प्यम्ह छु । जि सुथ ह्यापां दना नसंचांसिसें अनेक देव देवी पित्त
पूजा भाव याना च्वनेगु । अनेक तीर्थ चाहिला उवीगु । ह्मिने
जुल धायवं थःगु बृति व्यापार अनेक पशु म्येत आदि स्याना
ला मियगु व्यापार याना च्वनागु । हे भाजु, थुके यागु फल था
थुगु कष्ट भोग याना च्वनेमागु । आः छुयाय, छिस्ये स्वया दी
धुन मखुला जिगु कर्मभोग । अँ छिक्पि छायले थन कायागु
छिक्पिनी बाः यागु नां सेन धयाम्ह महाजन मखुला । छिगु
नां कोटिकर्ण सार्थवाह धयाम्ह मखुला । हे भाजु, थन इहलोक
मखू । थनजा परलोक धयागु छित देव केना हल खः । आ छि
थन च्वने म्याल यावनं कासँ, बरु श्व जिगु बुखें छता जि काय
पित्त थ्येनका ब्यू । मेतां मखु माम्स लामियगु ज्या व्यापारे
छता यायमत्ये धका धाः थुलि जिगु दुख कष्ट जुया च्वंगु
सक्ताहे खें छक कना ब्यू । हे भाजु, खर्च मदुसा अन छेया
छपली कुतो प्वाकले तःलेतया जि स्वोथना थुनातया तेंगु सुवर्णया
घःले असफि दंक तयातेंगु दु व लिक्या उक्थे चाछि अनेक तीर्थ
यात्रा आदि धर्म कर्म याना याचकपित्त दान दावव्य याना ब्यू
धका घया दिसँ । मूलज्या माम्स लामिगु व्यापार छता तोता
ब्यू धकानं थुलि जिगु बुखें छक लुमंक धया ब्यू । हे भाजु, थुलि
छिके जिगु कोटि २ बिन्ति धका धाःगु व नाय् यागु खें न्यना
कोटिकर्णया मनस अति पसंतापचाया वयागु न्ह्योने थथ्ये धाल ।
हे नाय् पुरुष जि छिमि काय प्यम्हेसितनं धया बीगु जुल ।
छें छूं चन्दा कायम्हाः धका थुलि धया कोटिकर्ण उगु थःस

हथासंहे थःगु छें वने धका लिहां वगु बखते हाकनं मेगु थासे लावन । थुबले दिनहे तिनी । अननं अथ्येहे पुरुष छम्हे सित चिना तयातल । उगुबखते छगू बिमान जुकेहल । उके छम्ह नारकी पुरुषनं तल थव नापं छम्ह दिव्य सुन्दरी मिसा छम्ह वया ल्ही ल्हीहे व पुरुषयात नापंतया अत्यन्त सुखपूर्वकं दिन हने धुंका जब रात जुस्येलि उगु बिमान व मिसानं अन्तरधान जुया वन । अले व मिसाया सत्ताय अत्यन्त ग्यान पुस्य तःधिकम्ह न्हेबि छम्ह बल । व न्हेबीं उम्ह पुरुष यागु म्हे तुतीं नस्ये छ्योने थ्येकहे न्हेहीहिना वंगु छ्योने न्याना न्हयपुहे नया कष्ट बिया चवन । थव स्वया कोटिकर्ण यात आश्चर्य जुया व पुरुष यात धाल । हे पुरुष छं छुकारणं थथ्ये प्रत्येक दिने सुख, प्रत्येक राते कष्ट भोग याय मागुया कारण छायले । थव सास्ना नेम्वाक उद्धार यायगु छं उपाय उपकार दुसा धाः धका थथ्ये धागु खं न्यना व पुरुष धाल ।

हे पुण्य महेश छं जित म्हेस्पूहे ज्वी । जि ह्वापाया जन्मे बासब नगरया छम्ह ब्राम्हण जुया चवनाम्ह जि खः । जि ल्ही ल्हीहे थ गु कूलं वोगु ब्राम्हण ज्या चले याना जोबिका याना चवना, राते २ परस्त्री गमन याना वया । थयोगु मखुगु कुकर्म ज्या याना वयागुलि थुगु पापं याना थों थुजोगु कष्ट नया चवने माःगु । आः जित थव सास्ना नय म्वाक उद्धार, रक्षा ज्वीगु बिचार दुसा हे पुण्य महेश, जि धयागु थव बुखं छगू ज्वना जिगु छं काय् म्हेचाय् जाहान परिवार पित्त थन जित जुया च्वंगु व्याकोहे खं छक कना बोधयाना धया ब्यू । खचं मदुसा जि

ह्वापा होम यायगु अग्नि सालाया क्वे सुवर्णया चीगोगु कलश छग गारे याना तयातयिगुदु । थव चीज लिक्का जिगु नामं दान प्रदान याना छगू तीर्थे पिण्डदान छक जि काय् पिनि पाखें याका ब्यू । थुलि यासा तिनी थन जित रक्षा ज्वी धका थथ्ये धागु बुखं छकूचा उम्ह नारकी पुरुषयागु पाखें न्यना थुम्ह कोटिकर्ण हथाय् चाया थःगु छें वने धका वया चवन ।

थनंलि हे मैत्रीय, सेन धयाम्ह महाजनया थ. पुत्र कोटिकर्ण दिवंगत जुया परलोक वन धका निश्चय याना वयागु नामंसं पूर्ण माः माःगु क्रिया आदि याय धुनका वंगुहे नामंनतूं छगू शहरया बवसंतूं देगः छगः दयेका न्ह्योनेसं सतल, हिति, पुखू आदि समेत कीर्ति दयेका प्रतिष्ठादिन धुंका वहे कोटिकर्ण बालक बले म्हितीगु न्हयवसा ज्वलं दक्वहे बस्तुत फुक वहे देगलेस शासनताना कोटिकर्ण सार्थवाह महाजनयागु नामं दयेका स्थापना याना तयागु धर्म कीर्ति धका सिलापत्रस, तामापत्रस उल्लेख याना चवया उगु देगले ताना, तिका तयातल ।

थुजोगु बखतस थुम्ह कोटिकर्ण आपालं नारकी पुरुषतेगु वेदना जुया च्वंगु स्वया थम्हं म्हेस्पूपि निम्हेसिगु बुखं ज्वना वया च्वंगु बखते छगू देव संजोगं गुगु कर्मभूमि उत्रे जुया आपालं थायथासे बिस्तार याना बे मागु लं लिना ववं २ दँन दहे बिते ज्वीका बल्लं २ थःगु देशे थ्येक वया सकल लोकपित्त न्वोतुया कुशल वार्ता याना ववं वहे थःगु कीर्ति दयेका तया तःगु स्थाने प्यन । अन उगु स्थाने स्वया मने ल्वीका धालकि अहो गजोगु अपूर्व जग्गाय दयेका तःगु थव स्वयागु जग्गा ह्वापा मदुगु धका

धया उगु अत्यन्त मनोहर जुया बाँलाना च्वंगु थासे चाहिला स्वो जुगु बखते हाकनं मेगुनं खनः थः मचाबले म्हित्येगु वस्तु आदिनं फुकहे व देगले शासन ताना तःगु खना थव स्वया धालकि अहो, थव वस्तुजा जिगु फुकहे खः मेपिगु मखू । थव छाय थन ताना तथा तःगु लाःसा जिगु नामं जकं दयेका तःगुला धका मतीतया अन तिका ताना तःगु सिलापत्रस च्वया उल्लेख याना तःगु आखः बोना स्वत व फुक हे थःगु नामं दयेका तःगु कीर्ति जुया च्वन थव स्वया व कोटिकोर्ण धालकि हाहाः थव जिगु जन्म धिकार २ थो जि जूसां मृत्यु जुम्ह जुल । आः जि थःगु छे वने मजिल । जि गन वने गन च्वने धका थथ्य हाला च्वबले उथाय मगध देशयापि ब्राम्हण निम्ह गृधकूट पवते श्री स्वयम्भू भगवान दर्शन याय धका वया च्वन । थथ्य थुपि निम्ह वगु खना इमित व कोटिकर्ण धाल ।

हे महापुरुष, त्रिकपि गन जाय त्यनागु धका धागु थुलि खँ न्यना इमिसं धाल । हे महापुरुष जिपि गृधकूट पर्वते बिज्याकम्ह श्री स्वयम्भू दर्शन यावने धका वया च्वनागु । छाय थ्ये धका धागु खँ न्यना कोटिकर्ण धाल ।

हे महापुरुष, आसेसा जि छम्हनं बोना यंकी । जिनं श्री स्वयम्भू भगवान दर्शन याःवये धका धागु थुलि खँ न्यना ज्यू २ कासं कासं धया थुपि स्वम्हहे गृधकूट पर्वते वने धका अनं थाहाँ वना श्री स्वयम्भू भगवान दर्शन याना जप, तप, ध्यान आदि याना पंचोपचार पूजा याना अष्टाङ्ग प्रणामं नमस्कार याना च्वन । अयोगु अवसरे श्री भगवानं व कोटिकर्ण सार्थवाह यागु खा स्वया आज्ञा दयेका बिज्यात ।

हे कोटिकर्ण छ छाय गुबलेसंहे मवहा थौं अकस्मात थन बल । छुया कारणं थन वयागु धका थथ्ये न्यना बिज्यास्येलि थव खँ न्यना कोटिकर्ण ह्लाहा निपां बिन्ति याना धाल । हे भगवान सर्वज्ञनाथ जि छल्पोल यावये छु बिन्तियाये । जिगु दुःख छपिसं सिया बिज्यागुहे खँ । हे परमेश्वर धका थुलि बिन्ति याना धाःगु खँ न्यना श्री भगवानं आज्ञा दयेका बिज्यात ।

हे कोटिकर्ण, छँ परलोके च्वपि पुरुषपिसं धया हःगु बुखँ फुक कना वय् धुनला । हानं छँ माँ बौ यात दर्शन याना वय् धुनला धका आज्ञा दयेका बिज्यात ।

थुलि आज्ञा दयेका बिज्यागु खँ न्यना कोटिकर्ण बिन्ति यात । हे भगवान, जिनं व बुखँ फुक कना मवयानी । माँ बौ यातनं दर्शन याना वय् मधूनी । हे भगवान, आः वना जि व खँ कना वय् ज्यूला । हानं जि माँ अबु यातनं दर्शन याना वय् ज्यूला धका थथ्य बिन्ति याना धागु खँ न्यना श्री भगवानं आज्ञा दयेका बिज्यात ।

हे कोटिकर्ण छ ल्याहाँ वना माँ बौ यागु खा स्वया दर्शन याना छन्त धया हःपिनिगु बुखँनं कना वा धका आज्ञा जूगु खँ न्यना श्री भगवानया चरण कमले भोपुया अनं लिहाँ वना थःगु त्वाले थ्येका खड्गी यागु छे वना धाल । हे खड्गी लोकपि, छिमि बुबां परलोके थन्यागु दुःख कष्ट नया च्वंगु दुकि तसकंहे जि स्वया वयागु दु । निश्चयनं खः । छिमि बुबां जित धया हःगु दु । व बुखँ छगू छिमित कने धका वया मेतां मखू छिमिस्थे माम्स लामियगु व्यापार छतानं यायेमत्य धका धया हल । हानं वयागु नामं तीर्थ यात्रा आदि अनेक दान धर्म छक याना व्यू

धकानं धया हल । छिमि खर्चं महुसा आम छिमिगु छेलिया
कुति प्याकले तःले तयातंगु असर्फि वंक दुगु सुवर्ण यागु घः छगः
गारे याना स्वो थना तया तयिगु दु । व घः ल्होना कया उके
चवंगु दको धन खर्च याना जिगु नामं धर्म कर्म याना ब्यू धका
थथ्य धया हःगु दु धका थुलि बुखें छिमित केवयागु धका धाल ।
थ्व खें न्यना खड्गी लोकपि पत्यार मजुया चवन । थ्व स्वया
कोटिकर्ण हानं धाल । हे खड्गी लोक छिपि पत्यार मजुयम्बाः
जिन छिमित हेका धावयागु मखू धागु खें न्यना इपि प्यम्ह काय्
पिसंनं खययो धका मतीतया उगु थासे वना गाः म्हुया स्वत ।
थथ्य स्वबले थः बुबां धया ह थ्ये धन द्रव्य खना मन पसंताप
चाया उगु धन सम्पति दकोहे वंगु नामं दान धर्म याना बिल ।
थुके यागु पुण्यनं थुमि बौया पाप नाश जुया वना आनन्दं चबने
दत ।

हे मैत्रीय, हानं उलि घया याके धूका वहे त्वालेनतूँ छथाय्
ब्राम्हणया छें वना इमितनं सःता नाप सामा थथ्य बुखें कन ।
हे ब्राम्हण जु छिकपिनि बोनं परलोके तसकहे दुःख कष्ट नया
चवना चवंगु दु । थ्व जि स्वया वया जित धया ह गु दु । छिकपि
ल्याहाँ कायबले जिगु छें वना जि कायपि जाहान पित्त थ्व खें
कना बोध याना ब्यू धका धया हल । गथ्य धालसा जिगु अग्नि
सालास ववे स्वो थना तयागु चीग्वगु सुवर्ण यागु कमण्डल
(अर्थात्) कलश छगः गारे याना सोथना तयागु दु व सिकया
जिगु नामं दान प्रदान व तीर्थे पिण्डदान समेत याना ब्यू याकी
धका थथ्य बुखें ल्हाना हःगु दु । हे ब्राम्हण गणपि छिमिसं निश्चय

याना स्वया वयात उद्धार याना ब्यू धया चितबुछें याना उलि
याका अनं प्रस्थान याना लिहाँ वया थुम्ह कोटिकर्ण जूसां थः माँ
बौया थाय् वना नाप लाना इमिगु चरण कमले भोपुया थःगु
परलोक यागु खें फुकहे कना बिदा कया प्यहाँ वया हानं गृधकूट
पर्वते वना श्री भगवान यात नमस्कार याना बिन्ति याना
चवन ।

हे भगवान, छल्पोलया आज्ञा थ्ये परत्रया खें नं कना वय्
धुन । हानं माँ बौ यात दर्शन याना वय् धुन । आः जितः
रक्षा याना बिज्याहुँ । हे सर्वज्ञ हे मुनी, आः जित ब्याकर्ण आदि
स्यना सम्यक्सम्बुद्धयागु बोधिज्ञान प्रकाश जुया बिज्याय माल
धका थुलि कोटिकर्ण यागु बिन्ति न्यना श्री भगवानं थथ्ये आज्ञा
दयेका बिज्यात ।

हे कोटिकर्ण, आः छ जूसां ह्लापां चौडाकर्म प्रवज्यावतनी
धारण यायमाल धका वयात श्री भगवानं चतुराय सत्ये तया
बोधिज्ञान धारण याका उकियागु खें कना काषाय वस्त्रं पूंका श्री
भगवानं चीवर निवासं कोखायका बोधिज्ञानया खें माकोहे कना
थुम्ह कोटिकर्ण यात गुगु बागमती व केशावती सङ्गम जुया चवंगु
थासे चिन्तामणि तीर्थे सेवा याना चवहुँ धका श्री भगवानं आज्ञा
दयेका बिज्यात । थथ्ये आज्ञा दयेका बिज्यागु खें न्यना वस्पोल
यात नमस्कार याना उगु गृधकूट पर्वतं लिहाँ वया श्री भगवानया
आज्ञानुसारं वहे चिन्तामणि तीर्थे थ्येकः बल ।

हे मैत्रीय, थथ्ये उगु तीर्थे चवना ह्लीह्लीहे स्नान याना
सुवर्ण बालुका यागु चैत्य दयेका पंचोपचारं पूजा याना अनेक

प्रकारं जप, तप, ध्यान प्रदक्षिणा यांना थुगु प्रकारं श्री भगवानं गथ्य आज्ञा जूगु खः अथेहे नेम पालन यांना ह्रीं ह्रींसिया ह्रीं ह्रींहे बिधि पूर्वकं पूजा यांना बोधिज्ञान धारणा यांना थुगु प्रकारहे व तीर्थ सेवा यांना च्वना च्वन । थथ्ये च्वच्वं २ आपालं वर्ष दया वस्येलि उगु पुण्यया प्रभावं यांना थुम्ह कोटिकर्ण सार्थवाह महाजन यात जुलसां आपालं तःधंगु गुयिगु कोटि धन द्रव्य लाना बोधिज्ञान प्राप्त जुया अन्ते तथागतया पुत्र बोधिसत्त्व धायका च्वने दत्त धका श्री शाक्यमुनि भगवानं मैत्रीय बोधिसत्त्व आदि सकल सभालोक पिनिगु न्ह्योने थुगु प्रकारं आज्ञा दयेका बिज्यात ।

इति श्री चिन्तामणि तीर्थ महात्म्य कोटिकर्ण उद्धार नवमोऽध्याय सम्पूर्ण ॥ ॥



प्रमोद तीर्थ

ॐ नमो रत्न त्रयायः ॥ ॥ अथानन्तरं थनंलि श्री शाक्यमुनि भगवानं मैत्रीय आदि सकल सभालोक पिनिगु ख्वा स्वया थुगु प्रकारं आज्ञा दयेका बिज्यात ।

हे मैत्रीय गुगु छं चिन्तामणि तीर्थ यागु महात्म्य कथा न्यनेहे धूंकल । आः हाकनं प्रमोद तीर्थयागु भौगु महात्म्य कथा व उकेया निश्चितगु पुण्य फल व्रत आदि व्याकोहे जिन कने न्यना धका खं श्वका बिज्यात । थुगु खं न्यना श्री भगवानयाके थथ्य बिन्ति यात । हे भगवान उगु प्रमोद तीर्थ यागु महात्म्य पुण्य फल पर्व तिथी गुबले २ खः, गथ्य २ खः थो सम्पूर्ण बिस्तृत रूपं छल्पोलं आज्ञा दयेका बिज्याहुं धका थथे बिन्ति यात ।

थुलि बिन्ति यांना धागु खं न्यना श्री भगवानं मैत्रीय बोधिसत्त्व यागु ख्वा स्वया थुगु प्रकारं आज्ञा दयेका बिज्यात ।

हे मैत्रीय गुगु बागमती व रत्नावती सङ्गम जुया च्वंगु प्रमोद तीर्थे बास यांना च्वह्य तोयिस्ये च्वंह्य अत्यन्त बाँलाह्य पद्म नाम नागराजा खः । श्व नागया गपतेस रत्नया मालां नवखाया तःह्य, फत्ता पतिकंहे रत्न माणिक यागु तेज प्याहां वया बरो शोभायमान ज्वीका च्वंह्य थर्थीह्य नागराजां बास यांना च्वना च्वंगु उगु तीर्थया मेला ज्वीगु बेशाख शुक्लया

द्वादसि बृश्चिक संक्रान्ति गुरुवार थुलियोग चूलायि बले अनया मेला लगे जुयिगु ।

हे मैत्रीय, थन्योगु पर्वकाल तिथि दिने सूं गुम्ह मनुष्यपिसं उगु तीर्थे २१ नोछन्हु यंकं स्नान यावनी अथवा छन्हुहे जक जूसां स्नान याना, दान याना बालुका चैत्य दयेका पंचोपचारं पूजा याना जप, तप, ध्यान आदि याना देवतापिन्त अर्घ बिद्या, पितृ पिन्तनं तर्पण यायी अजा २ पि पुरुषयात निश्चयनं अष्ट सिद्धि धयागु फल लाना स्वर्ग, मर्त्य, पाताले सकल बसेयाय फुम्ह ज्वी । हे मैत्रीय धका श्री भगवानं आज्ञा दयेका बिज्यात ।

थ्व खँ न्यना हाकनं बिन्ति यात । हे भगवान, उगु प्रमोद तीर्थे तपस्या याना सुसु उद्धार जुया वन । हे प्रभू थ्व खँ बिस्तारं जिमित आज्ञा दयेका बिज्याहुँ धका थथ्य बिन्ति याना धागु खँ न्यना श्री भगवानं व मैत्रीय बोधिसत्व यागु स्वा स्वया थथ्य आज्ञा दयेका बिज्यात ।

हे मैत्रीय पुरा पूर्वकाले ह्लापा छगू समये कांपिल्ल नगर धयागु देशे राजा छह्हा दया च्वंगु दु । व राजाया देशेनतूं च्वना च्वंम्ह तान्त्रिक धयाम्ह ताकसीं पण्डित छम्ह दया च्वंगु दु । व पण्डित गजोम्ह धालसा शास्त्र बिद्याया नामं छुंहे मसःम्ह साक्षात ताकसीं जक जुया अनेक प्रकारया खःसां मखुसां ताक ताःकं जक खँ ह्लापा नकल दयेका यत्ता थित्ता याना सकल लोकपीं हरहरंहे न्हीयका थःगु बसे तथा तल ।

हे मैत्रीय, थथ्ये याना जुगु सिया उगु देशया राजां समेतहे थ्वैत सतके छोया राजदरवारे तथा वयाके छुं न्यनेगु कनेगु याका

तल । अजागु बखते व ताकसीं पण्डितं खःगुनं मखुनं खँ ह्लापा राजा, रानी, मन्त्री आदि सकल बसे तथा तल । थुपीं सकसिन नं वयात धन्य २ तान्त्रिक पण्डित धायका राजां अति पत्यार याका मन्त्री, काजि, भार्दार सकसिनं अति मानेयाका तल । थुगु प्रकारं मानेयाका तगुलीं व तान्त्रिकया छुंहे गुण मदुसां लोकपिनिसं धन्य २ धायका प्रसंसायाका च्वन । हाकनं थ्वथ्येनतूं मेमेगु अनेक देश, ग्राम, मेमेगु मुलुकं नापं कांपिल्ल धंगु देशे च्वंम्ह राजाया थाय् छम्ह तान्त्रिक धयाम्ह पण्डित बडाहे जान्ये थथ्ये सःस्यूम्ह मेगु देशे गनहे मदु धागु धका थथ्ये परदेशेहे जाहेर जुया च्वन ।

हे मैत्रीय, थथ्ये च्वच्वं ताकालं दया वस्येलि थुगु समाचार दक्षिण दिशाया कासी च्वंम्ह तिर्थक धयाम्ह छम्ह पण्डितं न्यना आः जि व नेपालयाम्ह तान्त्रिक यागु छक परीक्षा याना स्वया वय् धका थुलि मतीतया उगु बाराणसि धंगु कासी देशं प्रस्थान जुया वया च्वन । ववं २ क्रमसित वया उगु तान्त्रिकया मुलके थ्येक वया राजाया थाय् वना जाहेर याना धाल ।

हे महाराज, क्षम स्वी, जि जूसां कासी देशं वयाम्ह तिर्थक धयाम्ह पण्डित खः । जिनं छल्पोल दर्शन याना छल्पोल-या पण्डित तान्त्रिक नाप छक वाद विवाद यायेया निर्मिति थन वया च्वना हे महाराज धका थुगु प्रकारं बिन्ति याना धागु खँ न्यना महाराजं आज्ञा दयेकल । हे तिर्थक जिमि तान्त्रिक नापं छुं वाद याये फेला, फेमखु अथ्येनं छक वाद याये धका वस्येलि ज्यू जि सतके छोय धया राजां तत्कारणं दूत छोया सतके छोट ।

थुम्ह तान्त्रिक पण्डित राजाया आज्ञा थ्ये व दूतत नाप वया तत्कारणं राजा यात दर्शन याता बिनित यात । हे महाराज, जित छु निमिते सतके हयागु आज्ञा दयेका बिज्याहुँ धका बिनित यागु खँ न्यना राजां आज्ञा जुल । हे तान्त्रिक, मेतां मखु । थौं छ नाप बाद बिबाद याय धका कासी देशं वम्ह पण्डित छम्ह थन वया च्वंगु दु धागु राजाया आज्ञा न्यना तान्त्रिकं धाल । हे महाराज निश्चयनं खःला थ्व खँ, ग्वले, गन च्वना च्वनले, जित नाप लाका ब्यू धका थथ्ये धागु खँ न्यना राजां आज्ञा जुल । हे तान्त्रिक छँ बाँलाक वादयानि, छँ वादयाना वाद बुकल धालसा जित बैजत ज्वी, इजतवनी अले जि सहयाय फेमखु । छंगु सर्वस्व कयानं छंगु ज्यान समेतनं काय्फू यदि छँ व नाप बाद याता त्याकल जिगु नां तया बिल धालसा छन्त जि भारि नकसां तःधंगु सिरपाउ बियो । हे तान्त्रिक छँ बाँलाक बिचारं जक व नाप बादया परमुलुक यापी पण्डित त वया च्वंगु छँ जिगु नां बिकेयाय मज्यू धका धागु राजा यागु वचन न्यना हानं बिनित यात । हे महाराज छल्पोल धन्दा कया बिज्यायम्बा आनन्दं च्वना बिज्याहुँ । थ्व छम्हजा छु अयोपीं दलंदो कासीया पण्डितपीं वसांनं जित फयिमखू । छल्पोलया प्रतापं जि मारे याता छोय फू । छपिसं संखाहे कायम्बाः आम तिर्थक पण्डित याकनहे नाप लाका ब्यू । थ्व नाप बाद याता व यात बुका छल्पोल यात थकयाबी धका थथ्ये तान्त्रिकं बिनित याता धागु खँ न्यना राजाया मने अति हर्ष याता सम्पूर्ण थःगु राज्ये च्वना च्वंप्पि सकलें सःता मेमेप्पि लोकजनपिन सःता छथाय् मूँका छगू

सभा मण्डल दयेका व तान्त्रिक पण्डित व तिर्थक पण्डित निम्हं नाप लाका वाद्य याकल ।

हे मैत्रीय, अयोगु अवसरे तान्त्रिकं तिर्थक यात नमस्कार धाल । वनं अथ्येहे हे तान्त्रिक नमोः नमोः धका धाल । थुलि नमस्कार याता तिर्थकं धाल । हे तान्त्रिक छँ नाप की वाद्य याये जिलला धाल । थुलि खँ न्यना तान्त्रिकं धाल । हे तिर्थक जिल, आ छँ जिके छुं शास्त्रया खँ न्यनेगु इच्छा दु न्यो धागु खँ न्यना धाल ।

हे तान्त्रिक थौं कःहे थ्व संसारे छु याता तःधं ज्वी, छु उतम ज्वी धका थथ्य न्यन । थ्व खँ न्यना तान्त्रिकं धाल । हे तिर्थक थुलि नाप छं गथ्य मसिल । थ्व संसारे तःधंगु, उतमगु धंगुहे लोकाचार धयागु तःधं धाल । व खँ न्यना तिर्थकं धाल ।

हे तान्त्रिक आम छं मखूगु खँ धाल । लोकाचार गथ्य ज्वी तःधं, थ्व संसारे सत् धयागु सत्य धर्म, तीर्थ स्नान, त्रिरत्न पूजा दान, दातव्य जप, तप, भावभक्ति जक तःधं धका धाल ।

पुनर्वार तान्त्रिकं धाल । हे तिर्थक आम गनया खँ खः । थ्व संसारे गथ्य याता धर्म खः, गथ्य याता पाप खः, सुनां धर्म यात, सुनां पाप यात छँ धाय फुला । धर्म धका ह'ला जूसाः आहार नाप चूलायि मखू । कतः यात नुगले मस्याक चितबुछे याता थः कतिलाका परयागु नयेकाय दतले थःगुली लिक्काय म्बाः हे तिर्थक परन्तु म्यवयात म्बाःकं प्रहार यायगु, म्बाःकं स्यायगु म्यवया जीव कायगु थुलि यायमत्यो । म्यवयात चितबुछे याता थः कतिलाथ्ये, थः नेदुथ्ये, त्वने दुथ्ये लोके चलेयाना तःथ्ये

स्वया लोकाचार याना जुह्य खः तःधंगु धका धाय धाल ।
 थुलि खँ न्यना तिर्यकं धाल । आम अपराध खँ द्याय ह्लानागु ।
 नेमदुसां, तीमदुसां, पुनेमदुसां एकचित्त याना, एकभक्त हे
 श्री त्रिरत्नया सेवा यायमा थुलि याना फतसा ह्लीह्लीहे तीर्थ सेवा
 याना अतिथि गणपिन्त दान दातव्य याये । थः साखा सन्तान
 रक्षा ज्वी । हे तान्त्रिक अन्तकालस मोक्ष प्राप्त ज्वी । थःगु
 साखा सन्तान यात समेत रक्षा ज्वी । उबयें म्वाक मेपिनिगु
 किस्मत नयमत्यो । न्ह्याथे यानानं परयात छुं छकू दान दातव्य
 यायहेमा । थःगु छुं परयात नकेरवके, परयात स्येक छुं म्येक थःह्य
 नयमत्यो । दुःखी दरिद्र खना दयातया संसार उद्धार ज्वीमा धका
 मती तथा मेपिनि दुःखगु जिगु दुःख खः धका भापा । मेपिनि
 कष्टगु जिगुहे कष्ट खः, मेपिनित पीडा बीगु, बाबियगु, मेपिनिगु
 धने लोभ तयगु, परस्त्रीयाके मनतेगु, मेपिनिगु ज्यूबे घाःयादगु
 थुलि तोता त्रिरत्नयागु भावतया चतूर ब्रह्म बिहार धयागु धरे-
 यायगु हे तान्त्रिक संसारे तःधंगुहे थ्व खः । मेपिनिगु सेस नया,
 त्वना कया तःधं मजुस्ये नके त्वंके बीः फसा जक तःधं धायी
 हे तान्त्रिक धका थथ्य धागु खँ न्यना तिर्यकयात धाल ।
 हे तिर्यक छं गनया पण्डित खः । आम खँ जित चितबुछे मजू ।
 आम खँ छन्तहे तथाती । छंगु आमजोगु खँ न्यना जूसा ह्लीं
 छछानं नेखनी मखू । द्याय धाःसा खुया छता नेमज्यू, मेपिनि
 राज्ये खुसियाना थः कतिलाका जुयां छुया पापलायि । आम
 धर्म धका जूसा ह्लीं छछाहे चूलाके फयिमखू, उबयें आम छंगु खँ
 छन्तहे ता जिमित मज्यू । छिमिगु मुनुके ज्यूसा जिमस्यू । थ्व

जिमिगु देशेजा लोकाचारहे तःधं धका धाल । थ्व खँ न्यना
 तिर्यकं धाल । हे तान्त्रिक छं द्याय आमथ्ये खँ ह्लानागु, धर्म
 कोथुना पापयात थकया नास्तिक मते बना परन्तु लीपते लोक
 सकलें दुरात्मा जया सकलया चितेस पाप बधे ज्वी मखुला ।
 इहत्रनं मदु, परत्रेनं मदु खँ ह्लात । त्रिरत्नया भाव तीर्थ स्नान
 दान दातव्य यासाका इहत्रेन दु परत्रेन दु । हे तान्त्रिक छं गथ्य
 मसिल धका धाल । व खँ न्यना तान्त्रिकं धाल । हे तिर्यक आम
 गनया खँ ख धर्म धका जूपिला साक्षात वं का वें तर धर्म धका
 जूपि सुथायहेनं मला, तःधंगुजा छु । तःधं धयागुजा लोकाचार
 द्याय धाःसा हाय २ गुलि हिसि दु धायक खँ ह्लायगु परया
 चितबुछे यायगु प्यह्य नाप मिले ज्वीगु, थः कतिलाकेगु, लोकं
 गथे गथ्य व्यवहार यात अथ्येहे याना ज्वीगु धका तःधं धायि
 थयोगु उतमगु लोकाचार यात तोता धर्म त धं धायिह्य थयोह्य
 मूर्खह्य पण्डितं जित गुबले वाद्य यायकं धिक्कार कासी देशयाह्य
 पण्डित धायका च्वना । आमथ्य खँ ह्लायगुला । आम खँजा
 छहे नतूं न्यो । जिमित प्रियोजन मदु धका धया राजा आदि
 सकल लोकपि फुकहे हुंनुनु ह्लीका च्वोनं लथ्याना पोतं लथ्याना
 थःगु जक खँ सदर याना नीचउच याना, उचनीच याना व
 सत्यधारि तिर्यक पण्डित यात थुह्य तान्त्रिक पण्डितं जूसां हास्य
 याथ्ये सन ।

हे मंत्रीय अथ्य व तान्त्रिकं उकथं हास्य याना अवाच्य
 मखुगु लालाथ्य खँ ह्लाना सकल बसे कया हरर ह्लीका थः
 त्याकेत तयार यागु स्वया हाकनं अथ्य राजा आदि सकलेंहे व

तान्त्रिकं बसे कागु खना थःतनं अथ्य हाहु यागु स्वया तिर्यक पण्डित थःगु मने भापिया धाल । अहो आश्चर्य गयोगु अबिबेकगु थाय् ज्वो स्वो २ व तान्त्रिकंजा थ्व देशया राजा, प्रजा आदि सकसितनंहे वयात धन्य २ तान्त्रिक पण्डित धायका मानेयाका तया तल । थयोह्य ताकसीं पण्डित यागु बसे लाना च्वगुली राजा, प्रजा आदि सकसिनंहे जित निन्दा यात, हेपेयात गिजे यात । थौं सारयागु खं गुण यागु खं धर्म यागु खं ह्लाह्येसित हाहुयाना वें थ्ये याना बिल । हा हा गयोगु अबिबेक जुया च्वंह्य राजा धिक्कार आः थन च्वना बाद्य याना मजिल । जि थ्व तान्त्रिक यात त्याके फेमखुत आपालं मूर्खया मूर्ख दुगु थासे गुण दुह्य छम्हे सिनं छुयायगु धका मती ल्वीका थुम्ह तिर्यक पण्डित जूसां व तान्त्रिक पण्डित यात धाल ।

हे तान्त्रिक छ नापं बाद्य याना छन्त थन बाद्य याय फेमखुत । दको लोकहे छंगु बसे दु । आः थथ्य मखुत सत्यगु स्थाने पुण्य क्षेत्रस वना तीर्थ स्थाने च्वना छ नापं की बाद्य यायनु धका धाल । थुलि खं न्यना तान्त्रिकन वैत धाल ।

ज्यू हे तिर्यक छे धागु थासे च्वना बाद्य यायनु धका धया ख ह्लागु न्यना राजां धाल । हे तिर्यक तान्त्रिक छिपि थन च्वना बाद्य याय मत्ये छगु तीर्थे च्वना बाद्यया हुँ धका थुलि धया निम्हसितनं छोया हल थथ्य थुपीं निम्हहे उगु स्थाने वना अनर्थ्येका गुगु तीर्थ स्थाने छथाय् च्वना तिर्यक पण्डितं व तान्त्रिक पण्डित यात धाल ।

हे तान्त्रिक छं न्यो, थ्व थःय् ख. महापुण्यभूमि पवित्र जुया

च्वंगु सत्ययागु थाय् खः । थुगु सत्य पवित्र जुया च्वंगु वागमती व रत्नावती सङ्गम जुया वया च्वंगु प्रमोद तीर्थे गुह्येसिनं ह्नीरहे वया स्नान यानां मोल्हु वयो, वया जुलसां निश्चयनं रत्न समानगु अष्टसिद्धि फल लाना स्वर्ग, मध्य, पाताल आदि समेत थ गु नां तेयफयो । हे तान्त्रिक, थ्व तीर्थे छक मोल्हु यागु व मेगु कासी प्रयाग गंगासागर थयोगु तीर्थे सञ्जिक मोल्हुयगु उतिहे फल लाना च्वन । हे तान्त्रिक धका धया तिर्यकं जुसां आः थ्वयात जि सत्य थ्येहे कने माल धका प्रार्थना याना धाल । हे तीर्थराज जिपि निम्हे सिया वाद विवाद जुयिगु छल्पोलं सत्यथ्ये केने माल धका तान्त्रिक या न्ह्योने थथ्य धाल । हे तान्त्रिक जि छत कनेहे धुन थुगु तीर्थ अति त. धंगु खः धका आः छ नाप थन च्वना बाद्य यायगु धका धागु खं न्यना व तान्त्रिकं धाल ।

हे तिर्यक आम छं धागु खं मखू । छाय धाजसा थयागु अपबिब्रगु थासे यात पबिब्र धका धायिह्य छ गनया पण्डित खः सुचिन मस्यूह्य असुचिनं मस्यूह्य हे तिर्यक थ्व तीर्थे गथ्य शुद्ध, पबिब्र ज्वोगु काः छंहे स्वो । थ्व तीर्थेजा अपबिब्रगु घउचायिपुस्ये च्वंगु थो नापंहे मयपुस्ये च्वंगु थजोगु असुचि तीर्थयात सुचि पबिब्र धायिम्ह छ हानं मनुष्य तयगु ह्लि खं ला आदि चुयिके हयिगु थ्व तीर्थया लोकस इमसाने मृतक सीपीं दाह यायिगु । अयोगु गन्धं व्यापक जुया च्वंगु थयोगु थाय् नतुने सुधान्त मज्यू घच्यापुसे च्वंगु । हे तिर्यक हानं अनेक मृतक सीपीं थुने हयिगु थयागु अपबिब्रगु थासे यातजा छं सुचि, पबिब्र सत्यगु स्थान खः धाइह्य छथ्येजाह्य मूर्ख पण्डित सुद, गनहे दयिमरू । हे मूर्खह्य

पण्डित तीर्थ धयागु थजागु असुचि स्थान गनदु गनहे मगु ।
थुगु तीर्थया लः फतसा थोः सुधान्तहे मत्यो धाल । थुलि धाय
मात्रंहे थुम्ह तान्त्रिक यात तील्वे वया म्ह थरररं खाना अचेत
जुया मचाया वन ।

हे मैत्रीय, थुगु प्रकारं व तान्त्रिक यात तीर्थ रोगं कया
हाकनं चेष्टा दया वस्येलि व तीर्थक पण्डितं धाल । हे तान्त्रिक
छं छाय अपराध खं लहानागु थुजोगु तःधंगु तीर्थ यात निण्डायात
हेला यात । हे तान्त्रिक न्यो छं श्व तीर्थया महात्म्य जिन कने
त्यना । श्व खं गथ्य धालसा पुरा पूर्व काल ल्लापा दानासूर धयाह्य
दैत्य छम्हेसिनं पातालपूरं थाहाँ वया थुगु तीर्थ च्वना तपस्या याना
च्वन । गुजोगु प्रकारं तपस्या यात धालसा छचाख्यरंहे तारन
तया देव, मनुष्य सुनानंहे बिग्न बाधा याय मफयका मजीका
थथ्य तारनतया ह्लीह्लीहे स्नान याना अनेक प्रकारं जप, तप,
ध्यान याना पूजाया सामाग्री दयेका तीर्थराज यात पचोपचारं
पूजायाना अनेक प्रकार स्तोत्र पाठ याना चानं ह्लिनंहे उगु तीर्थ
च्वना बरो एकाग्र चित्त याना श्व दानासूर दैत्य तपस्या याना
च्वन । हे तान्त्रिक थयोगु प्रकारं तपस्या याना च्वच्वं २ ऊनीदं
दया वस्येलि श्व दैत्यं वहे प्रमोद तीर्थ छगू बाहिक अन्य मेपों
सूं देवदेवी यागु सेवानं मया, मेगु छूं धर्म सुधान्तनं नां मकासे
बरो एक भक्तं अति प्रीतीनं उगुहे तीर्थ छगूलीजक च्वना नित्य
नित्यहे स्नान याना मोल्हुया तपोव्रत याना तीर्थराज यागु सेवा
याना च्वन ।

हे तान्त्रिक छं न्योला थुगु प्रकारं व दैत्यं उगु तीर्थ च्वना

तपोव्रत याना यंकूं यंकूं आपालं वषे बिते जुया वस्येलि स्वर्ग
देवराज ईन्द्रयागु सिंहासनहे लिगि लिगीं दगे जुया सन । थो
सोया ईन्द्रं बिचार याना स्वतकि अहोः पातालपूरं थाहाँ वया
दानासूर दैत्य तपस्या याना च्वगुलीं धका सीका याना च्वन ।
अयोगु बखते स्वर्ग च्वना च्वपि प्यम्ह अप्सरा मेनका, रम्भा,
उर्वसी, तिलोत्तमा थुपि प्यम्हेसितन सतके छोया थुगु प्रकारं
धाल । हे अप्सरापीं छिमिस्ये जिगु खं न्यना मत्यं मण्डले ववहाँ
वना गुम्ह दानासूर दैत्य यागु तपस्या भंग याना वा धका धागु
खं न्यना थो अप्सरापिसं देवराज ईन्द्र यात भरोसा बिया
धाल ।

हे महाराज ईन्द्र छपिसं धन्दा कया विजयायम्वा जिपि
दहे दुनी धका धया थुपि प्यम्हंहे स्वर्ग ववहाँ वया व दैत्य तपस्या
याना च्वंगु थासे थ्येक वन । अन थ्यंका इमिसं व दैत्य यात
अनेक प्रकारं लिला याना वयना वयागु न्ह्योने वने धका सन ।
वनेहे मफू व दैत्ये तारन तया तगुली अन वने मफया आः गथ्य
याय धका धन्दा कया थुपीं प्यम्हेसियां सल्ला याना व दैत्य यागु
न्ह्योने स्वया इमिसं अनेक प्रकारं रसरङ्ग याना म्ये हाला
प्याखंहुया वयने धका थुपीं प्यम्हेसितनं सना वयन । थथ्य याना
वयननं व दानासूर यात छले याय मफू । श्व स्वया आश्चर्य
चाया थथ्य धाल । हे वयहे मय्जु अप्सरापीं आः छुयागु कीसं
उलिमछि लिला याना सना वयनानं श्व दैत्यला इकि धिक्किहे मसं
आः अथे मखुत धका थुपीं प्यम्हंहे व दैत्य यागु छं वना अन
सकसितनं मोहयाना वयना व दैत्य यागु धन सम्पति दम्बहे

कया हया थुगु प्रमोद तीर्थे व दैत्ये खंकहे उगु धन सम्पति फुकं
चुयके छोया हया चवन । थव सम्पूर्ण यागु सकतां हे व दैत्ये खना
च्वंगुहे दु, स्वया च्वंगु नं दु । अथे यासा तबिनं वं थव जिगु
तपस्या पुरे मज्जोकं दनेहे मखु धका माया तोता एकचित्तं हे
तपस्या याना चवन । व दैत्ये अथ्य भाव याना च्वंगु खना छन्हु
तीर्थराज सन्तुष्ट जुया उगु तीर्थे थाहाँ वया व दैत्य दात थःगु
रूप करना दर्शन बिया आज्ञा दयेका बिज्यात ।

हे दैत्यराज, छँ छु निमिते तपस्या याना चवनागु । छंगु
आत तपस्या खना जि सन्तुष्ट जुल । छ छँ वरदान फोने, छं
धागु वरदान बीगु जुल धका व दैत्य यात थथ्य वरदान बिल ।
हे दैत्यराज छ स्वंगु राज्ये कैलाश बैकुण्ठ ब्रम्हाया देश सहितं
छन्त बसे जुल धका थथ्य वरदान बिया थुम्ह तीर्थराज अन्तरधान
जुया बिज्यात ।

थनंलि व दानासूर दैत्यया जूसां तीर्थराज यागु कृपां
गम्भीरगु वरदान लाना हर्षयाना तीर्थराजया आज्ञा थ्ये देव दैत्य
मनुष्य आदि सकल बसे याना दानासूरं देशे राजा जुया च्वंपिन्त
त्रास बिया ख्याना चवन । थव स्वया ग्याना व राजा तयसं दैत्य
यान पूजा याना, माने याना सन्तोष ज्वीका राजा प्रजा आदि
सकलया निर्भय ज्वीका आनन्दं चवना चवन । थव थ्येनतुं मेमे थाय्
देशे राजापिं थाय् देश पतिकहे वना इमिसंन माने याका असंख्ये
धन लाभ दयेका थुगु प्रकारं वं सकल दैत्य गणपिं मूका स्वर्गे
अमरावती बना ईन्द्र नापं युद्ध याय धका यात थथ्य व दैत्यनं
स्वर्गे ईन्द्र नापं युद्ध यावले ईन्द्रं जिते याय मफया देवलोकया

हथाय् हयाय् चाया बिस्सुं वन । अननं कैलाशे महादेवया थाय्
वन । अननं व दैत्य थ्येक वल । थव स्वया ईन्द्रया दैत्य नापं
युद्ध यायगु समर्थ मदया ब्रम्हाया थाय् वन । ब्रम्हायानं व दैत्य
नापं छँ यायेगु शक्ति मदया थुपिं प्यम्हंहे ब्रम्हा, विष्णु, महेश्वर
ईन्द्र सनेतहे गुगु मृगस्थलि गुह्येश्वरी यागु शरणे वना थुम्ह
दानासूर दैत्यं स्वर्गया राज्ये कैलाश, बैकुण्ठ, ब्रम्हाभुवन सहितं
राज्य याना ईन्द्रादि ब्रम्हा सकल लोक यात जिते याना ग्वीगु-
कोटि ईन्द्र यागु धन समेत लुते याना हया प्यबो धन तीर्थे छाया
सम्पूर्ण देवलोक पित्त पित्तिना हया सुख आनन्दं राज्य याना
चवन ।

हे तान्त्रिक थथ्ये व दैत्ये राज्य याना च्वंगु खना सकल
देवतापिं मुना सल्ला साहुति यात । हानं ब्रम्हा, विष्णु, महेश्वर,
ईन्द्रादि सकलियाहे थःगु बास सुधान्तहे मदयेका तया तगुनं
आपालं दया वगु जुया वस्येलि थुमिसं धाल ।

हे हे देवलोक गणपिं व पापिष्ट दानासूर दैत्ये कीगु स्वर्ग
कैलाश, बैकुण्ठ, ब्रम्हाभूवन समेतहे हरण याना राज्य याना
चवन । आः की थाय् नं मदु बाय् नं मदु गतिनं मदु पति नं मदु ।
हे देवलोक गणपिं सदानं कीपिं थथ्ये चवना चवनेगुला । कीगु
राज्य कीत म्वाला, वयाके लितकायगु छँ जल मदुला, बिचार
याना स्वय म्वाला धका धया सकल देवलोकपिं फुकंहे सल्ला
याना मुना श्री गुह्येश्वरीया थाय् शर्णे वना वस्पोलयात अनेक
प्रकारं पंचोपचार पूजा याना फक्क जप, तप, ध्यान आदि भाव
याना श्री गुह्येश्वरी माताया चरण कमले भोपुया ईन्द्रादि

सकल देवलोकपिसं प्रार्थना याना चवन । हे माता गुह्येश्वरी देवी जिपीं सकल यागु बास स्वर्गया राज्य कैलाश, बैकुण्ठ, ब्रम्ह लोक सहितंहे व पापिष्ट दानासुर दैत्ये जितेयाना राज्य याना आनन्दं चवना चवन । हे जननी, हे माता आः जिपीं सकसियां बास मदयेक पितिना हयातल । हे जगत माता आः जिमिसं व राज्य गथ्य याना लितकायगु । हे गुह्येश्वरी हे माता जिमित सूहे म्वाला सदानंहे व दैत्ययात राज्य याका तयगुला । हे माता छल्पोलं जिमित कृपा तथा व दैत्य याके चवंगु राज्य लितकया प्रसन्न जुया बिज्याहुं धका ईन्द्रादिसकल देवलोकपिसं थुगु प्रकारं बिन्ति याना चवन ।

थुलि बिन्ति याना धागु खँ न्यना श्री गुह्येश्वरी देवी आज्ञा दयेका बिज्यात । हे देवलोकपीं प्रमोद तीर्थ यागु प्रभावं व दानासुर दैत्य यात उलि यायगु शक्ति प्राप्त जुगु खः । हे देव लोकपिं अथेया निमितिं जिनं छिमित व दैत्य याके चवंगु राज्य लितकया छिमित वीकेगु समर्थ जिके मदु । हे देवलोकपिं बिना भगवानंहे मखेकं उगुं राज्य लितकायगु समर्थ यायफै छाया धालसा गुम्ह श्री भगवानं सकलया पाप नाश याना बिज्याना चवंगु अजाम्ह भगवानं जकहे वयाके चवंगु राज्य लितकायफै । थौं थुम्ह भगवान जेटवर्ण महा बिहारे बिज्याना चवंगु दु । हे देवलोकपिं आः छिपिं अनहे भगवानया थाय् शर्णे हुं । छिमिगु मनोबाज्ज्या पूर्ण ज्वी धका थथ्य आज्ञा दयेका बिज्यात ।

थुलि श्री गुह्येश्वरी देवी यागु आज्ञा न्यना थुपीं सकल देवलोकया मने हर्ष ज्वीका श्री देवी यात नमस्कार याना अनं

प्रस्थान याना जेटवने वने धका व सकल देवलोकपिं अन थयंक वनं । श्री गुह्येश्वरीनं अन्तरधान जुया बिज्यात उख्ये सकल देवपिं जेटवने थ्येका श्री भगवान दर्शन याना वस्पोलया चरण कमले भोपुया नमस्कार याना पंचोपचार पूजा याना जप, तप, ध्यान आदि याना दण्डवत, अष्टाङ्ग प्रणाम याना सकल देव लोकया मिद्धाय खोबि हायका ह्लाहा-ज्वरे याना बिन्ति यात । हे भगवान जिपिं फुक छल्पोल यागु शरणे दयागु मेता कारणं मखू । ह प्रभू थौं दानासुर दैत्ये दुःख बियातल जिमिगु बास सुधान्तहे मदयेक हे भगवान हानं जिमिगु राज्यनं हरण याना कया व दैत्ये चले याना जिमित पितिना हल । हे परमेश्वर थौं जिपीं चवने थाय् मदु छल्पोल रक्षा याना बिज्याय माल । हे सर्वज्ञ मुनिश्वर धका ईन्द्रादि देवलोक पिनिसं बिन्ति याना धागु खँ न्यना श्री भगवानं व ब्रम्हा विष्णु महेश्वर ईन्द्र आदि सकल देवलोकपिं खना करुणा तथा तत्कारणहे थःगु मायां पृथिवीले रुद्राक्ष माला बुइका रुद्राक्ष सयका कया वहे जपमाला दयेका श्री भगवान शोधन याना व रुद्राक्ष माला श्री महारुद्रयात ह्लाते लल्हाना बिया थुगु प्रकारं आज्ञा दयेका बिज्यात ।

हे ब्रह्मा विष्णु महेश्वर छिपीं स्वह्महे उगु प्रमोद तीर्थ वना आम जि बियागु रुद्राक्ष माला धारण याना अन तीर्थ चवना तपस्या याना चवहुं धका आज्ञा दयेका बिज्यात ।

थुलि श्री भगवानया आज्ञा थ्ये प्रमोद तीर्थ वना एकचित याना ह्नीह्नीहे मोल्हुवा बाबुका चैत्य दयेका पंचोपचारं पूजा याना श्री भगवानं बिया हःगु रुद्राक्ष माला धारण याना स्वङ्ग

मिखाँ तिसिना तपस्या यात । हे तान्त्रिक पण्डित धका श्री भगवानं थः सिष्य गणपिनिगु बोधिसत्व यागु न्ह्योने थय्ये आज्ञा दयेका बिज्याना च्वन । हे बोधिसत्व छ थय्ये वना दानासूर दैत्य यात सःता थन जिथाय् बोना हति धका थय्ये आज्ञा दयेका बिज्यात ।

थुलि श्री भगवान यागु आज्ञा न्यना व दानासूर दैत्यया थाय् वना धाल । हे दानासूर दैत्यन्द्र जिमि गुरु श्री भगवानं आज्ञा जूगु थय्येहे छक छःपि अन भगवानया थाय् वयमाल धका धया हःगु दु धागु खँ न्यना दैत्ये धाल । हे बोधिसत्व जि थुगु प्रमोद तीर्थे बिना मेपीं सूं देवताहे सेवा मयाना । जि आकन वयगु प्रयोजन मदु धका धागु दैत्य यागु थुलि खँ न्यना बोधिसत्व लिहाँ वना श्री भगवानया थाय् न्ह्योने बिन्ति यात । थुलि बोधिसत्वं दैत्य यागु खँ धाःवगु न्यना पुनः श्री भगवानं आज्ञा दयेका बिज्यात ।

हे बोधिसत्व थुलि व दैत्यं धया हस्येलि हाकन वना छँ व दैत्य यात थय्ये धया वा । हे दैत्यराज छन्त प्रमोद तीर्थराजां वा धका सःतके हःगु धका धया ब्यू धका श्री भगवानं आज्ञा दयेका बिज्यागु थुलि खँ न्यना बोधिसत्व अन दैत्यया थाय् थ्येक वना अथ्यहे धाःवन । थुल्ये श्री भगवान तत्कारणहे उगु प्रमोद तीर्थे थ्येक बिज्याना च्वन । अन बोधिसत्व दया व दैत्य यात श्री भगवानं गथे धया हःगु खँ खः अथ्यहे धागु थुलि खँ न्यना थुल्य दैत्यराज हथाय चाया उगु प्रमोद तीर्थे वने धका वल । अन थ्येका उगु तीर्थे नित्यथ्ये स्नान याना थः मावव कर्मयाय धुनका

श्री तीर्थराज यात पंचोपचारं पूजा याना फकी जप, ध्यान, स्तोत्र पाठ आदि याना च्वन ।

थनंलि श्री भगवानं तीर्थराज यागु रूप धरेयाना व दैत्यया भाव स्वया थुगु प्रकारं आज्ञा दयेका बिज्यात । हे दैत्यराज धन्य २ छंगु भाव खना जि सन्तोष ज्वी धुन । हे दैत्यराज मेता कारणं मखू छन्त सःतके हयागु । जि गुरुया थाय् छक वनेनु धका सःतके हयागु धका थय्ये आज्ञा दयेका तीर्थराज रूप श्री भगवानं व दैत्ययात थः नापंहे ब्वना हया थःगु बिहारे यंका छगु सभा मण्डले थासे तथा थुगु प्रकारं बिस्तारं बोधिसम्बर यागु खँ कना व दैत्य यात चितबुके ज्वीका प्रवज्याव्रत बिया बोधिज्ञान आदि षत्पारमिता बोधिव्रत धर्मस चले याकल । हाकनं काषाय वस्त्रं पूंका चीवर खिखिलिका पिण्ड पात्र लल्लाना अनेक प्रकारया बोधिज्ञान खँ कना धर्म उपदेश बिया श्री भगवानं व दैत्य यात हीत याना थय्ये आज्ञा दयेका बिज्यात ।

हे दैत्यन्द्र छँ मने क्रोध तयमत्ये, अहंकार यायमत्ये । क्रोध धयागुहे पाप गथ्ये क्रोधं परयात स्वाकं दुःख बिल अथ्येहे नतू थतनं दुःख कष्ट नयमाली, संसार धयागुहे अनित्य खः । अनित्य धयागु सद्ये च्वने मदु, छन्हु यागु दिने अवस्य तोता वने मानी । हे दैत्यन्द्र, उक्थे अकर्तव्य यानागु फलं थःम्हंहे भोग यायमा, मयास्येहे मगाः । हे वत्स, गुह्य वैरि जुया च्वंहाया उपरे क्रोध मयास्ये शत्रु यात रक्षा यायी उक्थे यागु पुण्य तथागत यागु पदबी लायी । हे वत्स, उक्थे छनं इमिगु राज्य लितब्यू धका श्री भगवानं आज्ञा दयेका बिज्यात ।

थय्ये आज्ञा जुगु न्यना दैत्यन्द्रया चितबुद्धे जुया शत्रुया उपरे माया तथा श्री भगवान यागु आज्ञाय्ये स्वर्गया राज्य कैलाश बैकुण्ठ ब्रह्माया भुवन सहितं तोता बिल । हाकन ईन्द्र यागु ग्रीगुकोटि धन हुतेयाना हया तःगुनं तोता बिल । वय्यनतुं कैलाशया राज्य महादेवयात तोता बिल । बैकुण्ठपुरी बिणुयात तोता बिल । ब्रह्माभूमि ब्रह्मायातहे तोता बिल । स्वर्गभुवन जक ईन्द्रयात तोता बिल । हे तान्त्रिक, थय्ये श्री भगवानयागु कृपान थुपीं ब्रह्मा, बिणु, महेश्वर थुपीं प्यम्हे सियांहे थः थःगु राज्य लितकया आनन्द उगु राज्य नतूहे च्वना च्वन । दानासूर दैत्यया जक श्री भगवानया कृपानं चौडाकर्म प्रवज्याव्रत आदि कया अनेक बोधिज्ञानं पूर्ण ज्वीका शत्रुया उपरे क्रोध शान्त याना स्वता प्रकारया बोधिज्ञान लाना श्री भगवानया चरण कमले भोपुया थय्ये बिलि यात ।

हे भदन्त, हे गुरु, जिगु बिलि छगू न्यना बिज्याहुँ । छल्पोल यागु दयाकृपां याना जिगु पापदेह शान्त जुया पुण्यदेह जुल । हे शास्ता, लिपा कलिकालया समय ज्वी बले सकल मनुष्यया चित्तो पाप दुष्ट चित्त ज्वी, आपा लोभी पापी ज्वी । थो थोहे पाप चेष्टा ज्वी, उबले छल्पोल यागु नाम, त्रिरत्नया नामनं सुनांहे नांका दयी मखु, सकसिनहे शिवया जक प्रसंसा याना ज्वी । हे गुरु बुद्धया महात्म्य नाश याना शिवया महात्म्य मन तदा थय्य सकल मनुष्य पिसं पापया रसे भुले जुया ज्वी तिनी । हे शास्ता, थुगु अवसरे थ्व संसारे महाअघोरं पापं दाह जुया सकल लोकपिसं महा दुःखं भुक्तमान याना ज्वी तिनी ।

हे गुरु थुबले जि जूनां थ्व तीर्थ थाहाँ वया छल्पोलया नामं जप तप, ध्यान, स्तोत्र पाठ आदि बुद्धया नामं चले याना च्वनेन वये । सकल लोक यात छल्पोल जित गथ्य बोधिज्ञान, ज्ञान, उर-देग बिया बिज्याथ्ये जिनं छल्पोलया महात्म्य समस्त लोक यात उपदेश बिया सकसिनहे छल्पोल बुद्धया मत चले याकेत वय धका थुलि दैत्ये धया श्री भगवानयाके दिदा कया चरण कमले भोपुया उगुहे प्रमोद तीर्थ नतूहे ल्यहाँ वना व दैत्य तीर्थस दुबिना लीन जुया वन ।

हे तान्त्रिक व दैत्यराजा थौं यागु अद्यापितवहे उगु तीर्थ च्वनाहे च्वन । हे तान्त्रिक थुजोगु उत्तमगु तीर्थ यात छँ मखुगु छँ लहात अकर्तव्यं योयोध्यहे धाल सील्ला छँ । तीर्थ धयागु बडाहे तःधंगु उत्तमगु लः धका तिर्थक पण्डितं जुलसा व तान्त्रिक पण्डित यात थय्य धाल ।

हे मंत्रीय, थुगु प्रकारं तिर्थक व तान्त्रिक पण्डित निम्हे-सिया वाद विवाद याना थुगु तीर्थ च्वना च्वंगु असंख्ये दया वस्येलिनं इपि निम्हंहे थुगु तीर्थ च्वना छँ लहाना वाद याना च्वन । तान्त्रिकं जक ताकसि छँ लहाना च्वन । तिर्थकं जक सार सारगु छँ लहानाहे च्वन । निम्हंहे मबूः । थुगु प्रकारं वाद याना च्यच्चं च्यच्चं कथंथ्ये थुपिनिम्हंहे वृद्धावस्था जुया कायया बसे लाना थुपि थुगुहे तीर्थ नतू मरुथु जुया प्राण त्याग याना सिना दन ।

हे मंत्रीय, थय्य थुपि निम्हं प्राण त्याग याना वंगु पुण्यया प्रभावं स्वर्ग भुवनेस बास लाना भगवानया कूले जन्म जावन

धका श्री शाक्य मुनि भगवानं मैत्रीय बोधिसत्व आदि सकल
सभालोक पिनिगु एवा स्वया थुगु प्रकारं आज्ञा दयेका
बिज्यात ।

इति श्री स्वयम्भू पुराणे प्रमोद तीर्थ महात्म्य कथाया
तिर्थक तान्त्रिक संवाद दशमो अध्याय सम्पूर्ण ॥ ॥



शुलक्षण तीर्थ

ॐ नमो रत्न त्रयायः ॥ ॥ श्री शाक्यसिंह भगवानं
मैत्रीय बोधिसत्व आदि सकल सभालोक पिनिगु एवा स्वया थुगु
प्रकारं आज्ञा दयेका बिज्यात ।

हे मैत्रीय धिमिस्ये जूसां प्रमोद तीर्थ यागु महात्म्य खं
न्यनेहे धूँल्ल । आः हाकनं शुलक्षण तीर्थ यागु महात्म्य खं कने
त्यना धिमिसं एकचित्त याना न्यो धका आज्ञा दयेका बिज्यागु
खं न्यना मैत्रीय बोधिसत्वं थय्य बिन्ति यान ।

हे भगवान छत्तपोलया दयां जिमिसं प्रमोद तीर्थ यागु खं
न्यने धुन । आः हाकनं शुलक्षण तीर्थ यागु महात्म्य खं न्यनेगु
इच्छा जल हे भगवान धका बिन्ति याना धागु खं न्यना श्री
भगवानं थय्य आज्ञा दयेका बिज्यात ।

हे मैत्रीय बोधिसत्व थुगु बागमती व चारुमती सङ्गम
जुया च्वंगु शुलक्षण तीर्थ खः थुगु तीर्थे बास याना च्वंगु महापद्म
धयाहा नागराजा खः । थव नागराजा गयोहा धालसा अतिहे
सुन्दर जुया पलेत्वाँ थ्ये चकगु एवा, तुमुगु वणं जुया च्दहा
थजाहा नागराजां बास याना च्वंगु थुगु शुलक्षण तीर्थया मेला
पर्व दिन गुबले धालसा जेष्ठ शुक्ल द्वादशि, मिथुन संक्रान्ति
बुधवार थुलि योग चूलायि बले थनया पर्व मेला खः । थयांगु

दिने गुह्य मनुष्य पिसं थुगु तीर्थे वया नीछन्हु यंकंहे स्नान यावयी बालुका चैत्य दयेका थम्हं फुथ्ये सामाग्री दयेका पंचोपचारं पूजा याना जप, तप, ध्यान, पाठ आदि याना देवता यात अर्घ बिद्या पितृयात तर्पण बिद्या अतिथि गणपिन्त दान दातव्य धर्म कर्म पायी थुके यागु पुण्यनं निश्चयनंहे वयात सम्पूर्ण अलक्षण नाश जुया शुलक्षणं पूर्ण जुया बोधिज्ञान लाना तथागत पदवी समेत लायी धका श्री भगवानं थथ्य आज्ञा दयका बिज्यात ।

थुलि आज्ञा न्यना मैत्रीय बोधिसत्त्वं हाकनं बिन्ति यात । हे भगवान श्व तीर्थे सेवा याना सुसु उद्धार जुया वन । हे प्रभू बृतान्तहे खं जिमित छत्पोलं आज्ञा दयका बिज्याहुं धका धागु खं न्यना श्री भगवानं आज्ञा दयका बिज्यात ।

हे मैत्रीय, छं एकचित्त याना न्यो । श्व खं गथ्य धालसा पुरा पूर्वकाले ह्लापा कौसिक धयागु नदीया तीरे कुसीद धयागु नगर छगू दया च्वंगु दु । थुगु नगरे राज्य चलेयाना च्वंह्य शुलक्षण धयाह्य राजा महा पराक्रम दया च्वह्य थयोह्य राजा छम्ह दु । श्वया स्त्री महारानी शुलक्षणी धयाह्य महारानी खः । हे मैत्रीय थथीजापी राजा रानी सहित च्वना च्वंगु कुसीद धयागु नगरे यथाक्रमंहे प्रजा गणपिन्त प्रतिपाल याना आनन्दं थःगु राज्य चले याना च्वन । थथ्य च्वच्चं असंख्ये वर्ष बिते जुया वस्येलि छन्हुया दिने व देशे अकस्मात् पचमहापाप यागु फल छगुहे लग्ने, छगुहे बेलाय साक्षात् कुपुत्र स्वीनितां अलक्षणपि स्वह्य थजोपि जन्म जुल ।

हे मैत्रीय अयोपि स्वम्ह कुपुत्र स्वया स्वया छं जन्म जुल

हालसा राजा यागु कले छम्ह, मन्त्रीया कले छम्ह, महाजनया कले छम्ह याना थयोपि अधोरं स्वीनितां अलक्षणं सहित जुया च्वंपि कुपुत्र सन्तान जन्म जुल ।

हे मैत्रीय, थुमिगु अङ्ग लक्षण गथ्य च्वं धालसा ह्लापां छ्यो तग्बो खर्बुजा थ्ये च्वं १ कपाः अउँछिब्या २ मिखाफुसि सँ स्वाः ३ मिखाया चिमिसँ फुक तितो स्वा ४ न्हायपं छुंयागु थ्ये ५ मिखा ह्याउँसे च्वं ६ न्हायप्बालं थस्वो ७ म्हुतुसि तबला स्वातुस्य च्वं ८ म्ये हाकु ९ वा तःपु आपामदु १० न्यतापां न्ह्या न्ह्याव ११ छ्योने च्वगु सँ सियू १२ चिमिसँ अखतं चातू १३ न्हाय मरू १४ मिखा गुलिच्याना द्वाहांत्रं १५ म्हुतुसि गँ १६ ह्येगवा थ्ये हाकुगु बर्ण १७ गःप ताहाक १८ नुगपा छःतो १९ बाः ताःहाक २० ल्हाः पतिहाक २१ तेफुचा ताःहाक २२ प्वा तग्बो २३ लिङ्ग ताःहाक २४ म्ह बागचा २५ पुलि धुंयाथ्ये २६ छिसिपालि उँथया थ्ये २७ नयगु आपाम्ह २८ आलपति तःपुम्ह २९ लुसि दक्क ववन्हालुम्ह ३० पाली दध्वी हो दुम्ह ३१ स्वर धालसा महा भयंकरं तसःम्ह ३२ थुलि स्वी-नितां अलक्षणं पूर्ण जुया च्वंपि कुपुत्र स्वम्ह उगु देशे जन्म जुल ।

हे मैत्रीय संयोगवस थुपि जन्म जुस्ये नस्ये थुमिगु प्रभावं व देशे अमंगल अलक्षणं थिया न्हापा मजुगु कथं अनेक उपद्रव दुर्घटनां ग्रष्ट जुल । छु जुल धालसा उगु देशबासी लोकजनपिन्त माहामारि अनेक प्रकारया रोगंकया असंख्ये मृत्यु जुल । हान राजाय न असंख्ये धनद्रव्य अन्न आदि राजभण्डार दक्कहे सुना

वन । सल, किसि, पशु पंछित आदि नाश जुल । पर राजा शत्रु
वैरि जुया भय दया बल । सकल लोकपि हाहाकार म्हया व
देशे भय दया बल । थ्व थ्ये नतू सकल देशे दूभिक्ष जया अन्नहे
मदया बल । सकलया नय मखनी, नय मद धका मेरिनि नय
त्योगु नयावगु समेतहे लाका नया जुल ।

हे मैत्रीय, अथ्ये व देशे उपद्रव जुजुं २ खुया नयीपि आपा
जुया असंख्येहे खुयागु भय दया बल । अथ्ये व देशे आपाल पाप
बन्हे जुया इश्वरया भाव ददव हिन जुया सकलया हाहाकार
म्हया च्वन । थथ्ये व कुलक्षणपि जन्म जुस्ये नस्ये व देशे अनेक
प्रकारया भय पिडा जुइका च्वने माल । हानं अकस्मातं अग्नि
उत्पात जुल । देशहे मीनया दाह जुया असंख्ये लोकपि मृत्यु
जुया धन द्रव्य समेत नाश जुगु स्वया सकल लोकजनपि हाहाकार
ख्वया हाला जुल । अथ्य हाला जुगु खना राजाया मने त्रास
चाया धन्दा जुया थ्व छुया निति उपद्रव जुगु धका मने भापिया
थःगु देशेयापि जानी गुणी पण्डित ज्योतिष आदि सकल यात
स तके छोया वयना सोत । थथ्य वयना स्वबले ज्योतिषं धाल ।
थ्व देशे स्वीनितां अलक्षणं पूर्ण जुया च्वंपि कुपुत्र स्वम्ह
छन्हुहे दिने छगूहे लग्ने थुपि स्वम्हहे थ्व देशे जन्म जुगुया निमित्त
अजार्गु उपद्रव जुगु । हे महाराज धका थथ्ये राजाया थाय्
न्ह्योने बिन्ति यात ।

थुलि ज्योतिषं धागु खं न्यना राजाया मने त्रास जुया
तत्कारणहे थःगु देशे त्वाः त्वाः पतिकहे बिहारबहि आदि अनेक
चैत्य बिम्ब बुद्ध भगवान्पों हाकनं अनेक क्षेत्रपाल देवतापिके

मातृका देवी देवता, थान देवता, इष्ट देवता थः थःगु कुल
देवतापिके अनेक प्रकारं पूजा भाव याना बजाचार्य, दाहण
पिसनं यज्ञ होम, जप, पाठ, ध्यान थाय् थासेहे याके बिल
(याका तल) ।

हे मैत्रीय, थुगु प्रकारं भाव याका तलनं, याना च्वंसानं
व देशे इश्वर पिसं फल बिय मफया च्वन । कारण छाय
धालसा कुलक्षणपि जन्म जुया, धर्म हीन जुया, पाप बृद्धि जुया
च्वंगुलीं हे मैत्रीय । थुम्ह राजां जूसां धानकिआः छुयाय थयोपि
सन्तान जन्म जुया थुगु प्रकारं देशे उपद्रव जुगु थःगुहे बीजं
जन्म जूपि सन्तान कुलक्षण जूसां छुयायगु हे परमेश्वर जि पुत्रया
कुलक्षण नाश जुया शुलक्षण प्रसन्न जुया बिज्याय माल । थ्व
जिगु देशेनं प्रजालोक सकसियांहे दुःख शान्त उवी माल धका
थथ्य कामना याना व राजां सकभनंहे शान्ति स्वमिति याकाहे
च्वना ज्वन ।

हे मैत्रीय, अथ्य याका तःसानंतबि व अलक्षणपि स्वम्हे-
सिगु प्रभावं याना व देशे छतींहे जय जुयामवो । थुगु प्रकारं
याना च्वच्चं व अलक्षणपि स्वम्हंहे ज्वनहे ह्वाट पुष्ट जुया ह्नी
ह्नीहे शरीर बन्हे जुया तःधिक जुया वया च्वन । कथंथ्ये थुपि
न्यादया उमेर जुया बल । थुगु प्रकारं महाजनयागु छेसनं कुपुत्रम्ह
अलक्षण सन्तान जन्म जुगुया प्रभावं व महाजन यान दक्क
सम्पत्तिहे नाश जुया इष्ट मित्रादि दास दासी सकल नापंहे
बियोग जुया ह्नीं छछा जकहे नयगु मदया, मफया कष्ट जुया
च्वन । थथ्य जुया वगु स्वया व महाजनया मने पयांफछि धिर्ज
याना धाल ।

हाहा हे भगवान गयोम्ह पुत्र छम्ह जन्म जुगु सापहे अलक्षणम्ह, थजाम्ह पुत्र जन्म जुगुलीं याना जि थौं थयोगु कष्ट नयमाल । आथ्व अलक्षणम्ह पुत्र याक्ये माया कया चवनां, गुलि कष्ट नया चवने धका मती तथा छन्हुया दिने निम्ह स्वम्ह पासापि बिया व पासापिन्त न्हयोवहे दुबिष्टाया खँ दयेका व कुलक्षण पुत्रयात व्यापार याके छोट ।

हे मैत्रीय, थ्व महाजनया कुपुत्रं जुलसां बुबायागु खँ न्यना थः बुबां ब्यूपीं पासापि नाप व्यापार यावने धका थःगु छेन प्रस्थान याना पिहाँ वन । अथ्य ववं प्यन्हु च्यान्हु यागु लें थ्यनका महाजनं दुबिष्टा खँ लहाना हःगु लुमंस्य वया पासापिसं छपु लंपु बितेयाना व कुपुत्र यात छले याना तोता थःपिजक लिहाँवया उम्ह महाजनयात अनयागु खँ फुकहे बिस्तारं कना चवन ।

हे मैत्रीय, उगु बखते उख्ये लें तोता वाना थकूम्ह कुपुत्रया लिहाँ वय मसया थः पासापिनं मखना उख्ये थुख्ये चाकमकलं स्वया बिलाप याला गन वनेर धका हाला स्वया जुजू २ दैव संयोग नेपाल मण्डल धयागु क्षत्रे थ्येकवल ।

हे मैत्रीय, व कुपुत्रअलक्षण जूसां उगु नेपाल मण्डले थ्येका श्री स्वयम्भू दर्शन याना अनंवया बागमती व चारुमती सङ्गम जुया चवंगु शुलक्षण धयागु तीर्थस थ्येकवन । अनथ्येका उगु तीर्थयात नमस्कार याना थुम्ह अलक्षण कुपुत्रं जुलसां उखुनु नस्येहे वहे तीर्थे चवना नित्य २ ह्नीह्नीहे स्नान याना मोल्हुया बालुका चैत्य दयेका पंचोपचारं पूजायाना थःमं सःथ्ये जप, तप, ध्यान याना इश्वर याके मन तथा एकचित्तं तपोव्रत याना चवन ।

हे मैत्रीय थुगु प्रकारं तपस्या याना चवचवं आपालं वर्ष बिते जुया वस्येलि उगु तपस्याया प्रभावं छन्हुया दिने तीर्थराज सन्तोष जुया आकाशवाणीं आज्ञा दयेकल । हे भक्तजन छंगु तपस्या खना जि खुसि जुय धुन । छँ छुंहे धन्दा कायम्बा जि दु धका थथ्य आज्ञा जुगु न्यना तपस्या याना चवम्ह अलक्षण कुपुत्रं बिन्ति यात ।

हे परमेश्वर तीर्थराज, जिथिजाम्ह अलक्षणम्ह यात छल्पोलं शुद्धिष्ट स्वया याकनंहे थुगु अलक्षण नाश ज्वीका शुलक्षणं संयुक्त याना दिव्य देह शरीर याना बिज्याहुँ । हे भदन्त जिगु पाप नाश याना पुण्य शरीर ज्वीका बिज्याहुँ धका थथ्य वरदान फोना चोन ।

थुलि खँ धया हःगु शब्द न्यना तीर्थराजां तथास्तू धका वरदान बिया सम्पूर्ण अलक्षण नाश याना शुलक्षणं संयुक्त ज्वीका दिव्य शरीर याना बिल । थथ्य थुम्ह तपस्वीया जूसां तीर्थराजा-या कृपां थःत दिव्यदेह शुलक्षण वरदान लाना मनस अति हर्ष याना थःगु शरीरे थःमं नतू पितुपिया थिया स्वया धन्य २ जिगु भाग्य म्हिगया दिने सम्पूर्ण अलक्षणम्ह धका बोबियका चोनाम्ह जि धास्येलि थौंयागु दिनस तीर्थराजयागु कृपानं सम्पूर्ण लक्षण पुरे जुया शुलक्षण जुल धका हर्ष याना थुम्ह तीर्थराजा यात पंचोपचारं पूजा याना अनेक प्रकारं स्तोत्र प्रदक्षिणा याना लहाहा ज्वरे याना प्रार्थना यात । हे परमेश्वर, छपिनिगु दयां जि मनो-रथ पूर्ण जुल हे प्रभू आः जि माँ बुबा यागु दर्शन यावने जित बिदा बिया प्रसन्न जुया बिज्याहुँ धका थथ्य प्रार्थना यात ।

थुलि खँ न्यना तीर्थराजां आज्ञा जुल । हे भक्तजन जिगु खँ छगु न्यो, मेगु मखू । छँ तपस्या यागुया प्रभाबं छन्त उद्धार जुल । आः छ छिमिगु देशे वना व अलक्षणपि मेपीं निम्ह दनि । इम थाय् छ वना जि छन्त उद्धार यानागु सम्पूर्ण खँ कना चित्तबुद्धि ज्वीका थन इमितनं छोया हति । थुमितन उद्धार याना शुलक्षण याना विषय धका थय्य आज्ञा दयका बिज्यात ।

थय्य आज्ञा जुगु न्यना थुम्ह तपस्वी महाजन पुत्रं बरो हर्षमान याना बिन्ति यात । हे भदन्त छत्पोलया आज्ञा तथास्तू जि थन यागु खँ सम्पूर्णहे राजायागु न्ह्योने वना बिन्ति याये । अले राजपुत्र, मन्त्रीपुत्र निम्हहे थन छोयाहय । हे परमेश्वर, छत्पोलया चरण कमले कोटि २ नमस्कार धका नमस्कार याना जि वने धका बिदा वया थुम्ह महाजनया पुत्र थःगु छँ वने धका बल ।

हे मैत्रीय, अथ्य ववं २ क्रमसित वया देशबासी मनू तयके न्यना २ ववं २ बल्ल थःगु देशे थ्येक बल । थव स्वया देशबासी पिस वयात धालकि अहो । की फलानाम्ह महाजनया पुत्र मखुला छिकपि गनं कायागु । न्हापा स्वीनितां अलक्षणम्ह आः लक्षणं पुरे ज्वीका दिव्यदेह ज्वीका लिहाँ काल । धका हाला सकसिननं धन्य २ छु तपस्यां थयोगु शुलक्षण जुल । सु देवतां थयोगु पुण्यया शरीर याना बिल धन्य २ बीर महाजनया पुत्र स्वी स्वी धका सकल देशबासी लोकपिसं प्रसंसायाका खँ ल्हाना चोन ।

हे मैत्रीय, अथ्य सकल देशबासी लोकजनपिन्त शिष्टाचार

याना थःगु छँ थ्येक वना माम बुबायागु चरण कमले भोपुया थःगु कुशल वार्ता खँ ल्हाना बिन्ति याना चवन । हे माता पिता छपिनिगु कृपां जि नेपाल मण्डले वना श्री स्वयम्भू भगवान दशनं याना अनं शुलक्षण तीर्थ वना तीर्थराज यात नमस्कार याना अनहे चवना ह्रीं ह्रीं नान याना मोल्हुया यानागु प्रभाबं जिगु अलक्षण नाश जुया शुलक्षण प्रसन्न जुया बिज्याय माल धका कल्पनां तपस्या याना चवना हे माता पिता थुलि जिनं तपस्या यानागुया प्रभाबं तीर्थराज प्रसन्न जुया जि धयाथ्ये शुलक्षण वरदान बिल । हाकनं थुम्ह परमेश्वरं जित थुगु प्रकारनं आज्ञा दयकल कि हे तपस्वी छिमिगु देशे स्वह्य पातकी मध्ये छ छम्हे-सिगु पाप कतय जुल । मेह्य राजाया पुत्र छह्य, मन्त्रीया पुत्र छह्य थुपि निह्य पातकी अलक्षण पि दनी । थुमितनं छँ धया थनहे तपस्या याक्यहीं । इमितनं छंतथ्येहे उद्धार याना हय धका थय्यन आज्ञा दयका हःगु दु । हे माता पिता थुलि खँ राजा याक्य बिन्ति यावने मानी । जि थुलि राजा यात बिन्ति याना उह्य राजपुत्र यात मन्त्रीपुत्र यात निम्हेसितनंहे अन तपोव्रत याक्य छोय धका माम बुबा याक्य बिन्ति याना चवन ।

थुलि थः पुत्र यागु खँ न्यना हर्षमान याना माँ बाँ नं थः तुत्रया स्वा स्वया थय्य धाल । धन्य २ हे पुत्र छंगु पराक्रम खना खुसि जुल । धन्य २ जिमिगु भाग्यनं, छाया धालसा थौं छथिजाह्य शुलक्षण पुत्र जिमित प्राप्त जुल । आःतिनि जिमिगु कुल थामय ज्वीगु जुल । हे पुत्र स्याबास छंगु उपरे सदानहे श्री

परमेश्वरं रक्षा याग माल धका थथ्ये आशिर्वाद बिया राजाया थाय् समाचार कंके छोट ।

हे मैत्रीय थथ्य व महाजनया पुत्रं राजाया थाय् वना समाचार कंवगु न्यना राजां मन्त्रीयात स तके छोया थःगु न्हयोने तथा व महाजन पुत्रं धागु तीर्थराज यागु सम्पूर्ण खँ गथ्य धागु खः अथ्यहे राजां मन्त्री यात आज्ञा दयकल । राजां थथ्य आज्ञा दयकूगु सम्पूर्ण खँ न्यना मन्त्रीनं राजा यात नमस्कार याना थथ्य बित्ति यात ।

हे महाराज थुगु खँय् जिगु सही जू । छत्पोलया जक गथ्य विचार ओ धया विज्याहुँ हे महाराज धका बित्ति याना धागु खँ न्यना राजा मन्त्री निम्हे सियाहे थः थःगु मने अत्यन्त हर्षमान याना व महाजनया पुत्रं धाथ्ये नतूहे राजकुमारनं मन्त्री पुत्रनं निम्हे सःता न्हयोने तथा मागु तकहे खँ लहाना चितबुछे याना इपि निम्हेसितनं बिदा बिया नेपाल मण्डले तीर्थ सेवा याक्य छोया हल । थुख्ये महाजन पुत्र यात जक अनेक प्रकारया सामान तथा सिलपाउ बिया हल । थथ्य राजां ब्यूगु प्रसाद कया व महाजन पुत्र आनन्दं च्वना च्वन ।

हे मैत्रीय, अनंलि थुम्ह राजपुत्र मन्त्रीपुत्र निम्हंहे तपस्या यायगु निमिते नेपाल क्षेत्र वने धका थःगु छेनं प्रस्थान याना ववं २ क्रमसित वया बल्ल बल्ल नेपाल क्षेत्र थ्येका तःधंहा परमेश्वर श्री स्वयम्भूया दर्शन याना अनं शुलक्षण तीर्थ धयागु थाय् बागमती व चारुमती सङ्गम जुया च्वंगु थासे थ्येक वना गुगु अलक्षण नाश जुया शुलक्षण प्राप्त ज्वी माल धका कल्पना

याना थुपि निम्हेसितनंहे बरो एकचित्तं उगु थासे च्वना स्नान याना मोल्हुया बालुका चैत्य दयका पचोपचारं पूजा याना षडक्षरि मन्त्र धारण याना बरो एकचित्तंहे तपोव्रत याना च्वना च्वन ।

हे मैत्रीय, थथ्य च्वच्चं गुलिख्ये काल बिते जुया वस्येलि थुमिगु तपस्या खना तीर्थराज प्रसन्न जुया थुमितनं शुलक्षणं संपुक्तगु पुष्य शरीर ज्वीगु वरदान बिया थुपि निम्हेसितनं बिदा बिया छोया हल । थथ्य तीर्थराजं वरदान ब्यूगु सिरोपर याना कया थुपि राजपुत्र, मन्त्रीपुत्र निम्हेसियाहे थः थःगु तपस्यां तीर्थराजया कृपां थः थःपिनिगु पाप शान्त याना पुण्यया शरीर प्राप्त ज्वीका सम्पूर्ण शुलक्षणं संपुक्त याना थःगु शरीर थःम्हंहे स्वस्वों अत्यन्त हर्षमान याना तीर्थराज यावये बिदा कया थःगु देशेहे वने धका अनं प्रस्थान जुया वल । थथ्य ववं २ क्रमसित वया थःगु देश थ्येका थ थःगु खबर कंके छोया अनेक शुभ मंगल देशे जात्रा याना भीगु शुभ बेलाय थःवगु राजगृहे प्रवेश याना कुशल वार्ता आदि शिष्टाचार याना आनन्दं राज्य भोग याना च्वन ।

हे मैत्रीय, उखुनुयागु दिनं नस्ये व देशे शुभ मंगल जुया वल । हानं उगु देशे जग्गा भूमि आदिनं आपाल अन्न सया बःहे जुया वल । सकल देशबासी लोकजन पिनिन दुर्भिक्ष नाश जुया शुभिक्ष जुया वल ।

हे मैत्रीय, हाकनं राजानं बरो न्याय निति राज्य चले याना थःगु देशे च्वपि प्रजा गणपितनं पालन पोशन याना सुख

आनन्द याना बिशा तल धका श्री शाक्यमुनि भगवानं मैत्रीय
बोधिसत्त्व आदि सकल यागु स्वा स्वया थुगु प्रकार आज्ञा
दयका बिज्यात ।

इति श्री स्वयम्भू पुराणे शुलक्षण तीर्थ महात्म्य कथायां
तृतीय अलक्षण पुरुष उद्धारणं एकादशोध्याय सम्पूर्ण ॥ ॥



जय तीर्थ

ॐ नमो रत्न त्रयायः ॥ ॥ श्री शाक्यमुनि भगवानं
मैत्रीय बोधिसत्त्व यात आज्ञा दयका बिज्यात ।

हे मैत्रीय छिमिस्ये जूसां शुलक्षण तीर्थ यागु महात्म्य
न्यनेहे धूंकल । आः हानं जयतीर्थ यागु महात्म्य खं कने त्यना
छिमिसं न्यो धका यथ्य आज्ञा दयका बिज्यागु न्यना मैत्रीय
बोधिसत्त्व श्री भगवान याक्ये बिन्ति यात ।

हे भगवान छल्पोलया दयायाक्ये शुलक्षण तीर्थ यागु खं
न्यने धुन । आः हाकनं म्येगु खं न्यनेगु इच्छा जुल । हे भगवान
सर्वजनाथ छल्पोलं जिमित आज्ञा दयका बिज्याहुं धका बिन्ति
याना धागु खं न्यना श्री भगवानं मैत्रीय आदि सकसिगुनं स्वा
स्वया जयतीर्थ यागु महात्म्य खं आज्ञा दयका बिज्यात ।

हे मैत्रीय, परापूर्व काले दानासूर धयाह्य दैत्यया कलाः
कान्ति दैत्यनी छह्य दया चवन । थ्वया भात दैत्य ब थ्व दैत्यनी
थुपि निह्य स्त्री पुरुषया चानंन्हिनं कलह त्वापु जुया
चवनीगु कारण छाय धालसा छगू दैत्यया ह्लापायागु धन
फूगुलीं, निगू थः स्त्री दैत्यनीया पाखें सन्तान मदुगुलीं । थ्व
निगूलीं यानानं नुगलं सहयाय मफया व दानासूर दैत्ये थः स्त्री
कलायात बराबर घुकीं न्यंका चवनीगु । चानंन्हिनं थुगु प्रकारं
घुकीं न्यंका त्वापु थया चवंगुलीं व दैत्यनीया थः स्वामीयागु

अहंकार कोप खना सह्याय मफया ग्याना मनस तःधंगु शोककया
ह धर्म जित सन्तान दयो । आः जि छु धर्म याय, गन बने, गन
चवने धका बिलाप याना खया थुहा दैत्यनी थःगु छेनं पिहां वया
सकल नगर, देश, ग्राम आदि अनेक वनान्तरे भ्रमण याना
चाहिला उख्ये थुख्ये जुया चवन ।

हे मैत्रीय, थुगु प्रकारं सर्वत्रहे थथ्य भ्रमण याना जुजुं २
दैव संजोगं नेपाल धयागु पुण्य क्षेत्रे थ्येक वल । अन थ्येका व
दैत्यनीनं उगु पुण्य क्षेत्र नेपाले सकभनं स्वया हर्षमान याना
श्री स्वयम्भू धर्म धातु बागीश्वरयात नमस्कार याना अग्ने कोनस
चवंगु अति उच्च जुया महा पबित्र जुया चवंगु फुल्लोच दानास
थाहां वना व दैत्यनीनं उगु थास बिज्याना चवंह्य श्री महालक्ष्मी
देवी यात नमस्कार याना थःगु मने प्रतिज्ञा याना चवनकि
हे परमेश्वरी जित छल्पोलं पुत्र पुत्री दयका बिज्याय माल धका
थुलि प्रतिज्ञा याना बागमतीया तीरे स्नान याना श्री परमेश्वरी
महालक्ष्मी देवी यात पंचोपचारं पूजा याना एकचित्तं तपस्या
याना चवन । थुगु प्रकारं अतिहे कष्ट नया तपस्या याना चवचवं
आपालंहे दया वम्येली थुम्ह दैत्यनीया भाव श्री महालक्ष्मी
बसुन्धरा देवी अत्यन्त खुसि जुया व दैत्यनीया न्ह्योने वस्पोल
प्रसन्न जुया थःगु मूर्ति केना बिज्यात । गयोगु प्रकारं केना
बिज्यात धालसा साक्षात् श्री महालक्ष्मी जुया सुवर्णयाथ्ये चवगु
वर्ण जुया षड्भुज खुका लहाहा धरे याना पचबुद्धया चिह्न दुगु
मकुट धारण याना अनेक प्रकार यागु रत्न जदे याना तःगु सुवर्णया
मकुटं पुया हानं रत्नया मालां कोखाया जःगु मूलगु लहातं

तथागत यात बन्दना याना नमस्कार याना बिज्याना चवंह्य
निकागु लहातं संसारयात उद्धार याय धका रत्न यागु कुप्पा जवना
बिज्याकम्ह । स्वकागु लहात अभयवर बिया बिज्याकम्ह । खवगु
मूलगु लहातं सधर्म उपदेशया ज्ञान दुगु प्रज्ञापारमिता धयागु
पुस्तक जवना बिज्याकम्ह । निकागु लहातं संसार प्रतिपाल यायत
श्री लक्ष्मी जुया वाग्वी जवना बिज्याकम्ह । स्वकागु लहात सुगति
लायिगु अभिषेक बिया पाप नाश ज्वीगु अमृत लंख तयातगु पूर्ण
कलश जवना अत्यन्त शोभायमान ज्वीक तेज प्रकाश याना
जाज्वल्यमानं थःगु दिव्य रूपगु मूर्ति दर्शन बिया बिज्यात ।

थ्व खना व दैत्यनीया मनस अतिहे हर्ष याना हतासं दना
वना वस्पोलया थाय न्ह्योने सं चवना लहा छिपतीनं ज्वरे याना
चरण कमले भोपुया अष्टाङ्ग प्रणाम याना थुजोगु प्रकारं प्रार्थना
याना चवन । हे परमेश्वर छल्पोलया चरण कमले कोटि २
नमस्कार । हे लक्ष्मी देवी छल्पोल गथीम्ह धालसा संसारया
लक्ष्मी देवी जुया सकल लोकयात प्रतिपाल याना बिज्याना
चवम्ह छल्पोल यात नमस्कार । हे परमेश्वरी, हे बसुन्धरा
देवी धयाम्ह छल्पोल, सिद्धिलक्ष्मी धयाम्हनं छल्पोल, जगत
जननी धयाम्हनं छल्पोल, बुद्ध जननी धयाम्हनं छल्पोल, प्रज्ञा-
पारमिता धयाम्हनं छल्पोल, उग्रतारा वज्रयोगीनी धयाम्हनं
छल्पोल, आर्यतारा धयाम्हनं छल्पोलहे थथीम्ह छल्पोल बुद्ध
जननी संसारया मां जुया बिज्याकम्ह छल्पोल यात जिन कोटि २
नमस्कार । हे सर्वव्यापिनी छल्पोलं जिगु दुःख आपत शान्त
याना, रक्षा याना जित रक्षा याना बिज्याहुं धका थथ्य तोत्र
याना, प्रार्थना याना वस्पोलया चरण कमले भोपुया चवन ।

थयोगु बखते श्री लक्ष्मी बसुन्धरा देवीं व दैत्यनीयात थना वयागु स्वा स्वया थुगु प्रकारं आज्ञा दयका बिज्यात । हे दैत्य पत्नी आः छं छुंहे धन्वा कायम्बा जिदु धका थःगु जवगु तुतिया पालीं आशन याना तःगु सुवर्णया कलशं तत्कारणं हे जलधारा हायका छगु नदी उत्पती याना बिल । थ्व नदीया नां खः प्रभावती धका नां छुना उगु नदी न्ह्याका बागमती सङ्गम ज्वीका तीर्थ ल्वीका बिल । थुलि याय धुंका श्री महालक्ष्मी बसुन्धरा देवीं जूसां थुम्ह दैत्यनी यात पुनः आज्ञा दयका बिज्यात ।

हे दैत्य पत्नी, आः छं जुलसां थ्व जि श्रृष्टि यानागु प्रभावती नदी व बागमती नदी मिले जुया वंगु उगु उत्तम तीर्थ वना अन च्वना बरो एकचित्तं श्री त्रिरत्नयागु नां कया तपोव्रत याना च्वंहुं । थुबले तिनि छन्त पुत्री सन्तान प्राप्त जुया छगु मनोबाञ्छानं पूर्ण ज्वी धका थथ्य आज्ञा दयका व दैत्य पत्नी यात बरदान बिया वस्पोल श्री बसुन्धरा देवी अनहे अन्तरधान जुया बिज्यात ।

थनंलि थ्व दानासूर दैत्यया पत्नी जुलसां श्री देवीया आज्ञा न्यना थःगु मने अति हर्षमान याना उगु थासं प्रस्थान जुया वया वस्पोलं श्रृष्टि यागु प्रभावती गंगा सङ्गम जूवंगु थासे वया उगु तीर्थ च्वना ह्लीह्लीहे स्नान याना श्री त्रिरत्न यागु भाव याना एकचित्तं हे तपस्या याना च्वन । थथ्य व कान्ति दैत्यनीनं तपस्या यागु आपालं वर्ष बितय जुया वस्येली श्री देवी यागु प्रभाव छन्हु व दानासूर दैत्यया थः स्त्री यात थःम्ह बोबिया कडागु बचन धयागु सम्पूर्ण खं लुमना वया थ्व दैत्ये थः स्त्री नाप लायगु

निमित्ते थःगु अभिमान, घमण्ड, क्रोध फुकहे त्याग याना मदेका गन थः स्त्री च्वना च्वंगु खः अनहे थ्ये वन । अन थ्येका व दैत्यराजां थः स्त्रीयात नाप लाना निम्हेसिया परस्पर धर्मयागु खं लहाना उगु तीर्थराज यात नमस्कार याना बिदा कया निम्हंहे थःगु छे स्वया ल्यहाँ वन । थथ्य थःगु छे च्वच्वं २ छूं समय विने जुया वस्येलि तीर्थ सेवाया प्रभावं व कान्ति दैत्यनीया गर्भ पात्ये अत्यन्त सुन्दरी स्वीनिता लक्षण दुह्य पुत्री छह्य जन्म जुल । थ्व स्वया व दैत्य पत्नीया अत्यन्त हर्षमान याना व पुत्री यात उक्त नदिया नाम अनुकरण याना प्रभावति गंगा धका नामाकरण याना तल । थथ्य याना लहिना तत २ उह्य थः पुत्री प्रभावती बालकया पाख्ये याना थुह्य दैत्य पत्नी यात जय जुया वल । थथ्य जुगुया कारणं उगु तीर्थ यात जय तीर्थ धका नां प्रख्यात जुल ।

हे मंत्रीय, अथ्य व दैत्य पत्नीया थह्य पुत्री प्रभावती गंगा बालक यात प्रतिपाल याना तत २ तःखंगु उत्तमगु पद्मवी समेत प्राप्त याना थःगु जोवन भर सुखंहे म्वाना छन्हु स्वर्गारोहण जुल ।

थुबले निस्ये न्यखुया नां प्रभावती सिद्ध जुया च्वन । हे मंत्रीय, थुगु हे उत्तमगु तीर्थहे म्यह्य छम्ह बल धयाम्ह दैत्यन वया वहे प्रभावतीस नित्य २ हे स्नान याना मोल्हुया तपस्या यावल । व दैत्य याननं तपस्या यावगु पुण्यया प्रभावं जय जुया सुनानंहे त्यावय मफया देव दैत्य सकल यात जितय याना स्वर्ग, मर्त्य, पातालेया अधिपति जुया आनन्दहे च्वना च्वन ।

हे मैत्रीय, हाकनं थुगुहे तीर्थेनतूं नरसिंह सौदागर धयाम्ह राजकुमारंनं तपस्या यांना सकल नरमांस भक्ष यांना प्राणि हिंसा यांनागु पाप शान्त यांना दिव्य स्वरूप लाना महावीर पराक्रम दया मोक्ष पदवी समेत लाना वन ।

हे मैत्रीय, थजागु उत्तम जुया चवगु प्रभावती धयागु तीर्थेस हाकनं छन्हु भिगु दिनेस श्री आर्या बलोकित्येवर क्वहां बिज्याना थुगु प्रभावती न्यखुहेय लंघना यांना बिज्यायी थुबले गुम्ह २ मनुष्य गणपिसं अन तीर्थे वया स्नान यावयी उम्ह २ मनुष्यया थुगु प्रभावती गंगा सङ्गम जुगु बागमती स्नान यावगु पुण्यया प्रभावं शुद्धगु शरीर जुया महारोग आदि सम्पूर्ण रोगहे शान्त जुया अति सुन्दर जुया अन्तकालस सुखावती भुवनेस बास यावने दयी । हानं अष्टवंतराग स्नान पूजा दर्शन यांनागु फल समेत प्राप्त ज्वी ।

हे मैत्रीय, थुगु जयतीर्थ तिद्ध जुया ताकालं दया वस्येलि कच्छपाल पर्वते ओदियानाचार्य स्थापना यांना तम्ह बोधिसत्व यागु रथ जात्रा यांना हबले उत्तरापथं लुताहा त वया थुम्ह बोधिसत्व यात लुते यांना कया यंकल । लिपा ताकालं थुम्ह बोधिसत्व यागु नामं कलश छग जक जात्रा यांना तल । अयोगु अवसरेस बैशालि नगर जिर्ण जुया वथासे तःधंगु बही छगू दया चवन । थ्व बहीली स्थापना यांना तम्ह आदिनाथ धयाम्ह बोधि-सत्व छम्ह दुगु जुया चवन । थ्व बोधिसत्वयात उगु बैशालि नगरया संघ सहित यांना भिनकं पूजा भाब यांना माने यांना चवन, माने यांना तल । अथ्य पूजा यांना तर्त २ आपालं वर्ष

बिते जुया वस्येलि छगू समय व बहिली च्वं पि सकसियां थिथीहे कलह त्वापु जुया दक्कहे लोकजनपि फुना मदया वन । अजागु अवसरे व थासे केवल पुजावारी छी पाला छम्ह जक्हे बाकी उवीक सकलें मृत्यु जुया वन । अजागु बखते थुम्ह पुजावारीं आदिनाथ देवयागु खा स्वया लहाहा ज्वरे यांना मिखां ख्वबि हायका अति बिलाप यांना थथ्य धाल ।

हे नाथ, थ्व बहिली अधोर संग्राम जुगु छत्पोलं छु स्वया बिज्यानागु । आः थन जियाकचा जक उवी धूंकल छत्पोल यात गथ्य यांना जि बिचार यांना चवनेगु । हे नाथ, आः जि धर्म धका धया चवने फंमखुत धका थुलि धया व पुजावारीं बोधिसत्व यात त्वाचाक ल्होना बुया दक्क तिसा तोका पोचिना पाद्याया हया नदीस चुयक्य छोया बिल ।

हे मैत्रीय, थथ्य व आदिनाथ यात नदीस चुयिके हः हं २ बागमती थ्येके हल । थथ्य बागमती थ्येने सातकि आदिनाथ उगु लंखया छीने बिज्याना थःगु शरीरं पंचरश्मी पिकया आकाशे हावलास त्वोगुथ्ये अत्यन्त तेज पिकया जाज्वल्यमानं उगु बागमती लंखया छीने बिज्याना चवन । थयोगु अवसरे आकाशे देशलोक गणपिनिस्येनं सीका आकाशंनतूंहे वस्पोल यात पुष्प वर्ष स्वां वागाका हल । हाकनं उगुहे तीर्थे चवना च्वं पि नागराज गणपिसंनं वस्पोलयात दर्शन यांना पूजा भाब यावया चवन । थुगु प्रकारं पूजा भाब यावगु कया आनन्दं थुगु जयतीर्थे थ्येक बिज्यात । थयोगु बखते कच्छपाल पर्वते च्वंम्ह ग्वालजात जुया च्वंम्हं खना वस्वया आश्चर्य जुया धाल । हाहा थौ बागमती तीर्थे सुबिज्यात

ज्वी अवस्यहे थ्व बिज्याम्ह छम्ह तःथंम्हहे इस्वर ज्वी । आः जि वना व खुसी थकया लाना हय धका मने लुइका जिल्हा जुया अन वना खुसी वववना लापाकया वना वहे बोधिसत्व मूर्ति ज्वना सातु साला हया च्वे उगु पर्वते थत हल । अथ्य व आदिनाथ यात ज्वना थत हया च्वंगु खना वस्वोया अन च्वंपि सकल लोकजनपि फुकहे आश्चर्य जुया अन्यन्त हर्षमान याना सकसियांहे थि थो खँ ल्हाना धाल । अहो किगु भाग्ये थर्थीम्ह परमेस्वर थन कीथाय् बिज्यात सो सो थन कीथाय् ह्यापायाम्ह छो मदया वंगु आपालं दत । आः थौंयागु दिनस कीथाय् ह्यापाथ्ये नतूहे इस्वर स्थापना याना पूजा भाव याना च्वने दैन धका थः थःगु मनं भालपा राजा यात त्रिन्ति चढेयाय माल धका जाहेर याना धावन । हे महाराज, थौं यागु दिनस कच्छपाल गिरीपर्वतस देव मदुगु आपालं दया वने धूंकल । आः मेम्ह परमेस्वर छम्ह स्थापना याय मज्जुला धका बिन्ति चह्ने यात । थुलि प्रजालोक पिसं बिन्ति याना धागु खँ न्यना राजां ज्यू धका आज्ञा दयका बिज्यात ।

थुलि राजा यागु आज्ञा न्यना सकल लोकजनपि खुसी जुया थः थःगु थासे नतू लिहाँ वया वखँ सकसितनं कना भिगु दिने जूसां उगु बागमती व प्रभावती सङ्गम जुगु थासे वना बिधिथ्ये पूजा याना चैत्र शुक्लया अष्टमी थ्व खुनुया दिने शुभ बेलास श्रीबज्राचार्य गुरुं जुलसां दुर्बाकुण्ड धयागु (द्वाफोस्वाँ) तथा आराधना याना च्वन । थुगु बखते थुम्ह बोधिसत्वं थःगु तेजं खयला उगु द्वाफो स्वाँने दुबिका लखे म्हिता च्वन । अजागु

बखते व आराधन याना साला चोम्ह बज्राचार्य सीका उगु द्वाफोस्वाँने चोम्ह बोधिसत्वं द्योयात लाना कया सुवर्णयागु कलशे तथा हया ह्यापा खुसी चुयिके हम्ह यागु शरीरे लीन याना विधिथ्ये पूजा आदि याना जात्रा दयका स्थापना याना तथा तल ।

हे मैत्रीय, थुगु जयतीर्थे थौं यागु अद्यापितकँहे चैत्र शुक्ल यागु अष्टमी खुन्हु मेला लगे जुया चोन तिनी थुगु म्येलाय्सं सकल लोकजनपि वया वर्ष बन्धन धका थ्व तीर्थेस स्नान याना तलतिनि धका श्री शाक्यमुनि भगवानं मैत्रीय बोधिसत्वं या न्ह्योने थुगु प्रकारं आज्ञा दयका बिज्यात ।

इति श्री स्वयम्भू पुराणे जयतीर्थे प्रभावती उत्पत्ति कान्ति दैत्यनी, बल दैत्य, नरसिंह सौदागर उद्धार द्वादश अध्याय सम्पूर्ण ।



नेपाल द्वादश तीर्थया स्नान दान यायगु विधि सामान

- १) पुण्यतीर्थ- (गोकर्ण) बागमती अमोघ फलदायनी संगम तक्षक नागराज । रक्तवर्ण, फला ५, पिण्डपात्र जलघट दान, द्वाफो स्वाँनं स्नान याकेगु । श्रीखण्ड धूप-माणिक दक्षिणा-कस्ति भोग छायगु-ब्रह्मायणी पीठ पूजा-अम्ब पालं यायगु जुल ॥ प्रज्ञापारमिता पाठ यायगु ॥
- २) शान्ततीर्थ- (गुह्येश्वरी) बागमती मारदायनी संगम सोमसिखि नागराजा स्वेत वर्ण-फला ३, पंचबृहि दान, धालपति स्वाँनं स्नान याकेगु । श्रीखण्ड धूप-भोग साख हिरा शंख दक्षिणा छायगु गुह्येश्वरी पीठ पूजा, स्वबर पालं यायगु ॥ गन्धब्यूह पाठ यायगु ॥
- ३) शंकर तीर्थ- (शंखमोले) बागमती मणिरोहिनी संगम शंखपाल नागराजा फला ६, पीत वर्ण, चन्द्रमा दान यायगु । लवों जिफो स्वाँनं स्नान याकेगु । लावत दक्षिणा छायगु । कुम्कुम (बा) कपू धूप, प्रियंगु भोग छायगु । सिकबहिलि पीठ पूजा । दशभूमिश्वर पाठ । गोमुत्र पालं यायगु ॥
- ४) राजतीर्थ- (धन्तिले) बागमती राजमञ्जरी संगमे सुरूप नागराजा । स्वेत वर्ण । फला ३ । नैबद्य, कुसा, लकां दान । इताथिताचानं स्नान । सिंहाय धूप । दक्षिणा

- नीर । भोग पुवा जाकि (बा) ध्यो । धन्तिल बाराही पीठ पूजा । सादुरु (बा) तुलसी लः पालं यायगु ।
- ५) मनोरथ तीर्थ- (खुसिख्यो) केशावती विमलावती संगम कुलिक नागराजा । छिरिबिरि वर्ण ह्य । फला १३ । वस्त्र पिण्डपात्र दान । नस्वाँ स्नान । दक्षिणा कर्कटन । धूप गुंगु । भोग साध्यो । लंकावतार पाठ । मनमयजु पीठ पूजा । कस्ति पालं ।
- ६) निर्मल तीर्थ- (विलास) केशावती कुसुमावती संगम । लाल नागराजा । ह्यास ह्य फला ३ । सफू ओहचकि दान । स्नान कलिह स्वाँनं । धूप सुगन्धवाल । दक्षिणा पुष्पराज । भोग ताय ध्यो । सद्धर्मपुण्डरिक पाठ । साध्यो पालं । लुति अजिमा पीठ पूजा ।
- ७) निधान तीर्थ- (कंगुखुसी) केशावती सुवर्णावती संगमे नन्द उपनन्द नागराजा । रक्तवर्ण । फला ३ । स्नान अजिस्वाँ (सिंहायस्वाँबूँ) । दण्डि मरकतमणि । धूप कुम्कुम (बा) श्रीखण्ड । दान अष्टधातु धान्य सुवर्ण । भोग (साख बा) ताय । कंगु अजिमा पीठपूजा सादुरु पालं ॥ तथागत गुह्यक पाठ ।
- ८) ज्ञान तीर्थ- (कल्लखु) केशावती पापनाशनी संगमे बाल-सुकि नागराजा । स्वेतवर्ण । फला ६ । स्नान तुयुगुनतू धूप रूपकेशर । दक्षिणा भिम्पू । भोग धौ । दान पंचरत्न बसुजा नाप तया । ललित बिष्टर पाठ यायगु । टंकेश्वरी अजिमा पीठ पूजा । फलफूल पालं यायगु ।
- ९) चिन्तामणि तीर्थ- (पचली) बागमती केशावती संगमे ।

बरुण नागराजा । फन्ना ६ । स्वेत वर्ण । स्नान पंच सुगन्ध । धूप सुगन्धबाल । भोग ध्यो कस्ति । हेरा दक्षिणा । नवरत्न दान । सुवर्णप्रभा पाठ । पचली भैरव पोठ पूजा । ध्यो पालं ।

१०) प्रमोद तीर्थ-- (दानिगा) बागमती रत्नावती संगमे । पद्म नागराजा । स्वेत वर्ण । फन्ना ३ चक्स्वांनं स्नान । धूप बाल । भोग साख । दक्षिणा पुष्पराज । दान पंच पकवानमरि । पाठ पंचरक्षा । अम्ब पालं ।

११) शुलक्षण तीर्थ-- (चोभा कवे) बागमती चारुमती संगमे महापद्म नागराजा । फन्ना १३ । स्वेत वर्ण । स्नान पंचगव्य । धूप कुशहा श्रीखण्ड । सादुरु भोग । दक्षिणा मोति । दान अन्न । भाजगा पोठ पूजा । फलफूल पालं ।

१२) जयतीर्थ-- (नखुन्हें) बागमती प्रभावती संगमे श्री कान्ति नागराजा । फन्ना ७ । स्वेतवर्ण । स्नान श्रीखण्ड जोस्वां । धूप कस्तुरी, श्रीखण्ड । भोग तुयु हामो । फर्को दक्षिणा । दान सैय्या जोलं । जलधर, इच्छा वस्त्र तथा । करुणापूण्डरिक पाठ । ब्रह्मायणी पोठ पूजा । धाले पालं यायगु ।

व्रत साधिक यायत होमयागु सार्दाम जोरे याय माल । कलश पूजा यायगु सार्दामिन जोरे यायमाल । थुलि तालाका व पूजा याना उपोषध व्रत साधिक याना वयमाल ॥ ॥

थुलि १२ द्वादश तीर्थ यागु स्नान दान यायगु सार्दाम तालाके माःगु जुल शुभम् ।

द्वादश तीर्थयागु पुराण कथा सफू छापे यायत
चन्दा बिया बिज्यापि श्रद्धालु भक्तजन पिनिगु
नामावलिया धलः पौ

| नां | दां तका |
|--|----------|
| १) विष्णुमाया व्यञ्जनकार चवास त्वा, द्योको पुखुसि, यल पाखें | — १०२५।— |
| २) श्रीमाया व्यञ्जनकार चवास त्वा, ब्रह्माछें ननी यल पाखें | — ५००।— |
| ३) स्व. लालभाइ महर्जन, लगनखेल नामं | — ३००।— |
| ४) पद्मज्योति बज्राचार्य, हौगः बहाः, यल | — २००।— |
| ५) जोगमाया शाक्य, खाछें, यल | — १७०।— |
| ६) छत्रानन्द बज्राचार्य, वॅला, यल | — १५०।— |
| ७) जोगिलाल महर्जन, पूचव, यल | — १५०।— |
| ८) बाबुसि महर्जन, पूचव, यल | — १०१।— |
| ९) स्व. सानु ग्वारा महर्जनया नामं अष्ट बहादुर महर्जनं, पूचव, यल | — १०१।— |
| १०) गोविन्द महर्जन, पूचव, यल | — १००।— |
| ११) गुणराज शाक्य, पूचव, यल | — १००।— |
| १२) जुजुभाई शाक्य, भोटाहिती, यें | — १००।— |
| १३) मोतिकाजि बज्राचार्य, बसन्तपुर, यें | — १००।— |

| नां | दां तका |
|--|---------|
| १४) तिर्यमान शाक्य, इनार शुक्रपथ, यल | — १००१— |
| १५) लोकमेहेर बज्राचार्य, छायाबाहाः, यल | — १००१— |
| १६) नातिराज शाक्य, सिबाहाः यल | — १००१— |
| १७) सप्तराज शाक्य, सिबाहाः यल | — १००१— |
| १८) राजभाई बज्राचार्य, मुल्दुवा, यल | — १००१— |
| १९) इन्द्रदास शाक्य, दौबाहा, यल | — १००१— |
| २०) मिनर्वा शिल्पकार, जोम्बहाल, यल | — १००१— |
| २१) स्व. अष्ट थकूं महर्जनया नामं हरि महर्जन, सलीछें, यल | — १००१— |
| २२) पूर्णमान शिल्पकार, दिल्लीबजार, ये | — ५५१— |
| २३) किसमां महर्जन, सलीछें यल | — ५०१— |
| २४) विवेक बाबु शाक्य, पूचव, यल | — ५०१— |
| २५) माणिकराज शाक्य, पूचव, यल | — ५०१— |
| २६) मदन दाई शाक्य, पूचव, यल | — ५०१— |
| २७) रत्नज्योति शाक्य, पूचव, यल | — ५०१— |
| २८) ज्ञान बहादुर शाक्य, क्वाथःबाहाः, यल | — ५०१— |
| २९) दयाराम डंगोल, कुसननी, यल | — ५०१— |
| ३०) कनकमुनि बज्राचार्य, बूबाहाः, यल | — ५०१— |
| ३१) पूर्णमुनि बज्राचार्य, ' | — ५०१— |
| ३२) कृष्णमुनि बज्राचार्य ' | — ५०१— |
| ३३) धर्मरत्न बज्राचार्य, ह्खबाहाः यल | — ५०१— |
| ३४) जोगरत्न बज्राचार्य, ज्यनबाहाः यल | — ५०१— |
| ३५) देवराज शाक्य, इलाछें, यल | — ५०१— |



धर्मराज बज्राचार्य

प्रकाशकया पिदने धुंकूग पुस्तक सफूया धलः पौ

- १) अष्टबैतराग महात्म्य
- २) धारणी संग्रह तोत्रपुचः
- ३) सप्तवार ग्रह मातृका पाठ
- ४) आर्य्य प्रत्यंगिरा पाठ हारती स्तोत्र सहित
- ६) द्वादश तीर्थ महात्म्य